

THE GOSPEL OF JOHN

ಯೋಹಾನ್ ಬರೆತಿ ಸುಪರ್ತಮಾನ

೧ನೆ ಸಂಧಿ

೧ ಆದಿಡ್ ವಾಕ್ಯ ಇತ್ತಂಡ್. ಆ ವಾಕ್ಯ ದೇವರೆ ಕೈತಳ್ ಇತ್ತಂಡ್. ಆ
೨ ವಾಕ್ಯ ದೇವರ್ ಆದಿತ್ತಂಡ್. ಉಂದು ಆದಿಡ್ ದೇವರೆ ಕೈತಳ್ ಇತ್ತಂಡ್.
೩ ಮಾತಲಾ ಐಡ್ ಉಂಡಾಂಡ್. ಉಂಡಾಯಿನವು ಒಂಜಿ ಆಂಡಲಾ ಅವುದಾಂತ
೪ ಉಂಡಾಯಿಜಿ. ಐಟ್ ಜೀವ ಇತ್ತಂಡ್. ಜೀವ ನರಮಾನ್ಯೆರೆ ಬೊಳ್ಳು ಆದಿ
೫ ತ್ತಂಡ್. ಆ ಬೊಳ್ಳು ಕತ್ತಲೆಡ್ ಬೆಳಗುಂಡು; ಕತ್ತಲೆ ಅವೆನ್ ಗ್ರಹಿತ್ ಜಿ.
೬ ದೇವೆರ್ ಕಡವುಡಿ ಒರಿ ನರಮಾನ್ಯೆ ಇತ್ತೆ; ಆಯ ಪುದರ್ ಯೋಹಾನ್.
೭ ಮಾತೆಲರ್ ಆಯ ಮುಖೊಟೆ ನಂಬುಲೆಕ್ಕ ಆಯೆ ಬೊಳ್ಳುದ ವಿಷಯೊಡು
೮ ಸಾಕ್ಲಿ ಪಣ್ಣೆನೆಕಾದ್ ಸಾಕ್ಲಿಗ್ ಬತ್ತೆ. ಆಯೆ ಬೊಳ್ಳು ಆದಿತ್ತಜೆ; ಬೊಳ್ಳುದ
೯ ವಿಷಯೊಡು ಸಾಕ್ಲಿ ಪಣ್ಣೆಯೆರೆ ಬತ್ತೆ. ಮಾತ ನರಮಾನ್ಯೆರೆನ್ ಬೆಳಗಾವು ನಿಜ
೧೦ ಬೊಳ್ಳು ಲೋಕೊಗು ಬರೊಣ್ಣೆತ್ತಂಡ್. ಆಯೆ ಲೋಕೊಡು ಇತ್ತೆ; ಲೋಕ
ಆಯ ಮುಖೊಟು ಉಂಡಾಂಡ್; ಆಂಡ ಲೋಕ ಆಯನ್ ಪಿದುಕೊಂಡ್ ಜಿ.
೧೧ ತನ್ನೆಕಾ ಬತ್ತೆ; ತನ್ನಾಕುಳು ಆಯನ್ ದೆತ್ತೊಂಡ್ ಜೆರ್. (೧೨) ಆಂಡ ಏತ್
ಮಂದೆ ಆಯ ಪುದರ್ನ್ ನಂಬುದು ಆಯನ್ ದೆತ್ತೊಂಡೆರಾ, ಆಕುಳೆಗ್
೧೩ ದೇವೆರೆ ಬಾಲೆಳು ಆವೆರೆ ಅಧಿಕಾರ ಕೊರಿಯೆ. ಮೋಕುಳು ನೆತ್ತೆರ್ಡ್ಡ್
ಅತ್ತ, ಮಾಂಸದ ಚಿತ್ತೊಡ್ಡು ಅತ್ತ, ಅಣ್ಣೆವೆ ಚಿತ್ತೊಡ್ಡುಲಾ ಅತ್ತ, ದೇವೆ
೧೪ ರೆಡ್ಡೆ ಪುಟ್ಟಿಯೆರ್. ಉಂದತ್ತಂದೆ ವಾಕ್ಯ ಮಾಂಸ ಆದ್ ನಮಡ್ ಬುಡಾರ
ಮಳ್ತಂಡ್, ಅಮ್ಮಡ್ ಒರಿಯೆ ಪುಟ್ಟಿನಾಯ ಮಹಿಮೆದಲೆಕ್ಕನೆ ಆಯ ಮಹಿ
೧೫ ಮೆನ್ ತೂಯ; ದಯೊಟುಲಾ ಸತ್ತೊಡುಲಾ ದಿಂಜ್ ದಿನಾಯೆ ಆದಿತ್ತೆ. ಆಯ
ವಿಷಯೊಡು ಯೋಹಾನ್ ಬುಳ್ಳುದು ಸಾಕ್ಲಿ ಪಂಡಿನಿ — ಯೆನ ಪಿರವುಡೆ ಬರ್ಪಿ
ನಾಯೆ ಯೆನಡ್ ದುಂಬುದಾಯೆ ಆದಿತ್ತಿನೆಡ್ ಯೆಂಕ್ ದುಂಬು ಆಯೆ ಅಂದ್ ದ್
೧೬ ಯಾನ್ ಪಂಡಿನಾಯೆ ಇಂಬೆನೇ. ಬೊಕ್ಕ ಆಯ ಪೂರ್ಣತೆಡ್ ನಮ ಮಾತೆ
೧೭ ಲರ್ ದಯತ ಮಿತ್ತ ದಯ ಹೊಂದಿಯೆ. ಎಂಚಂದ್ ಒಂಡ ನ್ಯಾಯಕಟ್ಟ್ ಮೋಸೆ

ಮುಖೊಟು ಕೋರ್ತಂಡ್; ದಯಲಾ ಸತ್ಯಲಾ ಯೇಸು ಕ್ರಿಸ್ತ ಮುಖೊಟು
೧೮ ಉಂಡಾಂಡ್. ದೇವರೆನ್ ಎಲರ್ತಾ ಎಪಲಾ ತೂಯಿಜೆ; ಅಮ್ಮ ಜಕ್ಕೆಲ್ಡ್
ಉಪ್ಪು ಒರಿಯೇ ಪುಟ್ಟಿ ಮಗೆ ಆಯೆನೇ ತೆರಿಪಾಯೆ.

೧೯ ಯೋಹಾನ ಸಾಕ್ಷಿ ದಾನೆಂದ್—ಯೆಹೂದ್ಯೆರ್ ಯೆರೂಸಲೇಮುಡ್ಡು
ಯಾಜಕೆರೆನ್ ಲೇವಿಯೆರೆನ್, ಈ ಏರ್ ಅಂದ್ ಅಯಡ ಕೇಣಿಯೆರೆ ಕಡ
೨೦ ಪುಡುನಗ, ಆಯೆ ಅರಿಕೆ ಮಳ್ತದ್ ಅರೆಂಜಂದೆ—ಯಾನ್ ಕ್ರಿಸ್ತೆ ಅತ್ತ
೨೧ ಅಂದ್ ಪಂಡೆ. ಅಂಚಾಂಡ ದಾನೆ ಈ ಎಲಿಯೆನಾ ಅಂದ್ ಅಯಡ
ಕೇಂಡೆರ್, ಅತ್ತ ಇಂದೆ. ಆ ಪ್ರವಾದಿಯಾ? ಅತ್ತ ಅಂದ್ ಉತ್ತರ
೨೨ ಕೊರಿಯೆ. ಆಪಗ ಆಕುಳು ಅಯಡ—ಈ ಏರ್? ಯೆಂಕುಳೆನ್ ಕಡಪುಡಿ
ನಾಕುಳೆಗ್ ಉತ್ತರ ಕೊರ್ಪಿಲೆಕ್ಕ ನಿನ ವಿಷಯೊಡು ದಾನೆ ಪಣ್ಣು ಇನ್ನಗ—
೨೩ ಯಾನ್ ಪ್ರವಾದಿ ಯೆಶಾಯೆ ಪಂಡಿಲೆಕ್ಕ ಕರ್ತವ ಮಾರ್ಗೊನು ಸರ್ತ
೨೪ ಮಳ್ಳುಲೆ ಅಂದ್ ಕಾಡ್ಡ್ ಬುಳ್ಳುನಾಯ ಧ್ವನಿ ಆದುಳ್ಳೆ ಅಂದೆ. ಕಡಪುಡ್ಡಿ
೨೫ ನಾಕುಳು ಫರಿಸಾಯೆರೆ ಕಡಿತಾಕುಳು. ಆಕುಳು ಅಯಡ—ಈ ಕ್ರಿಸ್ತೆ
ಆವಡ್ ಎಲಿಯೆ ಆವಡ್ ಆ ಪ್ರವಾದಿ ಆವಡ್ ಅತ್ತಾಂಡ, ಈ ಸ್ನಾನ ಕೊರ್ಪಿ
೨೬ ನವು ಆಪಗ ದಾನೆ ಅಂದ್ ಕೇಂಡೆರ್. ಯೋಹಾನೆ ಆಕುಳೆಗ್ ಉತ್ತರ
ಕೊರ್ದು—ಯಾನ್ ನೀರ್ಡ್ ಸ್ನಾನ ಕೊರ್ಪೆ, ಅಂಡ ನಿಕುಳು ಪಿನಂದಿನಾಯೆ
೨೭ ನಿಕುಳೆ ನಡುಟು ಉಂತುವೆ; ಆಯೆ ಯೆಂಕ್ ದುಂಬು ಆಯಿನಾಯೆ ಆದ್ ಯೆನ
ಪಿರವುಡೆ ಬರ್ಪಿನಾಯೆನೇ; ಆಯ ಮುಟ್ಟುದ ಬಾರೊನು ಗಿರ್ಪೆರೆ ಯಾನ್
೨೮ ತಕ್ಕದಾಯೆ ಅತ್ತ ಇಂದೆ. ಉಂದು ಯೊರ್ದಾನುದ ಆಯೆರೆಡ್ ಬೆಥಾನ್ಯಾಡ್
ಯೋಹಾನೆ ಸ್ನಾನ ಕೊರ್ಪಿನವುಳು ಆಂಡ್.

೨೯ ಮನದಾನಿ ಯೋಹಾನೆ ಯೇಸು ತನ ಕೈತಡೆಗ್ ಬರ್ಪಿನೆನ್ ತೂದು,
ಪಂಡಿನಿ—ಇಂದಾ, ಲೋಕದ ಪಾವೊನು ತುಂಬೊಣ್ಣು ಪೋಪಿ ದೇವೆರೆ ಕುರಿತ
೩೦ ಕಿನ್ನಿ! ಯೆನಡ್ ದುಂಬುದಾಯೆ ಆದಿತ್ತಿನೆಡ್ ಯೆಂಕ್ ದುಂಬು ಆಯಿ ಒರಿ
ನರಮಾನಿ ಯೆನ ಪಿರವುಡೆ ಬರ್ಪೆ ಅಂದ್ ಯಾನ್ ಪಂಡಿನಾಯೆ ಇಂಬೆನೇ.
೩೧ ಯಾನ್‌ಲಾ ಆಯನ್ ಪಿದುಕೊಂಡ್‌ಜಿ, ಅಂಡ ಆಯೆ ಇಸ್ರಯೇಲ್‌ಗ್
ತೋಜಿದ್ ಬರ್ಪಿಲೆಕ್ಕ ಉಂದೆಕಾದೇ ಯಾನ್ ನೀರ್ಡ್ ಸ್ನಾನ ಕೊರ್ಪಿನಾಯೆ
೩೨ ಆದ್ ಬತ್ತೆ. ಬೊಕ್ಕ ಯೋಹಾನೆ ಸಾಕ್ಷಿ ಪಂಡಿನಿ—ಆತ್ಮೆ ಪಾಂಡವುದಲೆಕ್ಕನೆ
ಪರಲೋಕೊಡ್ ಜತ್ತದ್ ಆಯ ಮಿತ್ತ್ ನಿಲೆಯಾದುಪ್ಪನೆನ್ ಯಾನ್
೩೩ ತೂಯೆ. ಯಾನ್‌ಲಾ ಆಯನ್ ಪಿದುಕೊಂಡ್‌ಜಿ. ಅಂಡಲಾ ನೀರ್ಡ್ ಸ್ನಾನ
ಕೊರಿಯೆರೆ ಯೆನನ್ ಕಡಪುಡಿನಾಯೆ ಯೆನಡ—ಏರೆ ಮಿತ್ತ್ ಆತ್ಮೆ ಜತ್ತದ್

ನಿಲಿಯಾದುವುನೆನ್ ತೂವನಾ, ಇಂಬೆ ಪರಿಶುದ್ಧಾತ್ಮಡ್ ಸ್ನಾನ ಕೊರ್ಪಿ
 ೩೪ ನಾಯೆನೇ ಇಂದೆ. ಯಾನ್ ತೂದು ಇಂಬೆ ದೇವೆರೆ ಮಗೆ ಅಂದ್‌ದ್ ಸಾಕ್ಷಿ
 ಪಂಡೆ.

೩೫ ಮನದಾನಿ ಕುಡ ಯೋಹಾನೆ ತನ ಶಿಷ್ಯೆರೆಡ್ ಇರುವೆರೆಡೊಪ್ಪ ಉಂತೊ

೩೬ ಣ್ಣುವುನಗ ನಡತೊಣ್ಣು ಪೋಪಿ ಯೇಸುನು ತೂದು—ಇಂದಾ, ದೇವೆರೆ ಕುರಿತ

೩೭ ಕೆನ್ನಿ ಇಂದೆ. ಆಯೆ ಪಾತೆರುನೆನ್ ಆ ಇರುವೆರೆ ಶಿಷ್ಯೆರ್ ಕೇಂಡ್‌ದ್ ಯೇಸು

೩೮ ಬೆರಿಯೆ ಪೋಯೆರ್. ಯೇಸು ಪಿಜೆರ್‌ದ್ ಆಕುಳು ಬೆರಿಯೆ ಬರ್ಪಿನೆನ್ ತೂದು

ಆಕುಳೆಡ—ದಾನೆ ನಾಡುವರ್ ಅಂದ್‌ದ್ ಕೇಂಡಿನೆಕ್ ಆಕುಳು ಆಯಡ—

೩೯ ರಬ್ಬೀ, ಓಳು ತಡೆವ ಅಂದೆರ್. ರಬ್ಬೀ ಇನ್ನಿನೆಕ್ ಬೋಧಕಾ ಅಂದ್‌ದ್ ಅರ್ಥ

೪೦ ಉಂಡು. ಆಯೆ ಆಕುಳೆಡ—ಬತ್ತದ್ ತೂಲೆ ಇಂದೆ. ಆಕುಳು ಬತ್ತದ್

ಆಯೆ ಓಳು ತಡೆವೆ ಅಂದ್‌ದ್ ತೂದು, ಆ ದಿನೊಟು ಆಯಡೊಪ್ಪ ತಡೆಯೆರ್.

೪೧ ಹೆಚ್ಚಿ ಕಡಮೆ ಪತ್ತನೆ ತಾಸ್ ಇತ್ತಂಡ್. ಯೋಹಾನೆ ಪಂಡಿನೆನ್ ಕೇಂಡ್‌ದ್

ಯೇಸು ಬೆರಿಯೆ ಪೋಯಿ ಇರುವೆರೆಡ್ ಸೀಮೋನು ಪೇತ್ರ ಒಪ್ಪವುಟ್ಟಿ

೪೨ ಅಂದ್ರೆಯೆ ಒರಿ. ಇಂಬೆ ದುಂಬತ್ತ ತನ ಒಪ್ಪವುಟ್ಟಿ ಸೀಮೋನುನು ತೂದು,

ಆಯಡ—ಮೆಸ್ಸೀಯೆ ಯೆಂಕುಳೆಗ್ ತಿಕ್ಕಿಯೆ ಇಂದೆ. ಮೆಸ್ಸೀಯೆ ಅಂದ್‌ಂಡ

೪೩ ಅಭಿಷೇಕ ಹೊಂದಿನಾಯೆ. ಬೊಕ್ಕ ಆಯನ್ ಯೇಸು ಕೈತಡೆಗ್ ಲೆತ್ತೊಣ್ಣು

ಬತ್ತೆ. ಯೇಸು ಆಯ ಮಿತ್ತ ತೂದು—ಈ ಯೋನ ಮಗೆ ಸೀಮೋನು,

ನಿನನ್ ಕೇಫೆ ಅಂದ್‌ದ್ ಲೆಪ್ಪೆರ್ ಇಂದೆ. ಕೇಫೆ ಅಂದ್‌ಂಡ ಪಾದೆ.

೪೪ ಮನದಾನಿ ಯೇಸು ಗಲಿಲಾಯೊಗು ಪಿದಾಡ್ಡ್ ಪೋವೊಡು ಅಂದ್‌ದ್

೪೫ ಉಪ್ಪುನಗ ಫಿಲಿಪ್ಪುನು ತೂದು ಆಯಡ—ಯೆನ ಬೆರಿಯೆ ಬಲ್ಲ ಅಂದೆ; ಫಿಲಿಪ್ಪು

ಬೆತ್ಸಾಯಿದದಾಯೆ, ಅಂದ್ರೆಯೆಲಾ ಪೇತ್ರಲಾ ಅವ್ವೇ ಊರುದಾಕುಳು.

೪೬ ಫಿಲಿಪ್ಪು ನಥಾನಯೇಲ್‌ನ್ ತೂದು, ಆಯಡ—ನ್ಯಾಯಕಟ್ಟಡ್ ಮೋಸೆಲಾ

ಪ್ರವಾದಿಳುಲಾ ಬರೆತಿ ನಜರೆತುದ ಯೋಸೇಫು ಮಗೆ ಯೇಸು ಯೆಂಕುಳೆಗ್

೪೭ ತಿಕ್ಕಿಯೆ ಇಂದೆ. ನಥಾನಯೇಲ್ ಆಯಡ—ನಜರೆತುಡ್ಡು ದಾದವುಲಾ

ಎಡ್ಡೆಂತಿನವು ಬರೊಲ್ಯಾ ಅಂದೆ. ಫಿಲಿಪ್ಪು ಆಯಡ—ಬತ್ತದ್ ತೂಲ ಅಂದ್‌ದ್

೪೮ ಪಂಡೆ. ಯೇಸು ನಥಾನಯೇಲ್ ತನ ಕೈತಡೆಗ್ ಬರ್ಪಿನೆನ್ ತೂದು ಆಯ

ವಿಷಯೊಡು ಇಂದಾ, ನಿಜ ಇಸ್ರಯೇಲೈ, ಆಯಡ್ ವಂಚನೆ ಇಚ್ಚಿ ಇಂದೆ.

೪೯ ನಥಾನಯೇಲ್ ಆಯಡ—ಯೆನ ಗೊಂತು ನಿಕ್ಕು ಒಳ್ಳು ಅಂದಿನೆಕ್, ಯೇಸು

ಉತ್ತರ ಕೊರ್ದು ಆಯಡ—ಫಿಲಿಪ್ಪು ನಿನನ್ ಲೆಪ್ಪನೆಕ್ ದುಂಬು ಈ ಅಂಜೂರದ

೫೦ ಮರತ ತಿರ್ತ ಉಪ್ಪುನಗ ನಿನನ್ ತೂಯೆ ಇಂದೆ. ನಥಾನಯೇಲ್ ಉತ್ತರ

- ಕೊರ್ದು ಆಯಡ—ರಬ್ಬೀ, ಈ ದೇವೆರೆ ಮಗೆ, ಈ ಇಸ್ರಯೇಲ್ ಅರಸು
 ೫೦ ಅಂದ್‌ದ್ ಪಂಡೆ. ಯೇಸು ಉತ್ತರ ಕೊರ್ದು ಆಯಡ—ನಿನನ್ ಅಂಜೂರದ
 ಮರತ ಮುದೆಲ್‌ಡ್ ತೂಯೆ ಅಂದ್‌ದ್ ನಿಕ್ಕ್ ಪಂಡನೆಡ್ ನಂಬುವನಾ?
 ೫೧ ಉಂದೆಡ್ ಮಲ್ಲೆನ್ ತೂವ ಅಂದೆ. ಕುಡ ಆಯಡ—ನಿಶ್ಚಯಾದ್ ನಿಶಯಾದ್
 ನಿಕುಳೆಗ್ ಪಣ್ಣೆ—ಇತ್ತೆಡ್ ಪರಲೋಕ ಜತ್ತಾದಿನೆನ್ ದೇವೆರೆ ದೂತೆರ್
 ನರಮಾನ್ಯ ಮಗ ಮಿತ್ತ್ ಏರ್‌ದ್ ಪೋಪಿನೆನ್ ಜತ್ತಾದ್ ಬರ್ಪಿನೆನ್ ತೂವರ್
 ಅಂದ್‌ದ್ ಪಂಡೆ.

೨ನೆ ಸಂಧಿ

- ೧ ಮೂಜಿನಾನಿ ಗಲಿಲಾಯದ ಕಾನಡ್ ಒಂಜಿ ಮದಮೆ ಆಂಡ್. ಯೇಸು
 ೨ ಅಪ್ಪೆಲಾ ಅವಳು ಇತ್ತಳ್. ಯೇಸುನುಲಾ ಆಯ ಶಿಷ್ಯೆರೆನ್‌ಲಾ ಮದಮೆಗ್
 ೩ ಲೆಯಿದೆರ್. ದ್ರಾಕ್ಲೆರಸ ಕಡಮೆ ಆನಗ, ಯೇಸು ಅಪ್ಪೆ ಆಯಡ—ಆಕುಳೆಗ್
 ೪ ದ್ರಾಕ್ಲೆರಸ ಇಜ್ಜೆ ಇಂದಳ್. ಯೇಸು ಆಳೆಡ—ವೊಣ್ಣವೇ ಯೆಂಕ್‌ಲಾ ನಿಕ್ಕ್‌ಲಾ
 ೫ ದಾನೆ? ಯೆನ ಘಳಿಗೆ ತೆಂಬುಡ ಬತ್ತೆಚಿ ಅಂದೆ. ಆಯ ಅಪ್ಪೆ ಚಾಕ್ರಿದಾಕುಳೆಡ—
 ೬ ಆಯೆ ನಿಕುಳೆಗ್ ದಾನೆ ಪಣ್ಣೆನಾ, ಅವೆನ್ ಮಳ್ಳುಲೆ ಅಂದಳ್. ಅವಳು
 ಯೆಹೂದ್ಯೆರೆ ಶುದ್ಧಾಚಾರೊಗು ತಕ್ಕ ರಡ್ಡ್ ಮೂಜಿ ಕಲಸ ಪತ್ತುನವು ಆಜಿ
 ೭ ಕಲ್ಲದ ಜಾಡಿಳು ದೀತ್‌ಂಡ್. ಯೇಸು ಆಕುಳೆಡ—ಜಾಡಿಳೆಗ್ ನೀರ್
 ೮ ದಿಂಜಾಲೆ ಅಂದೆ. ಏಕ್ ನಿಲಿಕೆ ದಿಂಜಾಯೆರ್. ಆಪಗ ಆಕುಳೆಡ—ಇತ್ತೆ
 ತೋಡುದು ಮದಮೆದ ಕರ್ತವಗ್ ಕೊಂಡುಕೊರ್ಲೆ ಅಂದ್‌ದ್ ಪಂಡೆ.
 ೯ ಆಕುಳು ಕೊಂಡುವೋಯೆರ್. ದ್ರಾಕ್ಲೆರಸ ಆತಿನವು ನೀರ್‌ದ ರಿತಿನ್ ಮದಮೆ
 ದ ಕರ್ತವೆ ತೂನಗ, ಅವು ಒಳ್ಳು ಅಂದ್‌ದ್ ಆಯಗ್ ತೆರಿಜಿ; ಆಂಡ ನೀರ್‌ನ್
 ತೋಡುದಿ ಚಾಕ್ರಿದಾಕುಳೆಗ್ ಗೊಂತಿತ್ತಂಡ್. ಅಂಚಾಯಿನೆಡ್ ಮದಮೆದ
 ೧೦ ಕರ್ತವೆ ಮದಮಾಯನ್ ಲೆತ್ತದ್, ಆಯಡ—ವಾ ನರಮಾನಿಲಾ ದುಂಬು
 ಎಡ್ಡೆ ದ್ರಾಕ್ಲೆರಸೊನು, ಬೊಕ್ಕ ಆಕುಳೆಗ್ ಬೊಡಿಯುನಗ ಸುಮಾರ್‌ದೆನ್
 ೧೧ ದೀಪೆ; ಈ ಎಡ್ಡೆ ದ್ರಾಕ್ಲೆರಸೊನು ಇದಮುಟ್ಟು ದೀವೊಂಡ ಅಂದೆ. ಈ
 ದುಂಬುದ ಗುರ್ತೊನು ಯೇಸು ಗಲಿಲಾಯದ ಕಾನಡ್ ಮಳ್ತದ್ ತನ
 ಮಹಿಮೆನ್ ತೋಜಾಯೆ. ಬೊಕ್ಕ ಆಯ ಶಿಷ್ಯೆರ್ ಆಯನ್ ನಂಬಿಯೆರ್.
 ೧೨ ಉಂದೆಡ್ ಬೊಕ್ಕ ಆಯೆ, ಆಯ ಅಪ್ಪೆ, ಆಯ ಸಹೋದರೆರ್, ಆಯ ಶಿಷ್ಯೆರ್
 ಕರ್ಪೆನ್‌ವೂಮುಗು ಜತ್ತದ್ ವೋಯೆರ್. ಆಂಡ ಅವಳು ದಿಂಜ ದಿನ ತಡೆಯಿಜೆರ್.
 ೧೩ ಯೆಹೂದ್ಯೆರೆ ಪಸ್ಸು ಮುಟ್ಟು ಇತ್ತಂಡ್, ಆಪಗ ಯೇಸು ಯೆರೂಸಲೆ ಮುಗು

- ೧೪ ಮಿಶ್ತಾದ್, ದೇವಾಲಯೊಡು ಕೈಕಂಜಿ ಕುರಿ ಪಾಂಡವು ಮಾರುನಾಕುಳೆನ್‌ಲಾ
 ೧೫ ಚಿನಿವಾದೆರ್ ಕುಳ್ಳುದಿನೆನ್‌ಲಾ ತೂದು, ಬಲ್ಡ್ಡ್ ಕೋಳ್ಳೆ ಮಳ್ತಾದ್, ಮಾತೆ
 ರೆನ್ ಕುರಿ ಕೈಕಂಜಿಳೆನ್‌ಲಾ ದೇವಾಲಯೊಡ್ ಪಿದಯಿ ಪಾಡ್‌ದ್, ಚಿನಿವಾ
 ೧೬ ದೆರೆ ಪಣವುನು ಬರ್ಕದ್, ಮೇಜಿಳೆನ್ ಮರತ್‌ದ್, ಪಾಂಡವು ಮಾರುನಾ
 ಕುಳೆಡ— ಉಂದೆನ್ ಮುಳ್ತುಡ್ಡು ಕೊಂಡುಪೋಲೆ; ಯೆನ ಅಮ್ಮ ಇಲ್ಲನ್ ವ್ಯಾ
 ೧೭ ಪಾರದ ಇಲ್ಲ ಮಳ್ಳಡೆ ಅಂದ್‌ದ್ ಪಂಡೆ. ಆಪಗ ಆಯ ಶಿಷ್ಯೆರ್ ನಿನ ಇಲ್ಲದ
 ಮಿತ್ತುಪ್ಪು ಗೆಲವು ಯೆಸನ್ ತಿಂದ್ರುಂಡು ಅಂದ್‌ದ್ ಬರೆತಿನೆನ್ ಸೆನೆಪು ಮಳ್ತೆರ್.
 ೧೮ ಅಂಚಾನಗ ಯೆಹೂದ್ಯೆರ್ ಆಯಡ— ಈ ಉಂದೆನ್ ಮುಳ್ಳುಸಕ್ ಯೆಂಕು
 ೧೯ ಳೆಗ್ ದಾನೆ ಗುರ್ತ ತೂಪಾವ ಅಂದೆರ್. ಯೇಸು ಉತ್ತರ ಕೊರ್ದು ಆಕುಳೆಡ—
 ಈ ದೇವಾಲಯೊನು ಗಿರ್ಪುಲೆ, ಯಾನ್ ಅವೆನ್ ಮೂಜಿ ದಿನೊಟು ಲಕ್ಕಾವೆ
 ೨೦ ಅಂದ್‌ದ್ ಪಂಡೆ. ಆಪಗ ಯೆಹೂದ್ಯೆರ್— ನಾಲ್ತತ್ತಾಜಿ ವರ್ಸೊಡು ಈ ದೇವಾ
 ಲಯ ಕಟ್ಟಿದ್‌ಂಡ್, ಈ ಮೂಜಿ ದಿನೊಟು ಅವೆನ್ ಲಕ್ಕಾವನಾ ಅಂದೆರ್.
 ೨೧ ಆಂಡ ಆಯೆ ತನ ಶರೀರ ಇನ್ನಿ ದೇವಾಲಯೊಗು ತಾಗಾದ್ ಪಾತೆರಿಯೆ.
 ೨೨ ಅಂಚಾಯೆನೆಡ್ ಆಯೆ ಸೈತಿನಾಕುಳೆಡ್ ಲಕ್ಕಿ ಬೊಕ್ಕ, ಶಿಷ್ಯೆರ್ ಆಯೆ
 ಉಂದೆನ್ ತನುಕುಳೆಡ ಪಂಡೆ ಅಂದ್‌ದ್ ಸೆನೆಪು ಮಳ್ತಾದ್ ಬರವುನುಲಾ
 ಯೇಸು ಪಂಡಿ ಪಾತೆರೊನುಲಾ ಸಂಬಿಯೆರ್.
 ೨೩ ಆಯೆ ಪಸ್ಸು ಪರ್ಬೊಡು ಯೆರೂಸಲೇಮುಡು ಉಪ್ಪುನಗ ದಿಂಜ ಮಂದೆ
 ೨೪ ಆಯೆ ಮಳ್ಳಿ ಗುರ್ತೊಳೆನ್ ತೂದು ಆಯ ವುದರ್‌ನ್ ಸಂಬಿಯೆರ್. ಆಂಡ
 ಯೇಸು ಮಾತೆರೆನ್‌ಲಾ ಪಿದುಕೊಂಡಿನೆಡ್ ಆಕುಳೆ ಮಿತ್ತ್ ಧೈರ್ಯ ಮಳ್ತೊಂ
 ೨೫ ಡ್‌ಜೆ. ಬೊಕ್ಕ ನರಮಾನ್ಯ ವಿಷಯೊಡು ಒರಿ ಸಾಕ್ಷಿ ಪಣ್ಣಿನವು ಆಯಗ್
 ಆಗತ್ಯ ಇತ್ತೆಜೆ; ನರಮಾನ್ಯಡ್ ಇತ್ತಿನೆನ್ ಆಯೆ ಪಿದುಕೊಂಡೆ.

೩ನೆ ಸಂಧಿ

- ೧ ಫರಿಸಾಯೆರೆಡ್ ಯೆಹೂದ್ಯೆರೆ ಮುಖ್ಯಸ್ಥೆ ಸಿಕೊದೇಮು ಇನ್ನಿ ನರಮಾನಿ
 ೨ ಇತ್ತೆ. ಇಂಬೆ ರಾತ್ರೆಡ್ ಯೇಸು ಕೈತಳೆ ಬತ್ತಾದ್ ಆಯಡ— ರಬ್ಬೀ, ಈ
 ದೇವರೆ ಕೈತಳೆಡ್ ಬೋಧಕ ಆದ್ ಒತ್ತ ಅಂದ್‌ದ್ ಯೆಂಕುಳು ಪಿಂಜ; ದಾಯೆ
 ಗಂದ್‌ಂಡ ಈ ಮಳುನವು ಈ ಗುರ್ತೊಳೆನ್ ದೇವೆರ್ ಆಯಡೊಪ್ಪ ಉಪ್ಪುನವು
 ೩ ಅತ್ತಂದೆ ಎರೆಗ್‌ಲಾ ಮಳ್ಳೆರೆ ಬಲ್ಲಿ ಅಂದ್‌ದ್ ಪಂಡೆ. ಯೇಸು ಉತ್ತರ ಕೊರ್ದು
 ಆಯಡ— ನಿಶ್ಚಯಾದ್ ನಿಶ್ಚಯಾದ್ ನಿಕ್ಕ ಪಣ್ಣೆ, ಒರಿ ಮಿತ್ತಡ್ ವುಟ್ಟುನವು
 ೪ ಅತ್ತಂದೆ ದೇವರೆ ರಾಜ್ಯೊನು ತೂವೆರೆ ಬಲ್ಲಿ ಇಂದೆ. ಸಿಕೊದೇಮು ಆಯಡ—

ಪರಬೆ ಆಯಿ ನರಮಾನಿ ಪುಟ್ಟುನವು ಎಂಚೆ? ಇರುವಾರ ತನ ಅಪ್ಪೆ ಬಂಜಿದ
 ೫ ಉಳಯಿ ಪೋದು ಪುಟ್ಟೊಲ್ಯಾ ಅಂದೆ. ಯೇಸು ಉತ್ತರ ಕೊರ್ದು ಪಂಡಿನಿ—
 ನಿಶ್ಚಯಾದ್ ನಿಶ್ಚಯಾದ್ ನಿಕ್ಕ ಪಣ್ಣೆ— ಒರಿ ನೀರ್ಡ್ಲಾ ಆತ್ಮಡ್ಲಾ ಪುಟ್ಟು
 ೬ ನವು ಅತ್ತಂದೆ ದೇವೆರೆ ರಾಜ್ಯದ ಉಳಯಿ ಪೋವೆರೆ ಬಲ್ಲಿ. ಮಾಂಸೊಡ್ಲ
 ೭ ಪುಟ್ಟುನವು ಮಾಂಸನೇ, ಆತ್ಮಡ್ಲ ಪುಟ್ಟುನವು ಆತ್ಮನೇ. ನಿಕ್ಕುಳು ಮಿತ್ತಡ್ಲ
 ೮ ಪುಟ್ಟೊಡು ಅಂದ್ ದ್ ಯಾನ್ ನಿಕ್ಕ ಪಂಡಿನೆಕ್ ಆಶ್ಚರ್ಯ ಬುಡಡ. ಘಾಳಿ
 ಮನಸ್ ಬತ್ತಿನವುಳು ಬೀಜುಂಡು, ಐತ ಶಬ್ದೊನು ಕೇಣುವ, ಆಂಡಲಾ
 ಅವು ಒಳ್ಳು ಬರ್ಪುಂಡಾ ಒಡೆಗ್ ಪೋವುಂಡಾ ಅವು ನಿಕ್ಕ ತೆರಿಯುಜಿ; ಆತ್ಮಡ್ಲ
 ೯ ಪುಟ್ಟಿನಾಯೆ ಏರ್ಲಾ ಇಂಚೆನೆ ಉಳ್ಳೆ. ನಿಕ್ಕೊದೇಮು ಉತ್ತರ ಕೊರ್ದು
 ೧೦ ಆಯಡ—ಉಂದು ಎಂಚೆ ಆವೊಲಿ ಇನ್ನಗ ಯೇಸು ಉತ್ತರ ಕೊರ್ದು ಆಯಡ
 ಪಂಡಿನಿ—ಈ ಇಸ್ರಯೇಲ್‌ಗ್ ಬೋಧಕೆ ಆದಿತ್ತಾದ್ ಉಂದೆನ್ ಪಿದುಕೊಣು
 ೧೧ ಜನಾ? ನಿಶ್ಚಯಾದ್ ನಿಶ್ಚಯಾದ್ ನಿಕ್ಕ ಪಣ್ಣೆ—ಯೆಂಕುಳು ಪಿಂದಿನೆನ್
 ಪಾತೆರುವ, ತೂಯಿನೆಕ್ ಸಾಕ್ಷಿ ಪಣ್ಣು; ಆಂಡಲಾ ಯೆಂಕುಳೆ ಸಾಕ್ಷಿನ್ ದೆತ್ತೊ
 ೧೨ ಣುಜರ್. ಯಾನ್ ಭೂಲೋಕದೆನ್ ನಿಕ್ಕುಳೆಗ್ ಪಣ್ಣುಗ ನಂಬುಜರ್ಡ ಪರ
 ೧೩ ಲೋಕದೆನ್ ನಿಕ್ಕುಳೆಗ್ ಪಣ್ಣುಗ ಎಂಚೆ ನಂಬರ್? ಪರಲೋಕೊಡ್ಲ ಜತ್ತಾದ್
 ಬತ್ತಿನಾಯೆ ಪರಲೋಕೊಡುಪ್ಪು ನರಮಾನ್ಯ ಮಗೆ ಅತ್ತಂದೆ, ಏರ್ಲಾ ಪರಲೋ
 ೧೪ ಕೊಗು ಏರ್‌ದ್ ಪೋಯಿಜಿ. ಉಂದತ್ತಂದೆ ಮೋಸೆ ಕಾಡ್ಡ್ ಸರ್ಪೊನು
 ೧೫ ಎಂಚೆ ಏರಾಯೆನಾ, ಅಂಚೆನೆ ನರಮಾನ್ಯ ಮಗೆ ಆಯನ್ ನಂಬುನಾಯೆ ಏರ್ಲಾ
 ನಾಶನಾದ್ ಪೋವಂದೆ ನಿತ್ಯಜೀವ ಇತ್ತಿನಾಯೆ ಆದುಪ್ಪುಲೆಕ್ಕ ಏರಾದಿನಾಯೆ
 ೧೬ ಆವೊಡು. ಆಯನ್ ನಂಬುನಾಯೆ ಏರ್ಲಾ ನಾಶನಾದ್ ಪೋವಂದೆ ನಿತ್ಯಜೀವ
 ಇತ್ತಿನಾಯೆ ಆದುಪ್ಪುಲೆಕ್ಕ, ದೇವೆರ್ ತನ ಒರಿಯೇ ಪುಟ್ಟಿ ಮಗನ್ ಕೊರ್ಪಿ
 ೧೭ ನಾತ್ ಲೋಕೊನು ಪ್ರೀತಿ ಮಕ್ತೆ. ದಾಯೆಗಂದ್‌ಂಡ ಲೋಕೊನು ನ್ಯಾಯ
 ತೀರ್ಪೆರೆ ಅತ್ತ, ಲೋಕೊಗು ಆಯಡ್ಲ ರಕ್ಷಣೆ ಆಪಿಲೆಕ್ಕ ದೇವೆರ್ ತನ ಮಗನ್
 ೧೮ ಲೋಕೊಗು ಕಡವುಡಿಯೆ. ಆಯನ್ ನಂಬುನಾಯಗ್ ನ್ಯಾಯತೀರ್ಪು
 ಆವಂದ್; ಆಂಡ ನಂಬಂದಿನಾಯಗ್ ದೇವೆರೆ ಒರಿಯೇ ಪುಟ್ಟಿ ಮಗ ಪುದರ್‌ನ್
 ೧೯ ನಂಬಂದಿನೆಡ್ ನ್ಯಾಯತೀರ್ಪು ಆದ್ ಪೋಂಡು. ನ್ಯಾಯತೀರ್ಪು ಉಂದೇ:
 ಬೊಳ್ಳು ಲೋಕೊಗು ಬತ್ತಂಡಲಾ ನರಮಾನ್ಯೆರ್ ತನುಕುಳೆ ಕ್ರಿಯೊಳು ಪಡಿಕೆ
 ೨೦ ಆದಿತ್ತಿನೆಡ್ ಬೊಳ್ಳುಡ್ಲ ಕತ್ತಲೆನ್ ಹೆಚ್ಚ ಪ್ರೀತಿ ಮಕ್ತೆರ್. ಎಂಚಂದ್‌ಂಡ ಪಡಿ
 ಕೆಂತಿನೆನ್ ಮಳ್ಳುನಾಯೆ ಏರ್ಲಾ ಬೊಳ್ಳುನು ಪಗೆ ಮಳ್ತದ್, ತನ ಕ್ರಿಯೊಳು
 ೨೧ ತೋವಿದ್ ಬರಂದಿಲೆಕ್ಕ ಬೊಳ್ಳುಗು ಬರ್ಪುಜಿ. ಸತ್ಯೊನು ಮಳ್ಳುನಾಯಾಂಡ

ತನ ಕ್ರಿಯೊಳು ದೇವೆರೆಡ್ ಮುಳ್ತದಿನವು ಅಂದ್‌ದ್ ತೋಜುಲೆಕ್ಕ ಬೊಳ್ಳುಗು ಬರ್ಪೆ.

- ೨೨ ಉಂದೆಡ್ ಬೊಕ್ಕ ಯೇಸು ಶಿಷ್ಯೆರೆ ಒಟ್ಟುಗು ಯೆಹೂದ ದೇಶೊಗು ವೋಡು,
- ೨೩ ಅವುಳು ಆಕುಳೆಡೊಪ್ಪ ತಡೆದ್ ಸ್ನಾನ ಕೊರಿಯೆ. ಯೋಹಾನೆಲಾ ಸಾಲೇ ಮುಗು ಮುಟ್ಟು ಇತ್ತಿ ಏನೋನುಡು ಸ್ನಾನ ಕೊರೊಣ್ಣು ಇತ್ತೆ; ಅವುಳು ದಿಂಜ
- ೨೪ ನೀರ್ ಇತ್ತ್ಂಡ್. ಬೊಕ್ಕ ಜನ ಬತ್ತದ್ ಸ್ನಾನ ಹೊಂದಿಯೆರ್. ಅದಮುಟ್ಟು
- ೨೫ ಯೋಹಾನನ್ ಶೆರೆಮನೆಡ್ ಪಾಡ್ಡಿತ್ತಜಿ. ಆಪಗ ಯೋಹಾನ ಶಿಷ್ಯೆರೆಡ್ ಪಾಕ ಮಂದೆಗ್ ಯೆಹೂದ್ಯೆರೆಡೊಪ್ಪ ಶುದ್ಧಾಚಾರದ ಸಂಗತಿಡ್ ತರ್ಕ ಆಂಡ್.
- ೨೬ ಆಕುಳು ಯೋಹಾನ ಕೈತಳ್ ಬತ್ತದ್ ಆಯಡ—ರಬ್ಬೀ, ಯೊದರ್‌ನುದ ಆಯೆರೆಡ್ ನಿನಡೊಪ್ಪ ಇತ್ತಿನಾಯೆ, ಈ ಸಾಕ್ಳಿ ಪಂಡಿನಾಯೆ, ಇಂದಾ, ಆಯೆ
- ೨೭ ಸ್ನಾನ ಕೊರ್ಪೆ; ಮಾತೆಲರ್‌ ಆಯ ಕೈತಡೆಗ್ ಬರ್ಪೆರ್ ಅಂದೆರ್. ಯೋಹಾನೆ ಉತ್ತರ ಕೊರ್ದು ಪಂಡಿನಿ—ಪರಲೋಕೊಡ್ ಕೊರ್ತಿನವು ಹೊರ್ತು, ನರ
- ೨೮ ಮಾನಿ ತನ್‌ಕ್ ದಾಲಾ ದೆತ್ತೊಣಿಯೆರೆ ಬಲ್ಲಿ. ಯಾನ್ ಕ್ರಿಸ್ತೆ ಅತ್ತ, ಆಯ ದುಂಬು ಕಡಪುಡ್ಡಿನಾಯೆನೇ ಅಂದ್‌ದ್ ಯಾನ್ ಪಂಡಿನೆಕ್ ನಿಕುಳೇ ಯೆಂಕ್
- ೨೯ ಸಾಕ್ಳಿ ಪಣ್ಣರ್. ಮದ್‌ಮಾಳ್ ಇತ್ತಿನಾಯೆ ಮದ್‌ಮಾಯೆ, ಆಂಡ ಮದ್‌ಮಾಯೆ ಸ್ನೇಹಿತೆ ಉಂತುದು ಮದ್‌ಮಾಯೆ ಧ್ವನಿ ಕೇಂಡ್‌ದ್ ಮಲ್ಲ ಸಂತೋಷ
- ೩೦ ಮೆಳ್ಳುವೆ; ಉಂದೇ ಯೆನ ಸಂತೋಷ ಇತ್ತೆ ದಿಂಬಿಂಡ್. ಆಯೆ ಹೆಚ್ಚೊಡ್,
- ೩೧ ಯಾನ್ ಕಡಮೆ ಆವೊಡು. ಮಿತ್ತಡ್ ಬರ್ಪಿನಾಯೆ ಮಾತೆರೆ ಮಿತ್ತ ಉಳ್ಳೆ. ಭೂಮಿದಾಯೆ ಭೂಮಿದಾಯೆ ಆದ್ ಭೂಮಿದೆನ್ ಪಾತೆರುವೆ; ಪರಲೋ
- ೩೨ ಕೊಡ್ ಬರ್ಪಿನಾಯೆ ಮಾತೆರೆ ಮಿತ್ತ ಉಳ್ಳೆ; ತಾನ್ ತೂಯಿನೆಕ್ ಕೇಂಡಿ
- ೩೩ ನೆಕ್ ಸಾಕ್ಳಿ ಪಣ್ಣೆ: ಆಂಡ ಆಯ ಸಾಕ್ಳಿನ್ ಎರ್ಲಾ ದೆತ್ತೊಣುಜೆ. ಆಯ ಸಾಕ್ಳಿನ್ ದೆತ್ತೊಂಡಿನಾಯೆ ದೇವೆರ್ ಸತ್ಯದಾಯೆ ಇನ್ನಿನೆಕ್ ಮುದ್ರೆಪಾಡಿಯೆ.
- ೩೪ ದಾಯೆಗಂದ್‌ಂಡ ದೇವೆರ್ ಎರೆನ್ ಕಡಪುಡಿಯೆನಾ, ಆಯೆ ದೇವೆರೆ ಪಾತೆರೊಳೆನ್ ಪಾತೆರುವೆ; ದಾಯೆಗಂದ್‌ಂಡ ದೇವೆರ್ (ಆಯಗ್) ಆತ್ಮೊನು ಅಳತೆ
- ೩೫ ದಾಂತೆ ಕೊರ್ಪೆ. ಅಮ್ಮೆ ಮಗನ್ ಪ್ರೀತಿ ಮುಳ್ತದ್ ಮಾತೆನ್‌ಲಾ ಆಯ ಕೈಟ್ ಕೊರಿಯೆ.
- ೩೬ ಮಗನ್ ನಂಬುನಾಯಗ್ ನಿತ್ಯಜೀವ ಉಂಡು; ಆಂಡ ಮಗಕ್ ಒಳಗಾವಂದಿನಾಯೆ ಜೀವೊನು ತೂವಯೆ; ದೇವೆರೆ ಕೋಪ ಆಯ ಮಿತ್ತ ನಿಲಿ ಯಾದುಂಡು.

೪ನೆ ಸಂಧಿ

- ೧ ಯೇಸು ಯೋಹಾನದ್ದ ಹೆಚ್ಚ ಶಿಷ್ಯರೆನ್ ಮಳ್ತೊಣ್ಣು ಸ್ನಾನ ಕೊರ್ಪೆ ಇನ್ನಿನೆನ್ ಫರಿಸಾಯೆರ್ ಕೇಂಡೆರ್ ಅಂದ್‌ದ್ ಕರ್ತವೆ ಪಿದುಕೊಣುನಗ,
- ೨-೩ ಯೆಹೂದನ್ ಬುಡುದು ಕುಡ ಗಲಿಲಾಯೊಗು ವೋಯೆ. ಆಂಡಲಾ
- ೪ ಯೇಸು ತಾನ್ ಅತ್ತ್, ಆಯ ಶಿಷ್ಯೆರ್ ಸ್ನಾನ ಕೊರಿಯೆರ್. ಆಯೆ ಸಮಾ
- ೫ ಯೊನು ಕಡತ್‌ದ್ ವೋವೊಡಾಂಡ್. ಆಪಗ ಆಯೆ ಯಾಕೋಬು ತನ ಮಗೆ ಯೋಸೇಫುಗು ಕೊರಿ ಭೂಮಿಗ್ ಮುಟ್ಟ್ ಇತ್ತಿ ಸುಖಾರು ಇನ್ನಿ ಸಮಾಯದ
- ೬ ಊರುಗು ಬತ್ತೆ. ಅವುಳು ಯಾಕೋಬು ಗುವೆಲ್ ಇತ್ತಂಡ್. ಆಪಗ ಯೇಸು ಪ್ರಯಾಣೊಡು ದಣೆದ್‌ವೋದು ಗುವೆಲ್‌ದ ಕೈತಳ್ ಇಂಜೆನೆ ಕುಳ್ಳಿಯೆ. ಹೆಚ್ಚಿ
- ೭ ಕಡಮೆ ಆಜನೆ ಘಂಟೆ ಇತ್ತಂಡ್. ಸಮಾಯದ ಒರ್ತಿ ಪೊಣ್ಣುವು ನೀರ್ ಒಯಿಪೆರೆ ಬತ್ತಳ್; ಯೇಸು ಆಳೆಡ—ಯೆಂಕ್ ಪರಿಯೆರೆ ಕೊರ್ಲ ಇಂದೆ.
- ೮ ಆಯ ಶಿಷ್ಯೆರ್ ಆಹಾರೊಗು ಬೋಡಾಯಿನೆನ್ ಬಿಲೆಕ್ ದೆತ್ತೊಣಿಯೆರೆ
- ೯ ಪೇಂಟೆಗ್ ವೋತೆರ್. ಆಪಗ ಸಮಾಯದ ಪೊಣ್ಣುವು ಆಯಡ ಪಂಡಿನಿ—ಈ ಯೆಹೂದ್ಯೆ ಆದ್ ಸಮಾಯದ ಪೊಣ್ಣುವು ಆದುಪ್ಪು ಯೆನಡ ಪರಿಯೆರೆ ಕೇಣು ನವು ಎಂಚೆ? ದಾಯೆಗಂದ್‌ಂಡ ಯೆಹೂದ್ಯೆರೆಗ್‌ಲಾ ಸಮಾಯೆರೆಗ್‌ಲಾ ನಡತೆ
- ೧೦ ಇಜ್ಜಿ. ಯೇಸು ಉತ್ತರ ಕೊರ್ದು ಆಳೆಡ—ನಿಕ್ಕ ದೇವೆರೆ ಉಡಿಗಿರೆಲಾ ಯೆಂಕ್ ಪರಿಯೆರೆ ಕೊರ್ಲ ಅಂದ್‌ದ್ ನಿನಡ ಪಣ್ಣಿನಾಯೆ ಏರ್ ಇನ್ನಿನವುಲಾ ತೆರಿದ್‌ಂಡ, ಈ ಆಯಡ ನಟ್ಟೊಣುದ್ವ, ಆಯೆ ನಿಕ್ಕ ಜೀವದ ನೀರ್ ಕೊರ್ತ್ವೆ
- ೧೧ ಅಂದ್‌ದ್ ಪಂಡೆ. ಪೊಣ್ಣುವು ಆಯಡ ಪಂಡಿನಿ—ಕರ್ತವಾ, ಒಯಿಪೆರೆ ನಿಕ್ಕ ದಾಲಾ ಇಜ್ಜಿ, ಗುವೆಲ್‌ಲಾ ಗುಂಡಿ; ಅಂಚಾಂಡ ಆ ಜೀವದ ನೀರ್ ನಿಕ್ಕ
- ೧೨ ಒಳ್ತು? ಯೆಂಕುಳೆಗ್ ಗುವೆಲ್‌ನ್ ಕೊರಿ ಯೆಂಕುಳೆ ಅಮ್ಮೆ ಆಯಿ ಯಾಕೋ ಬುಡ್ಡು ಈ ಮಲ್ಲಾಯೆನಾ? ಆಯೆಲಾ ಆಯ ಬಾಲೆಳುಲಾ ಆಯ ಕೈಕಂಜಿಲಾ
- ೧೩ ಐಡ್ ಪರಿಯ. ಯೇಸು ಉತ್ತರ ಕೊರ್ದು ಆಳೆಡ—ಈ ನೀರ್‌ಡ್ ಪರ್ಪಿನಾ
- ೧೪ ಯಗ್ ಏರೆಗ್‌ಲಾ ಬೊಕ್ಕಲಾ ಬಾಜೆಲ್ ಆವು; ಆಂಡ ಯಾನ್ ಕೊರ್ಪಿ ನೀರ್‌ಡ್ ಪರ್ಪಿನಾಯಗ್ ಸದಾಕಾಲೊಗು ಬಾಜೆಲ್ ಆವಂದ್; ಯಾನ್ ಆಯಗ್ ಕೊರ್ಪಿ ನೀರ್ ಆಯಡ್ ನಿತ್ಯಜೀವೊಗು ಉರ್ಕಾವು ನೀರ್‌ದ ವಸರ್
- ೧೫ ಆವು ಅಂದ್‌ದ್ ಪಂಡೆ. ಪೊಣ್ಣುವು ಆಯಡ—ಕರ್ತವಾ, ಯೆಂಕ್ ಬಾಜೆಲ್ ಆವಂದಿಲೆಕ್ಕ ಯಾನ್ ಒಯಿಪೆರೆ ಇಡೆಗ್ ಬರೊಡ್ಡಂದಿಲೆಕ್ಕ, ಆ ನೀರ್ ಯೆಂಕ್
- ೧೬ ಕೊರ್ಲ ಅಂದಳ್. ಯೇಸು ಆಳೆಡ—ವೋದು ನಿನ ಕಂಡಣ್ಯನ್ ಲೆತ್ತೊಣ್ಣು

- ೧೭ ಇಡೆಗ್ ಬಲ್ಲ ಅಂದಿನೆಕ್, ಪೊಣ್ಣುವು—ಯೆಂಕ್ ಕಂಡಣ್ಣೆ ಇಜ್ಜಿ ಅಂದ್‌ದ್ ಉತ್ತರ ಕೊರಿಯಳ್. ಯೇಸು ಆಳೆಡ—ಯೆಂಕ್ ಕಂಡಣ್ಣೆ ಇಜ್ಜಿ ಅಂದ್‌ದ್
- ೧೮ ಸರ್ತ ಪಂಡ; ನಿಕ್ಕ್ ಐವೆರ್ ಕಂಡಣ್ಣಾಡ್ಕು ಇತ್ತೆರ್; ಬೊಕ್ಕ ಇತ್ತೆ ನಿಕ್ಕ್ ಉಪ್ಪು
- ೧೯ ನಾಯೆ ನಿನ ಕಂಡಣ್ಣೆ ಅತ್ತ; ಉಂದೆನ್ ಸತ್ಯಾದ್ ಪಂಡ ಅಂದೆ. ಪೊಣ್ಣುವು
- ೨೦ ಆಯಡ—ಕರ್ತವಾ, ಈ ಪ್ರವಾದಿ ಅಂದ್‌ದ್ ತೂಪೆ. ಯೆಂಕುಳೆ ಅವ್ಣಾಡ್ಕು ಈ ಗಿರಿಟ್ ಆರಾಧನೆ ಮಳ್ಳೊಣ್ಣೆತ್ತೆರ್; ಆಂಡ ನಿಕುಳು—ಆರಾಧನೆ ಮಳ್ಳೊ
- ೨೧ ಡಾಪಿ ಜಾಗ್ ಯೆರೂಸಲೇಮುಡೇ ಇನ್ನರ್ ಅಂದ್‌ದ್ ಪಂಡಳ್. ಯೇಸು ಆಳೆಡ ಪಂಡಿನಿ—ಪೊಣ್ಣವೇ ಯೆಂಕ್ ನಂಬುಲ; ಒಂಜಿ ಘಳಿಗೆ ಬರ್ಪುಂಡು, ಐಟ್ ನಿಕುಳು ಅಮ್ಮಗ್ ಆರಾಧನೆ ಮಳ್ಳುನವು ಈ ಗಿರಿಟ್‌ಲಾ ಅತ್ತ, ಯೆರೂಸ
- ೨೨ ಲೇಮುಡುಲಾ ಅತ್ತ; ನಿಕುಳು ಪಿನಂದಿನೆನ್ ಆರಾಧನೆ ಮಳ್ಳುವರ್, ಯೆಂಕುಳು ಪಿಂದಿನೆನ್ ಆರಾಧನೆ ಮಳ್ಳುವ, ದಾಯೆಗಂದ್‌ಂಡ ರಕ್ಷಣೆ ಯೆಹೂದ್ಯೆರೆಡ್
- ೨೩ ಉಂಡು. ಆಂಡ ನಿಜ ಆರಾಧನೆದಾಕುಳು ಅಮ್ಮಗ್ ಆತ್ಮೊಡುಲಾ ಸತ್ಮೊಡುಲಾ ಆರಾಧನೆ ಮಳ್ಳು ಘಳಿಗೆ ಬರ್ಪುಂಡು, ಇತ್ತೆನೇ ಉಂಡು; ಅಮ್ಮೆ
- ೨೪ ತನ್‌ಕ್ ಇಂಚಿತ್ತಿ ಆರಾಧನೆದಾಕುಳೆನ್ ನಾಡುವೆ. ದೇವೆರ್ ಆತ್ಮೆ ಆದುಳ್ಳೆ, ಆಯಗ್ ಆರಾಧನೆ ಮಳ್ಳುನಾಕುಳು ಆತ್ಮೊಡುಲಾ ಸತ್ಮೊಡುಲಾ ಆರಾಧನೆ
- ೨೫ ಮಳ್ಳೊಡು. ಪೊಣ್ಣುವು ಆಯಡ—ಕ್ರಿಸ್ತೆ ಇನ್ನಿ ಮೆಸ್ಸೀಯೆ ಬರ್ಪೆ ಅಂದ್‌ದ್ ಯಾನ್ ಪಿಂಬೆ; ಆಯೆ ಬನ್ನಗ ಯೆಂಕುಳೆಗ್ ಮಾತೆನ್‌ಲಾ ಪಿನ್ವಾವೆ ಅಂದಳ್.
- ೨೬ ಯೇಸು ಆಳೆಡ—ನಿನಡ ಪಾತೆರು ಯಾನ್ ಆಯೆನೇ ಅಂದ್‌ದ್ ಪಂಡೆ.
- ೨೭ ಉಂದೆತ ಉಳಯಿ ಶಿಷ್ಯೆರ್ ಬತ್ತದ್ ಆಯೆ ಪೊಣ್ಣವೆಡೊಪ್ಪ ಪಾತೆರಿನೆಕ್ ಆಶರ್ಯಬುಡಿಯೆರ್; ಆಂಡಲಾ ಆಳೆಡ ದಾಸೆ ಕೇಣುವ, ದಾಸೆ ಪಾತೆರುವ
- ೨೮ ಅಂದ್‌ದ್ ಎರ್ಲಾ ಪಂಡೆಜೆ. ಆಪಗ ಪೊಣ್ಣುವು ಕಂದೆಲ್‌ನ್ ಬುಡುದು
- ೨೯ ಊರುಗು ಪೋದು, ಜನಟೆ—ಬಲ್ಲೆ, ಯಾನ್ ಮಳ್ಳಿನವು ಮಾತೆನ್‌ಲಾ ಯೆಂಕ್ ಪಂಡಿ ನರಮಾಸ್ಯನ್ ತೂಲೆ, ಇಂಬೆ ಕ್ರಿಸ್ತೆನಾ ದಾನ್ನಾ ಅಂದ್‌ದ್ ಪಂಡಳ್.
- ೩೦ ಆಕುಳು ಊರುಡ್ಕು ಪಿದಾಡ್ಕು ಆಯ ಕೈತಡೆಗ್ ಬತ್ತೆರ್. (೩೧) ಐತ ಉಳಯಿ
- ೩೧ ಶಿಷ್ಯೆರ್—ರಬ್ಬೀ ತಿನ್ಲ ಅಂದ್‌ದ್ ಆಯಡ ನಟ್ಟೊಣುನಗ, ಆಯೆ ಆಕುಳೆಡ—ನಿಕುಳು ಪಿನಂದಿ ಆಹಾರ ಯೆಂಕ್ ತಿನಿಯೆರೆ ಉಂಡು ಅಂದ್‌ದ್ ಪಂಡೆ.
- ೩೨ ಆಪಗ ಶಿಷ್ಯೆರ್—ಎರ್ಲಾ ಆಯಗ್ ತಿನಿಯೆರೆ ಕೊಂಡುಬತ್ತೆರಾ, ಅಂದ್‌ದ್
- ೩೩ ತನುಕುಳೆ ಉಳಯಿ ಪಾತೆರೊಂಡೆರ್. ಯೇಸು ಆಕುಳೆಡ ಪಂಡಿನಿ—ಯೆನನ್ ಕಡವುಡಿನಾಯ ಚಿತ್ತೊನು ಮಳ್ತದ್ ಆಯ ಕೆಲಸೊನು ತೀರಿಸುನವೇ ಯೆನ
- ೩೪ ಆಹಾರ. ನನ ನಾಲ ತಿಂಗೆಳುಬಗ ಕೊಯಿಪಿ ಸಮಯ ಬರ್ಪುಂಡು

- ಅಂದ್‌ದ್‌ ನಿಕುಳು ಪಣ್ಣರ್ ಅತ್ತಾ? ಇಂದಾ, ನಿಕುಳೆಗ್ ಪಣ್ಣೆ — ನಿಕುಳೆ ಕಣ್ಣುಳೆನ್ ಜತ್ತದ್ ಕಂಡೊಳೆನ್ ತೂಲೆ, ಅವು ಕೊಯ್ಯೆರೆ ಪಂದ್‌ಂಡ್.
- ೩೬ ಕೊಯಿಸಿನಾಯೆ ಕೂಲಿ ದೆತ್ತೊಣ್ಣು ನಿತ್ಯಜೀವೊಗು ಫಲ ಕೂಡಾವೆ; ಅಂಚೆನೆ ಬಿತ್ತುನಾಯೆಲಾ ಕೊಯಿಸಿನಾಯೆಲಾ ಒಟ್ಟುಗು ಸಂತೋಷ ಮಳ್ಳುವೆರ್.
- ೩೭ ಎಂಚಂದ್‌ಂಡ, ಒರಿ ಬಿತ್ತುವೆ ಬೊಕ್ಕೊರಿ ಕೊಯಿಪೆ ಇನ್ನಿ ಪಾತೆರ ಉಂದೆಟ್
- ೩೮ ಸತ್ಯ ಆದುಂಡು. ನಿಕುಳು ಕಷ್ಟ ಮಳ್ಳಂದಿನೆನ್ ಕೊಯ್ಯೆರೆ ಯಾನ್ ನಿಕುಳೆನ್ ಕಡವುಡಿಯೆ. ಬೀತೆ ಜನ ಕಷ್ಟ ಮಳ್ತೆರ್, ಆಕುಳೆ ಕೆಲಸೊಡು ನಿಕುಳುಲಾ
- ೩೯ ಶೇರಿಯರ್. ಆ ಊರುಡು ದಿಂಜ ಮಂದೆ ಸಮಾರ್ಯೆರ್ — ಯಾನ್ ಮಳ್ತಿ ನವು ಮಾತೆನ್‌ಲಾ ಆಯೆ ಯೆಂಕ್ ಪಂಡೆ ಅಂದ್‌ದ್ ಸಾಕ್ಷಿ ಪಂಡಿ ಪೊಣ್ಣವೆ
- ೪೦ ಪಾತೆರೊಗಾದ್ ಆಯನ್ ನಂಬಿಯೆರ್. ಅಂಚಾಯಿನೆಡ್ ಸಮಾರ್ಯೆರ್ ಆಯ ಕೈತಡೆಗ್ ಬತ್ತದ್ — ತನುಕುಳೆ ಕೈತಳ್ ತಡೆವೊಡು ಅಂದ್‌ದ್ ಆಯಡ
- ೪೧ ನಟ್ಟೊಂಡೆರ್. ಆಪಗ ರಡ್ಡ್ ದಿನ ಅವುಳು ತಡೆಯೆ. ಬೊಕ್ಕ ರಾಶಿ ರಾಶಿ ಜನ
- ೪೨ ಆಯ ಪಾತೆರೊಗಾದ್ ನಂಬುದು, ಪೊಣ್ಣವೆಡ — ನನ ಯೆಂಕುಳು ನಿನ ಪಾತೆ ರೊಗಾದ್ ನಂಬುನಾಕುಳು ಅತ್ತ; ಯೆಂಕುಳೆ ಕೇಂಡ್‌ದ್, ಇಂಬೆ ನಿಜಾದ್ ಲೋಕದ ರಕ್ಷಕೆ ಆದುವು ಕ್ರಿಸ್ತೆ ಅಂದ್‌ದ್ ಪಿಂಬ ಅಂದ್‌ದ್ ಪಂಡೆರ್.
- ೪೩ ಆ ರಡ್ಡ್ ದಿನ ಕರಿ ಬೊಕ್ಕ ಆಯೆ ಅಳ್ತಡ್ ಪಿದಾಡ್ ಗಲಿಲಾಯೊಗು
- ೪೪ ಪೋಯೆ. ದಾಯೆಗಂದ್‌ಂಡ ಪ್ರವಾದಿಗ್ ಪುಟ್ಟಿ ಊರುಡು ಮಾನ ಇಜ್ಜಿ
- ೪೫ ಅಂದ್‌ದ್ ಯೇಸು ತಾನೇ ಸಾಕ್ಷಿ ಪಂಡೆ. ಆಯೆ ಗಲಿಲಾಯೊಗು ಬನ್ನಗ, ಪರ್ಬದಗ ಯೆರೂಸಲೇಮುಡು ಆಯೆ ಮಳ್ತಿನವು ಮಾತೆನ್‌ಲಾ ತೂಯಿ ಗಲಿಲಾಯದಾಕುಳು, ಆಕುಳುಲಾ ಪರ್ಬೊಗು ಬತ್ತದ್ ಇತ್ತಿನೆಡ್ ಆಯನ್ ಶೇರಾವೊಂಡೆರ್.
- ೪೬ ಬೊಕ್ಕ ಯೇಸು ತಾನ್ ನೀರ್‌ನ್ ದ್ರಾಕ್ಷೆರಸ ಮಳ್ತಿ ಗಲಿಲಾಯದ ಕಾನಗ್ ಕುಡ ಪೋಯೆ. ಆಪಗ ಒರಿ ಅರಸು ಕೈತಳ್‌ದಾಯೆ ಇತ್ತೆ, ಇಂಬ್ಯ ಮಗೆ
- ೪೭ ಕರ್ಪೆನವೂಮುಡು ತೀರಂದೆ ಬೂರುದೆ. ಯೇಸು ಯೆಹೂದಡ್ ಗಲಿಲಾ ಯೊಗು ಬತ್ತಿ ಸುದ್ದಿ ಇಂಬೆ ಕೇಂಡ್‌ದ್ ಆಯ ಕೈತಡೆಗ್ ಪೋದು — ಜತ್ತದ್ ಬತ್ತದ್ ತನ ಮಗನ್ ವಾಸಿ ಮಳ್ಳೊಡು ಅಂದ್‌ದ್ ಆಯಡ ನಟ್ಟೊಂಡೆ;
- ೪೮ ದಾಯೆಗಂದ್‌ಂಡ ಆಯೆ ಸೈಯೆರೆ ಇತ್ತೆ. ಆಪಗ ಯೇಸು ಆಯಡ — ನಿಕುಳು ಗುರ್ತೊಳೆನ್ ಆಶ್ಚರ್ಯೊಳೆನ್ ತೂಪಿನವು ಅತ್ತಂದೆ ನಂಬಯರ್ ಅಂದೆ.
- ೪೯ ಅರಸು ಕೈತಳ್‌ದಾಯೆ ಆಯಡ — ಕರ್ತವಾ, ಯೆನ ಬಾಲೆ ಸೈಪಿನೆಕ್ ದುಂಬು
- ೫೦ ಜತ್ತದ್ ಬಲ್ಲ ಅಂದೆ. ಯೇಸು ಆಯಡ — ಪೋಲ, ನಿನ ಮಗೆ ಬದುಕುವೆ

ಇಂದೆ. ಆ ನರಮಾನಿ ಯೇಸು ತನಡ ಪಂಡಿ ಪಾತೆರೊನು ನಂಬುದು ಪೋಯೆ.
 ೫೧ ಆಯೆ ಜತ್ತಾದ್ ಪೋನಗನೆ ಊಳಿಗದಾಕುಳು ಎದರ್ ಬತ್ತಾದ್ — ನಿನ ಆಣ್
 ೫೨ ಬದುಕುವೆ ಅಂದಾದ್ ಪಿನ್ನಾಯೆರ್. ಆಪಗ ಆಯೆ ಆಕುಳೆಡ — ವಾ ತಾಸ್‌ಡ್
 ಆಯಗ್ ಲಗು ಆಡ್ ಅಂದಾದ್ ವಿಚಾರಣೆ ಮಳ್ತಿನೆಕ್, ಆಕುಳು ಆಯಡ —
 ೫೩ ಕೋಡೆ ಏಳನೆ ತಾಸ್‌ಡ್ ಜರ ಆಯನ್ ಬುಡ್ತಂಡ್ ಅಂದೆರ್. ಆಪಗ
 ಅಮ್ಮೆ — ನಿನ ಮಗೆ ಬದುಕುವೆ ಅಂದಾದ್ ಯೇಸು ತನಡ ಪಂಡಿ ಆ ತಾಸ್‌ಡೇ
 ಅಂದಾದ್ ಪಿದುಕೋಣ್ಡು ಆಯೆಲಾ ಇಲ್ಲದಾಕುಳು ಮಾತೆಲರ್ ನಂಬಿಯೆರ್.
 ೫೪ ಯೇಸು ಯೆಹೂದಡ್ ಗಲಿಲಾಯೊಗು ಕುಡ ಬತ್ತಾದ್ ಈ ರಡ್ಡನೆ ಗುರ್ತೊನು
 ಮಳ್ತೆ.

೫ನೆ ಸಂಧಿ

೧ ಉಂದೆಡ್ ಬೊಕ್ಕ ಯೆಹೂದ್ಯೆರೆ ಪರ್ಬ ಬತ್ತಂಡ್; ಬೊಕ್ಕ ಯೇಸು ಯೆರೂ
 ೨ ಸಲೇಮುಗು ಮಿತ್ತಾಯೆ. ಯೆರೂಸಲೇಮುಡು ಕುರಿಬಾಕಿಲ್‌ದ ಕೈತಳೆ ಹೆಬ್ಬಿ
 ೩ ಪಾತೆರೊಡು ಬೆಥೇಸ್ಥ ಇನ್ನಿನವು ಐನ್ ಚಾಕೆಳು ಇತ್ತಿ ಕೆರೆ ಉಂಡು. ಐಟ್
 ದಿಂಜ ಮಂದೆ ಸಂಕಡದಾಕುಳು, ಕುರುಡೆರ್ ಮೋಂಟೆರ್ ಮೆಯಿ ಆಜಿದ್ ಪೋತಿ
 ೪ ನಾಕುಳು ಜೆತ್ತೊಣ್ಡು ನೀರ್ ಪಂದುನೆನ್ ಕಾತೊಣ್ಡು ಇತ್ತೆರ್. ದಾಯೆಗಂ
 ದಂಡ ಒರ ಒರ ಒರಿ ದೂತೆ ಕೆರೆಕ್ ಜತ್ತಾದ್ ನೀರ್‌ನ್ ಪಂದಾಯೆ; ನೀರ್
 ಪಂದಿಬೊಕ್ಕ ದುಂಬು ಜತ್ತಿನಾಯೆ ವಾ ರೋಗದಾಯೆ ಆದಿತ್ತಂಡಲಾ ವಾಸಿ
 ೫ ಆಯೆ. ಅವುಳು ಮುಪ್ಪತೆಣ್ಣು ವರ್ಸ ಅದ್ದನೊಡು ಬೂರುದಿ ಒರಿ ನರಮಾನಿ
 ೬ ಇತ್ತೆ. ಇಂಬೆ ಜೆಯಿದಿನೆನ್ ಯೇಸು ತೂನಗ ದಿಂಜ ಕಾಲೊಡು ಇಂಚೆನೆ ಉಳ್ಳೆ
 ಅಂದಾದ್ ಪಿದುಕೋಣ್ಡು, ಆಯಡ — ನಿಕ್ಕ ವಾಸಿ ಆವೆರೆ ಮನಸ್ ಉಂಡಾ,
 ೭ ಅಂದಾದ್ ಕೇಂಡೆ. ಸಂಕಡದಾಯೆ ಆಯಗ್ ಉತ್ತರ ಕೊರಿನಿ — ಕರ್ತವಾ
 ನೀರ್ ಪಂದನಗ ಯೆನನ್ ಕೆರೆಕ್ ಜವುಡಿಯೆರೆ ಯೆಂಕ್ ಎರ್ಲಾ ಇಜ್ಜಿ; ಯಾ
 ನಾದ್ ಪೋಪಿನೆತ ಉಳಯಿ ಬೊಕ್ಕೊರಿ ಯೆನಡ್ ದುಂಬು ಜತ್ತಾದ್ ಪೋಪೆ.
 ೮ ಯೇಸು ಆಯಡ — ಲಕ್ಕಲ, ನಿನ ಮಂಚವುನು ತುಂಬೊಣ್ಡು ನಡವುಲ ಅಂದೆ.
 ೯ ಕೂಡ್ಲೆ ಆ ನರಮಾನಿ ವಾಸಿ ಆದ್ ತನ ಮಂಚವುನು ತುಂಬೊಣ್ಡು ನಡತೆ.
 ೧೦ ಆನಿ ಸಬ್ಬತು ಇತ್ತಂಡ್. ಅಂಚಾಯಿನೆಡ್ ಯೆಹೂದ್ಯೆರ್ ವಾಸಿ ಆಯಿನಾ
 ಯಡ — ಸಬ್ಬತು ಉಂಡು, ಮಂಚವುನು ತುಂಬೊಣ್ಡು ಪೋಪಿನವು ನಿಕ್ಕ
 ೧೧ ಆವಂದ್ ಇಂದೆರ್. ಆಯೆ ಆಕುಳೆಗ್ ಉತ್ತರ ಕೊರಿನಿ — ಯೆನನ್ ವಾಸಿ
 ಮಳ್ತಿನಾಯೆನೇ ನಿನ ಮಂಚವುನು ತುಂಬೊಣ್ಡು ನಡವುಲ ಲಿಂಪ್‌ದ ಯೆಂಕ್

- ೧೨ ಪಂಡೆ. ಆಪಗ ಆಕುಳು ಆಯಡ—ನಿನ ಮಂಚವುನು ತುಂಬೊಣ್ಣು ನಡವುಲ
- ೧೩ ಅಂದ್‌ದ್ ನಿಕ್ಕ ಪಂಡಿ ನರಮಾನಿ ಏರ್ ಅಂದ್‌ದ್ ಕೇಂಡೆರ್. ವಾಸಿ ಆಯಿ
ನಾಯಗ್ ಆಯಿ ಏರ್ ಅಂದ್‌ದ್ ತೆರಿಜಿ, ದಾಯೆಗಂದ್‌ಂಡ ಆ ಜಾಗ್‌ಡ್ ಜನ
- ೧೪ ಇತ್ತಿನೆಡ್ಡ್ ಯೇಸು ಪೋಯಿದ್ರದೆ. ಉಂದೆಡ್ಡ್ ಬೊಕ್ಕ ಯೇಸು ಆಯನ್
ದೇವಾಲಯೊಡು ತೂದು, ಆಯಡ—ತೂಲ ವಾಸಿ ಆಯ, ನಿಕ್ಕ ಹೆಚ್ಚ ಕೇಡ್
- ೧೫ ಆವಂದಿಲೆಕ್ಕ ನನ ಪಾಪ ಮಳ್ಳಡ ಅಂದ್‌ದ್ ಪಂಡೆ. ಆ ನರಮಾನಿ ಪೋದು
ತನನ್ ವಾಸಿ ಮತ್ತಿನಾಯೆ ಯೇಸು ಅಂದ್‌ದ್ ಯೆಹೂದ್ಯೆರೆಡ್ ಪಿನ್ನಾಯೆ.
- ೧೬ ಉಂದೆಕಾದ್ ಯೆಹೂದ್ಯೆರ್ ಯೇಸು ಮಿತ್ತ ಬೆಂಗ್ ದೀದ್ ಉಂದೆನ್ ಸಬ್ಬು
೧೭ ತುಡು ಮತ್ತಿನೆಡ್ಡ್ ಆಯನ್ ಕೆರಿಯೆರೆ ತೂಯೆರ್. ಆಂಡ ಯೇಸು—ಯೆನ
ಅಮ್ಮೆ ಇನಿ ಮುಟ್ಟು ಕೆಲಸ ಮಳ್ಳುವೆ, ಯಾನ್‌ಲಾ ಕೆಲಸ ಮಳ್ಳುವೆ ಅಂದ್‌ದ್
- ೧೮ ಉತ್ತರ ಕೊರಿಯೆ. ಉಂದೆಕಾದ್ ಆಯೆ ಸಬ್ಬತುನು ಮೀರಿನೆಡ್ಡ್ ಮಾತ್ರ
ಅತ್ತ, ದೇವೆರೆನ್ ತನ ಅಮ್ಮೆ ಅಂದ್‌ದ್ ಪಂಡ್‌ದ್ ತನನ್ ದೇವೆರೆಗ್ ಸಮ
ಮಳ್ಳೊಂಡಿನೆಡ್ಡ್, ಯೆಹೂದ್ಯೆರ್ ಆಯನ್ ಕೆರಿಯೆರೆ ಹೆಚ್ಚಾದ್ ತೂಯೆರ್.
- ೧೯ ಆಪಗ ಯೇಸು ಉತ್ತರ ಕೊರ್ದು ಆಕುಳೆಡ ಪಂಡಿನಿ—ನಿಶ್ಚಯಾದ್ ನಿಶ್ಚ
ಯಾದ್ ನಿಕುಳೆಗ್ ಪಣ್ಣೆ—ಅಮ್ಮೆ ಮಳ್ಳುನೆನ್ ತೂಪಿನವು ಆತ್ತಂದೆ ಮಗ್ಗೆ
ತನಪಾತೆಗ್ ದಾಲಾ ಮಳ್ಳೆರೆ ಬಲ್ಲಿ; ಆಯೆ ಒವೆನ್ ಮಳ್ಳುವೆನಾ, ಅವೆನ್
- ೨೦ ಮಗ್ಗೆಲಾ ಅಂಚೆನೆ ಮಳ್ಳುವೆ. ಅಮ್ಮೆ ಮಗನ್ ಪ್ರೀತಿ ಮಳ್ಳಾದ್ ತಾನ್ ಮಳ್ಳು
ನವು ಮಾತೆನ್‌ಲಾ ಆಯಗ್ ತೋಜಾವೆ; ನಿಕುಳು ಆಶ್ಚರ್ಯ ಬುಡುಪಿಲೆಕ್ಕ
- ೨೧ ಉಂದೆಡ್ಡ್ ಮಲ್ಲ ಕ್ರಿಯೊಳೆನ್‌ಲಾ ಆಯಗ್ ತೋಜಾವೆ. ದಾಯೆಗಂದ್‌ಂಡ
ಅಮ್ಮೆ ಸೈತಿನಾಕುಳೆನ್ ಎಂಚ ಲಕ್ಕಾದ್ ಜೀವ ಮಳ್ಳುವೆನಾ, ಅಂಚೆನೆ ಮಗ್ಗೆಲಾ
- ೨೨-೨೩ ತನ್‌ಕ್ ಮನಸ್ ಇತ್ತಿನಾಕುಳೆನ್ ಜೀವ ಮಳ್ಳುವೆ. ಅಮ್ಮೆ ಏರೆನ್‌ಲಾ
ನ್ಯಾಯತೀರ್ಪಂದೆ ಮಾತೆರ್ಲಾ ಅಮ್ಮಗ್ ಮಾನ ಕೊರ್ಪಿಲೆಕ್ಕನೆ ಮಗ್ಗೆಲಾ
ಮಾನ ಕೊರೊಡಂದ್‌ದ್ ಮಾತ ನ್ಯಾಯತೀರ್ಪನು ಮಗ್ಗೆ ಕೊರಿಯೆ.
ಮಗ್ಗೆ ಮಾನ ಕೊರಂದಿನಾಯೆ ಆಯನ್ ಕಡವುಡಿ ಅಮ್ಮಗ್‌ಲಾ ಮಾನ
- ೨೪ ಕೊರ್ಪುಜಿ. ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ—ಯೆನ ಪಾತೆರೊನು
ಕೇಂಡ್‌ದ್ ಯೆನನ್ ಕಡವುಡಿನಾಯನ್ ನಂಬುನಾಯಗ್ ನಿತ್ಯಜೀವ ಉಂಡು;
ಆಯೆ ನ್ಯಾಯತೀರ್ಪುಗು ಬರಂದೆ ಮರಣೊಡ್ಡು ಜೀವೊಗು ಕಡತ್‌ದ್ ಪೋಯೆ.
- ೨೫ ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ—ಸೈತಿನಾಕುಳು ದೇವೆರೆ ಮಗ
ಶಬ್ದೊಸು ಕೇಣುನವು ಘಳಿಗೆ ಬರ್ಪುಂಡು, ಇತ್ತಿನೇ ಉಂಡು, ಕೇಣುನಾಕುಳು
- ೨೬ ಬದ್‌ಕೆರ್. ದಾಯೆಗಂದ್‌ಂಡ ಅಮ್ಮೆ ಎಂಚ ತನಡ್ ಜೀವ ಇತ್ತಿನಾಯೆ ಆದು

ಳೆನಾ, ಅಂಜೆನೆ ಮಗಕ್‌ಲಾ ತನಡ್ ಜೀವ ಇತ್ತಿನಾಯೆ ಆದುಪ್ಪೆರೆ ಕೊರಿಯೆ. ೨೭ ಆಯೆ ನರಮಾನ್ಯ ಮಗೆ ಆದುಪ್ಪನೆಡ್ ನ್ಯಾಯತೀರ್ಪೆರೆಲಾ ಆಯಗ್ ಅಧಿ ೨೮ ಕಾರ ಕೊರಿಯೆ. ಉಂದೆಕ್ ಆಶ್ಚರ್ಯಬುಡಡೆ; ಸಮಾಧಿಳೆಡ್ ಉಪ್ಪನಾಕುಳು ೨೯ ಮಾತೆಲರ್ ಆಯ ಶಬ್ದೊನು ಕೇಣು ಘಳಿಗೆ ಬರ್ಪುಂಡು. ಆಪಗ ಎಡ್ಡೆಂತಿನೆನ್ ಮತ್ತಿನಾಕುಳು ಜೀವದ ಪುನರುತ್ಥಾನೊಗು, ಪಡಿಕೆಂತಿನೆನ್ ಮತ್ತಿನಾಕುಳು ನ್ಯಾಯತೀರ್ಪುದ ಪುನರುತ್ಥಾನೊಗು ಪಿದಾಡೆರ್.

೩೦ ಯೆನ್ನಾತೆಗ್ ಯಾನ್ ದಾಲಾ ಮಳ್ಳೆರೆ ಬಲ್ಲಿ, ಕೇಣುಲೆಕ್ಕನೆ ನ್ಯಾಯ ತೀರ್ಪುವೆ; ಜೊಕ್ಕು ಯೆನ ಚಿತ್ತೊನು ಅತ್ತ, ಯೆನನ್ ಕಡಪುಡಿನಾಯೆ ಚಿತ್ತೊನು ನಾಡುನೆಡ್ ಯೆನ ನ್ಯಾಯತೀರ್ಪು ನೀತಿ ಇತ್ತಿನವು ಆದುಂಡು.

೩೧ ಯೆಂಕಾದ್ ಯಾನ್ ಸಾಕ್ಷಿ ಪಣ್ಂಡ ಯೆನ ಸಾಕ್ಷಿ ನಿಜ ಅತ್ತ; (೩೨) ಯೆಂಕಾದ್ ಸಾಕ್ಷಿ ಪಣ್ಣಿನಾಯೆ ಬೇತೆ ಒರಿ ಉಳ್ಳೆ; ಆಯೆ ಯೆಂಕಾದ್ ಪಣ್ಣಿ ಸಾಕ್ಷಿ ನಿಜ

೩೩ ಅಂದ್‌ದ್ ಯಾನ್ ಪಿಂಬೆ. ನಿಕುಳು ಯೋಹಾನ ಕೈತಡೆಗ್ ಕಡಪುಡಿಯರ್.

೩೪ ಆಯೆ ಸತ್ಯೊಗು ಸಾಕ್ಷಿ ಪಂಡೆ. ಯಾನಾಂಡ ನರಮಾನ್ಯಡ್ ಸಾಕ್ಷಿ ದೆತ್ತೊ

೩೫ ಣುಜಿ: ನಿಕುಳೆಗ್ ರಕ್ಷಣೆ ಆಪಿಲೆಕ್ಕ ಉಂದೆನ್ ಪಣ್ಣೆ. ಆಯೆ ಅರ್ಪನವು, ಬೊಳ್ಳುಕೊರ್ಪಿನವು ತುಡರ್ ಆದಿತ್ತೆ, ಆಯೆ ಬೊಳ್ಳುಡು ಒಂತೆ ಪೂರ್ತು

೩೬ ಹರ್ಸೊಡು ಉಪ್ಪೆರೆ ನಿಕುಳೆಗ್ ಮನಸ್ ಇತ್ತಂಡ್. ಆಂಡಲಾ ಯೆಂಕ್ ಯೋಹಾನನೆಡ್ ಮಲ್ಲ ಸಾಕ್ಷಿ ಉಂಡು, ಅಮ್ಮೆ ತೀರಿಸಾವೆರೆ ಯೆಂಕ್ ಕೊರಿ ಕೆಲಸ ಅಂದ್‌ಂಡ ಯಾನ್ ಮಳ್ಳು ಕೆಲಸ ಅಮ್ಮೆ ಯೆನನ್ ಕಡಪುಡಿಯೆ

೩೭ ಅಂದ್‌ದ್ ಯೆಂಕಾದ್ ಸಾಕ್ಷಿ ಪಣ್ಣುಂಡು. ಯೆನನ್ ಕಡಪುಡಿ ಅಮ್ಮೆ ತಾನೇ ಯೆಂಕಾದ್ ಸಾಕ್ಷಿ ಪಂಡೆ; ಆಯೆ ಶಬ್ದೊನು ಏಪಲಾ ಕೇಂಡ್‌ಜರ್, ಆಯೆ

೩೮ ಒರುಲಾ ತೂಯಿಜರ್; ಆಯೆ ಪಾತೆರಲಾ ನಿಕುಳೆಡ್ ನಿಲೆಯಾದುಪ್ಪುಜಿ;

೩೯ ದಾಯೆಗಂದ್‌ಂಡ ಆಯೆ ಕಡಪುಡಿನಾಯನ್ ನಿಕುಳು ನಂಬುಜರ್. ನಿಕುಳು ಬರವುಳೆನ್ ಸಜ್ಜಿಡ್ ತೂಪರ್; ಐಟ್ ನಿಕುಳೆಗ್ ನಿತ್ಯಜೀವ ಉಂಡು ಅಂದ್‌ದ್

೪೦ ಎಣ್ಣುವರ್ ಅತ್ತಾ? ಅವ್ವೇ ಯೆಂಕಾದ್ ಸಾಕ್ಷಿ ಪಣ್ಣುಂಡು. ಆಂಡಲಾ ನಿಕುಳೆಗ್ ಜೀವ ಉಪ್ಪುಲೆಕ್ಕ ಯೆನ ಕೈತಡೆಗ್ ಬರಿಯೆರೆ ನಿಕುಳೆಗ್ ಮನಸ್ ಇಜ್ಜಿ.

೪೧ ಯಾನ್ ನರಮಾನ್ಯೆರೆಡ್ ಮಾನ ದೆತ್ತೊಣುಜಿ. (೪೨) ಆಂಡ ನಿಕುಳೆ ಉಳಯಿ

೪೩ ದೇವೆರೆ ಪ್ರೀತಿ ಇಜ್ಜಿ ಅಂದ್‌ದ್ ಯಾನ್ ನಿಕುಳೆನ್ ಪಿದುಕೊಂಡೆ. ಯಾನ್ ಯೆನ ಅಮ್ಮ ಪುದರ್‌ಡ್ ಬತ್ತೆ, ಯೆನನ್ ದೆತ್ತೊಣುಜರ್; ಬೇತೆ ಒರಿ ಯೆನ

೪೪ ಪುದರ್‌ಡ್ ಬತ್ತಂಡ ಆಯನ್ ದೆತ್ತೊಣ್‌ಂಬರ್. ದೇವೆರೆಡ್ ಒರಿಯಡ್ಲೇ ಉಪ್ಪು ಮಾನೊನು ನಾಡಂದೆ ಒರಿಯಡ್ ಒರಿ ಮಾನ ದೆತ್ತೊಣು ನಿಕುಳು

೪೫ ಎಂಚ ನಂಬೊಲಿ? ಯಾನ್ ಅಮ್ಮ ಕೈತಳ್ ನಿಕುಳೆ ದೂರು ಪಣ್‌ಂಬೆ ಅಂದಾದ್ ಎಣ್ಣೆ, ನಿಕುಳೆ ದೂರು ಪಣ್ಣಿನಾಯೆ ಉಳ್ಳೆ—ನಿಕುಳು ಭರವಸ ದೀಪಿ
 ೪೬ ಮೋಸೆನೇ. ಎಂಚಂದಂಡ ಮೋಸೆನ್ ನಂಬುದ್ಡರ್ ಯೆನನ್‌ಲಾ ನಂಬುದ್ಡರ್,
 ೪೭ ದಾಯೆಗಂದಂಡ ಆಯೆ ಯೆನ ಸುದ್ದಿ ಬರೆಯೆ. ನಿಕುಳು ಆಯೆ ಬರವುಳೆನ್ ನಂಬುಜರ್ಡ್ ಯೆನ ಪಾತೆರೊಳೆನ್ ಎಂಚ ನಂಬರ್?

೬ನೆ ಸಂದಿ

೧ ಉಂದೆಡ್ ಬೊಕ್ಕ ಯೇಸು ತಿಬೇರಿಯದ ಅಂದಂಡ ಗಲಿಲಾಯ ಕಡಲ್‌ದ
 ೨ ಆಯೆರೆಗ್ ವೋಯೆ. ದಿಂಜ ಜನ, ಆಯೆ ಸಂಕಡದಾಕುಳೆಡ್ ಮುಕ್ತಿ ಗುರ್ತೊ
 ೩ ಳೆನ್ ತೂಯಿನೆಡ್ ಆಯೆ ಬೆರಿಯೆ ವೋಯೆರ್. ಯೇಸು ಗುಡ್ಡೆಗ್ ಮಿತ್ತಾದ್
 ೪ ಅವುಳು ತನ ಶಿಷ್ಯೆರೆಡೊಪ್ಪ ಕುಳ್ಳಿಯೆ. ಯೆಹೂದ್ಯೆರೆ ಪಸ್ಕ ಪರ್ಬ ಮುಟ್ಟ
 ೫ ಇತ್ತಂಡ್. ಆಪಗ ಯೇಸು ಕಣ್ಣ್ ಲಕ್ಕಾದ್ ದಿಂಜ ಜನ ತನ ಕೈತಡೆಗ್ ಬರ್ಪಿ
 ೬ ನೆನ್ ತೂದು ಫಿಲಿಪ್ಪುಡ—ಮೋಕುಳು ತಿನ್ನಿಲೆಕ್ಕ ಒಳ್ಳು ರೊಟ್ಟಿ ಜಿಲೆಕ್ ದೆತ್ತೊ
 ೭ ಣುಗ ಅಂದಾದ್ ಕೇಂಡೆ. ಆಯೆ ತರ ತೂವೆರೆ ಉಂದೆನ್ ಪಂಡೆ, ದಾಯೆಗಂ
 ೮ ದಂಡ ತಾನ್ ಮುಳ್ಳೆರೆ ಉಪ್ಪು ನವು ತನಾಕ್ ಗೊಂತಿತ್ತಂಡ್. ಫಿಲಿಪ್ಪು ಆಯೆಗ್
 ೯ ಉತ್ತರ ಕೊರ್ದು—ಆಕುಳೆಡ್ ಒರಿಒರಿಯಗ್ ಒಂತೆ ಆಂಡಲಾ ತಿಕ್ಕುಲೆಕ್ಕ
 ೧೦ ಇರ್ನೊದು ಪಣವುದ ರೊಟ್ಟಿ ಈಯವಂದ್ ಇಂದೆ. ಶಿಷ್ಯೆರೆಡ್ ಒರಿ ಸೀಮೋನು
 ೧೧ ಪೇತ್ರ ಒಪ್ಪವುಟ್ಟಿ ಅಂದ್ರೆಯೆ ಆಯೆಡ್—ಮೂಳು ಒರಿ ಆಣ್ ಉಳ್ಳೆ, ಆಯೆಡ
 ೧೨ ಏನ್ ಜವೆಗೋಧಿದ ರೊಟ್ಟಿ ರಡ್ಡ್ ಮಿಾನ್ ಉಂಡು, ಆಂಡ ಈತ್ ಜನೊಕು
 ೧೩ ಉಂದು ದಾನೆ ಇನ್ನಗ, ಯೇಸು—ಜನೊನು ಪಂತೆ ಕುಳ್ಳಾಲೆ ಅಂದಾದ್ ಪಂಡೆ.
 ೧೪ ಆ ಜಾಗ್‌ಡ್ ದಿಂಜ ಪಜಿರ್ ಇತ್ತಂಡ್, ಆಪಗ ಲೆಖ್ಪೊಡು ಹೆಚ್ಚಿ ಕಡಮೆ ಏನ್
 ೧೫ ಸಾರ ಅಣ್ಣವು ಪಂತೆ ಕುಳ್ಳಿಯೆರ್. ಯೇಸು ರೊಟ್ಟಿ ದೆತ್ತೊಣ್ಣು ಸ್ತೋತ್ರ
 ೧೬ ಮುಳ್ತಾದ್ ಶಿಷ್ಯೆರೆಗ್ ಕೊರಿಯೆ, ಶಿಷ್ಯೆರ್ ಪಂತೆ ಕುಳ್ಳಿನಾಕುಳೆಗ್ ಪಟ್ಟಿಯೆರ್.
 ೧೭ ಅಂಚೆನೆ ಮಿಾನ್‌ಲಾ ಆಕುಳೆಗ್ ಬೋಡಾಯಿನಾತ್ ಪಟ್ಟಿಯೆರ್. ಆಕುಳೆಗ್
 ೧೮ ಬಂಜಾರ ಆಯಿ ಬೊಕ್ಕ ಆಯೆ ಶಿಷ್ಯೆರೆಡ್—ದಾಲಾ ಹಾಳಾವಂದಿಲೆಕ್ಕ ಒರಿದಿ
 ೧೯ ತುಂಡುಳೆನ್ ಕೂಡಾಲೆ ಅಂದಾದ್ ಪಂಡೆ. ಆಕುಳು ಅವೆನ್ ಕೂಡಾದ್, ಏನ್
 ೨೦ ಜವೆಗೋಧಿದ ರೊಟ್ಟಿಡ್ ಕಿಂದಿನಾಕುಳೆಗ್ ಒರಿದಿ ತುಂಡುಳೆನ್ ಪದರ್ಡ್
 ೨೧ ಪುಡಯಿ ದಿಂಜಾಯೆರ್.
 ೨೨ ಅಂಚಾಯಿನೆಡ್ ಆ ನರಮಾನ್ಯೆರ್ ಯೇಸು ಮುಕ್ತಿ ಗುರ್ತೊನು ತೂದು—
 ೨೩ ಇಂಬೆ ನಿಜಾದ್ ಲೋಕೊಗು ಬರ್ಪಿ ಪ್ರವಾದಿ ಇಂದೆರ್. ಆಪಗ ಯೇಸು—

ತನನಾ ಅರಸು ಮುಳ್ಳೆರೆ ಆಕುಳು ಬತ್ತಾದಾ ಪತ್ತಿಯೆರೆ ಉಳ್ಳೆರೆ ಅಂದಾದಾ ಪಿದು ಕೊಣ್ಣು ಕುಡ ಒರಿಯಾದ ಗುಡ್ಡೆಗ್ ಲಕ್ಕಾದಾ ವೋಯೆ.

- ೧೬ ಬಯ್ಯದಗ ಆಯ ಶಿಷ್ಯೆರೆ ಕಡಲಬರಿಕ್ ಜತ್ತಾದಾ ವೋದು, (೧೭) ಓಡೊಗು ಮಿತ್ತಾದಾ ಕಡಲದ ಆಯೆರೆಗ್ ಕಪೆರ್ನವೂಮುಗು ವೋಯೆರ್; ಆಪಗ
- ೧೮ ಕತ್ತಲೆ ಆತ್ಂಡ್. ಆತ್ನೆಂಗೆ ಯೇಸು ಆಕುಳೆ ಕೈತಡೆಗ್ ಬತ್ತಜೆ. ಮಲ್ಲ
- ೧೯ ಘಾಳೆ ಬೀಜೆನೆಡ್ಡ ಕಡಲ್ ಲಕ್ಕಂಡ್. ಆಪಗ ಆಕುಳು ಹೆಚ್ಚೆ ಕಡಮೆ ಒಂಜಿ ಹರದಾರಿದಾತಾ ಸುಲಾಯಿ ಬೊಕ್ಕ ಯೇಸು ಕಡಲದ ಮಿತ್ತ ನಡತಾದಾ
- ೨೦ ಓಡೊಗು ಮುಟ್ಟು ಬರ್ಪಿನೆನಾ ತೊದು ವೋಡಿಯೆರ್. ಆಯೆ ಆಕುಳೆಡ—
- ೨೧ ವೋಡಿಯಡೆ, ಯಾನೇ ಅಂದೆ. ಆಕುಳು ಆಯನ್ ಓಡೊಗು ದೆತ್ತೊಣೊ ಡಂದಾದಾ ಇತ್ತೆರ್, ಕೂಡ್ಲೆ ಓಡ ಆಕುಳು ವೋಪಿ ಕರೆಕ್ ಮುಟ್ಟಂಡ್.
- ೨೨ ಮನದಾನಿ ಕಡಲದ ಆಯೆರೆಡ್ ಉಂತಿ ಜನ ಆಯ ಶಿಷ್ಯೆರ್ ಮಿತ್ತಾಯಿ ನವು ಓಡ ಒಂಜೇ ಆತ್ತಂದೆ ಬೇತೆ ಒಂಜಿ ಅವುಳು ಇತ್ತಜೆ ಅಂದಾದಾಲಾ,
- ೨೩ ಯೇಸು ತನ ಶಿಷ್ಯೆರೆಡೊಪ್ಪ ಓಡೊಗು ಮಿತ್ತಾಯಿಜೆ ಶಿಷ್ಯೆರ್ ಮಾತ್ರ ವೋ ಯಿನಿ ಅಂದಾದಾಲಾ ತೊಯೆರ್. ಅಂಡ ಕರ್ತವೆ ಸ್ತೋತ್ರ ಮುಕ್ತಿನೆದ್ದಾ ಬೊಕ್ಕ
- ೨೪ ಆಕುಳು ರೊಟ್ಟಿ ತಿಂದಿ ಜಾಗ್ಗಾ ತಿಬೇರಿಯದ್ ಬೇತೆ ಓಡೊಳು ಮುಟ್ಟು ಬತ್ತಂಡ್. ಆಪಗ ಜನ ಯೇಸುಲಾ ಆಯ ಶಿಷ್ಯೆರ್ಲಾ ಅವುಳು ಇಚ್ಚೆರ್
- ೨೫ ಅಂದಾದಾ ತೊದು ತನುಕುಳುಳಾ ಓಡೊಳೆಗ್ ಮಿತ್ತಾದಾ ಯೇಸುನು ನಾಡೊ ಣ್ಣು ಕಪೆರ್ನವೂಮುಗು ವೋಯೆರ್. ಆಯೆ ಕಡಲದ ಆಯೆರೆಡ್ ಆಕುಳೆಗ್
- ೨೬ ತಿಕ್ಕನಗ ಆಯಡ—ರಬ್ಬೀ ಏಪ ಇಡೆಗ್ ಬತ್ತ ಅಂದೆರ್. ಯೇಸು ಆಕುಳೆಗ್ ಉತ್ತರಕೊರ್ದು ಪಂಡಿನಿ—ನಿಶ್ಚಯಾದಾ ನಿಶ್ಚಯಾದಾ ನಿಕುಳೆಗ್ ಪಣ್ಣೆ—
- ೨೭ ನಿಕುಳು ಗುರ್ತೊಳೆನ್ ತೊಯಿನೆಡ್ಡ ಅತ್ತ, ಆ ರೊಟ್ಟಿ ತಿಂದಾದಾ ಬಂಜಾರ ಆಯಿನೆಡ್ಡ ಯೆನನ್ ನಾಡುವರ್. ಹಾಳಾದಾ ವೋಪಿ ಆಹಾರೊಗು ಅತ್ತ,
- ೨೮ ನಿತ್ಯಜೀವೊಗು ಒರಿಯುನವು ಆಹಾರೊಗಾದಾ ಪೇಚಾಡಾಲೆ, ಉಂದೆನ್ ನರ ಮಾನ್ಯ ಮಗೆ ನಿಕುಳೆಗ್ ಕೊರುವೆ. ಆಯಗ್ ಅಮ್ಮೆ ಆದುಪ್ಪು ದೇವೆರ್
- ೨೯ ಮುದ್ರೆ ಪಾಡಿಯೆ. ಆಪಗ ಆಕುಳು ಆಯಡ—ಯೆಂಕುಳು ದೇವೆರೆ ಕ್ರಿಯೆಳೆನ್ ಮುಳ್ಳುಲೆಕ್ಕ ದಾಸೆ ಮುಳ್ಳೊಡು ಅಂದೆರ್. ಯೇಸು ಉತ್ತರಕೊರ್ದು ಆಕು
- ೩೦ ಳೆಡ—ಆಯೆ ಕಡವುಡಿನಾಯನ್ ನಿಕುಳು ನಂಬುನವು ಉಂದೇ ದೇವೆರೆ ಕ್ರಿಯೆ ಆದುಂಡು ಅಂದೆ. ಆಕುಳು ಆಯಡ—ಅಂಚಾಂಡ ಯೆಂಕುಳು ತೊದು ನಿನನ್
- ೩೧ ನಂಬುಲೆಕ್ಕ ಈ ವಾ ಗುರ್ತ ಮುಳ್ಳುವ? ದಾಸೆ ಕೆಲಸ ಮುಳ್ಳುವ? ಪರಲೋ ಕೊಡ್ಡು ಆಕುಳೆಗ್ ರೊಟ್ಟಿ ತಿನಿಯೆರೆ ಕೊರಿಯೆ ಅಂದಾದಾ ಬರೆತಿಲೆಕ್ಕ, ನಮ

- ೩೨ ಅಮ್ಮಾಡ್ಡು, ಕಾಡ್ಡ್ ಮನ್ನೆ ತಿಂದೆರ್ ಅಂದ್‌ದ್ ಪಂಡೆರ್. ಯೇಸು ಆಕು
 ಳೆಡ — ನಿಶ್ಚಯಾದ್, ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ವೋಸೆ ನಿಕುಳೆಗ್ ಪರ
 ಲೋಕೊಡ್ಡು ರೊಟ್ಟಿ ಕೊರ್‌ಜೆ, ಯೆನ ಅಮ್ಮೆ ನಿಕುಳೆಗ್ ಪರಲೋಕೊಡ್ಡು
 ೩೩ ನಿಜ ರೊಟ್ಟಿ ಕೊರ್ಪೆ. ಪರಲೋಕೊಡ್ಡು ಜತ್ತಾದ್ ಬತ್ತಾದ್ ಲೋಕೊಗು
 ೩೪ ಜೀವ ಕೊರ್ಪಿನವು ಉಂದೇ ದೇವೆರೆ ರೊಟ್ಟಿ ಅಂದ್‌ದ್ ಪಂಡೆ. ಆಪಗ ಆಕುಳು
 ಆಯಡ — ಕರ್ತವಾ ಯೆಂಕುಳೆಗ್ ಎಪಲಾ ಈ ರೊಟ್ಟಿ ಕೊರ್ಲ ಅಂದೆರ್.
 ೩೫ ಯೇಸು ಆಕುಳೆಡ ಪಂಡಿನಿ — ಯಾನೇ ಜೀವದ ರೊಟ್ಟಿ, ಯೆನ ಕೈತಡೆಗ್ ಬರ್ಪಿ
 ನಾಯಗ್ ಬಡವು ಉಪ್ಪಂದ್; ಯೆನನ್ ನಂಬುನಾಯಗ್ ಎಪಲಾ ಬಾಜಿಲ್
 ೩೬ ಉಪ್ಪಂದ್; ಆಂಡಲಾ ನಿಕುಳು ಯೆನನ್ ತೂದು ನಂಬುಜರ್ ಅಂದ್‌ದ್ ನಿಕು
 ೩೭ ಳೆಗ್ ಪಣ್ಣೆ. ಅಮ್ಮೆ ಯೆಂಕ್ ಕೊರ್ಪಿನವು ಮಾತಲಾ ಯೆನ ಕೈತಡೆಗ್ ಬರು,
 ೩೮ ಯೆನ ಕೈತಡೆಗ್ ಬರ್ಪಿನಾಯನ್ ಯಾನ್ ಪಿದಯಿ ಪಾಡಯೆ. ದಾಯೆ
 ಗಂದ್‌ಂಡ ಯೆನ ಚಿತ್ತೊನು ಅತ್ತ, ಯೆನನ್ ಕಡವುಡಿನಾಯ ಚಿತ್ತೊನು
 ೩೯ ಮುಳೆರೆ ಪರಲೋಕೊಡ್ಡು ಜತ್ತಾದ್ ಬತ್ತೆ. ಯೆನನ್ ಕಡವುಡಿ ಅಮ್ಮೆ ಚಿತ್ತೆ
 ಉಂದೇ — ಆಯೆ ಯೆಂಕ್ ಕೊರಿನವು ಮಾತೆಡ್ಡ್ ಒಂಜೆನ್‌ಲಾ ಯಾನ್ ಕಳೆ
 ೪೦ ವೊಣಂದೆ ಅವೆನ್ ಕಡೇ ದಿನೊಟು ಲಕ್ಕಾವೊಡು ಇನ್ನಿನವೇ. ಮಗನ್ ತೂದು
 ಆಯನ್ ನಂಬುನಾಯಗ್ ಎರೆಗ್‌ಲಾ ನಿತ್ಯಜೀವ ಉಪ್ಪುನವುಲಾ ಯಾನ್
 ಆಯನ್ ಕಡೇ ದಿನೊಟು ಲಕ್ಕಾವುನವುಲಾ ಉಂದೇ ಯೆನನ್ ಕಡವುಡಿನಾಯ
 ಚಿತ್ತೆ ಆದುಂಡು.
- ೪೧ ಆಪಗ ಯೆಹೂದ್ಯೆರ್, ಯಾನೇ ಪರಲೋಕೊಡ್ಡು ಜತ್ತಾದ್ ಬತ್ತಿ ರೊಟ್ಟಿ
 ೪೨ ಅಂದ್‌ದ್ ಆಯೆ ಪಂಡಿನೆಡ್ಡ್ ಆಯ ಮಿತ್ತ್ ಗುಣುಗುಟ್ಟುದು — ಇಂಬೆ ಯೋ
 ಸೇಫು ಮಗೆ ಯೇಸು ಅತ್ತಾ? ಇಂಬ್ಯೆ ಅಪ್ಪೆ ಅಮ್ಮನ್ ನಮ ಪಿಂಬ ಅತ್ತಾ?
 ಅಂಚಾಂಡ ತಾನ್ ಪರಲೋಕೊಡ್ಡು ಜತ್ತಾದ್ ಬತ್ತೆ ಅಂದ್‌ದ್ ಇಂಬೆ ಪಣ್ಣಿನಿ
 ೪೩ ಎಂಚ ಅನ್ನಗ, ಯೇಸು ಉತ್ತರ ಕೊರ್ದು ಆಕುಳೆಡ ಪಂಡಿನಿ — ನಿಕುಳೆ ಉಳಯಿ
 ೪೪ ಗುಣುಗುಟ್ಟಿಡೆ, ಯೆನನ್ ಕಡವುಡಿ ಅಮ್ಮೆ ಬರಿಯನ್ ಒಯಿಪ್ಪುನವು ಅತ್ತಂದೆ
 ಎಲರ್ಲಾ ಯೆನ ಕೈತಡೆಗ್ ಬರಿಯೆರೆ ಬಲ್ಲಿ, ಬೊಕ್ಕ ಯಾನ್ ಆಯನ್ ಕಡೇ
 ೪೫ ದಿನೊಟು ಲಕ್ಕಾವೆ. ಮಾತೆರ್ಲಾ ದೇವೆರೆಡ್ಡ್ ಕಲ್ತಿನಾಕುಳು ಆದುಪ್ಪೆರ್
 ಅಂದ್‌ದ್ ಪ್ರವಾದಿಳೆಡ್ ಬರೆತ್‌ಂಡ್, ಅಂಚಾಯಿನೆಡ್ಡ್ ಅಮ್ಮಡ್ಡ್ ಕೇಂಡ್‌ದ್
 ೪೬ ಕಲ್ತಿನಾಯೆ ಎಲರ್ಲಾ ಯೆನ ಕೈತಡೆಗ್ ಬರ್ಪೆ. ಎಲರ್ಲಾ ಅಮ್ಮನ್ ತೂಯೆ ಇನ್ನಿ
 ೪೭ ನವು ಅತ್ತ, ದೇವೆರೆಡ್ಡ್ ಉಪ್ಪುನಾಯೆ ಇಂಬೆ ಅಮ್ಮನ್ ತೂಯೆ. ನಿಶ್ಚಯಾದ್
 ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ಯೆನನ್ ನಂಬುನಾಯಗ್ ನಿತ್ಯಜೀವ ಉಂಡು.

೪೮ ಯಾನೇ ಜೀವದ ರೊಟ್ಟಿ. (೪೯) ನಿಕುಳೆ ಅವ್ಯಾಡ್ಕು ಕಾಡ್ಡ್ ಮನ್ನ ತಿಂದ್ ದಾ
 ೫೦ ಸೈತ್ ಪೋಯೆರ್. ಎಲರ್ ಈ ರೊಟ್ಟಿಡ್ ತಿಂದ್ ದಾ ಸೈಯಂದಿಲೆಕ್ಕ ಅವು ಪರ
 ೫೧ ಲೋಕೊಡ್ಕು ಜತ್ತಾದ್ ಬತ್ತಿನವು ಆದುಂಡು. ಯಾನೇ ಪರಲೋಕೊಡ್ಕು
 ಜತ್ತಾದ್ ಬತ್ತಿನವು ಜೀವ ಇತ್ತಿ ರೊಟ್ಟಿ, ಎರಾಂಡಲಾ ಈ ರೊಟ್ಟಿಡ್ ತಿಂದ್ ದಾ
 ಎನಿತ್ತೇನಿಗ್ ಬದ್ ಕೆ. ಯಾನ್ ಕೊರ್ಪಿ ರೊಟ್ಟಿ ಯೆನ ಮಾಂಸ ಆದುಂಡು.
 ಉಂದೆನ್ ಯಾನ್ ಲೋಕದ ಜೀವೊಗು ಬೋಡಾದ್ ಕೊರುವೆ.

೫೨ ಆಪಗ ಯೆಹೂದೈರ್ — ಇಂಬೆ ತನ ಮಾಂಸೊನು ನಂಕ್ ಎಂಚ ತಿನಿಯೆರೆ
 ೫೩ ಕೊರೊಲಿ ಅಂದ್ ದಾ ತನುಕುಳೆ ಉಳಯಿ ತರ್ಕ ಮಳ್ತೊಂಡೆರ್. ಏಕ್ ಯೇಸು
 ಆಕುಳೆಡ ಪಂಡಿನಿ — ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ನಿಕುಳು ನರ
 ಮಾನ್ಯ ಮಗ ಮಾಂಸೊನು ತಿಂದ್ ದಾ ಆಯ ನೆತ್ತೆರ್ ನಾ ಪರ್ಪಿನವು ಅತ್ತಂದೆ
 ೫೪ ನಿಕುಳೆಗ್ ನಿಕುಳೆಡ್ ಜೀವ ಉಪ್ಪುಜಿ. ಯೆನ ಮಾಂಸೊನು ತಿಂದ್ ದಾ ಯೆನ
 ನೆತ್ತೆರ್ ನಾ ಪರ್ಪಿನಾಯಗ್ ನಿತ್ಯಜೀವ ಉಂಡು, ಯಾನ್ ಆಯನ್ ಕಡೇ
 ೫೫ ದಿನೊಟು ಲಕ್ಕಾವೆ. ದಾಯೆಗಂದ್ ದಾ ಯೆನ ಮಾಂಸ ನಿಜ ಆಹಾರ, ಬೊಕ್ಕ
 ೫೬ ಯೆನ ನೆತ್ತೆರ್ ನಿಜ ಪಾಸ ಆದುಂಡು. ಯೆನ ಮಾಂಸೊನು ತಿಂದ್ ದಾ ಯೆನ
 ನೆತ್ತೆರ್ ನಾ ಪರ್ಪಿನಾಯೆ ಯೆನಡ್ ನಿಲಿಯಾದುಪ್ಪುವೆ, ಯಾನ್ ಲಾ ಆಯಡ್.
 ೫೭ ಜೀವ ಇತ್ತಿ ಅಮ್ಮೆ ಯೆನನ್ ಕಡಪುಡುದೆ, ಯಾನ್ ಅಮ್ಮಡ್ಕು ಬದುಕುಲೆಕ್ಕನೆ
 ೫೮ ಯೆನನ್ ತಿನ್ನಿನಾಯೆ ಆಯೆಲಾ ಯೆನಡ್ ಬದ್ ಕೆ. ಈ ರೊಟ್ಟಿ ಪರಲೋ
 ಕೊಡ್ಕು ಜತ್ತಾದ್ ಬತ್ತಿನವು; ನಿಕುಳೆ ಅವ್ಯಾಡ್ಕು ಮನ್ನ ತಿಂದ್ ದಾ ಸೈತ್
 ಪೋಯಿಲೆಕ್ಕನೆ ಆತ್ತ, ಈ ರೊಟ್ಟಿನ್ ತಿನ್ನಿನಾಯೆ ಎನಿತ್ತೇನಿಗ್ ಲಾ ಬದ್ ಕೆ.
 ೫೯ ಉಂದೆನ್ ಆಯೆ ಕರ್ಪೆನ್ ವೂಮುಡು ಸಭೆಯಿಲ್ಲಡ್ ಬೋಧನೆ ಕೊರೊಣ್ಣು
 ಪಂಡೆ.

೬೦ ಆಪಗ ಆಯ ಶಿಷ್ಯೆರೆಡ್ ದಿಂಜ ಮಂದೆ ಉಂದೆನ್ ಕೇಂಡ್ ದಾ — ಉಂದು
 ೬೧ ಕಠಿಣ ಪಾತೆರ, ಉಂದೆನ್ ಏರ್ ಕೇಣೊಲಿ ಅಂದೆರ್. ತನ ಶಿಷ್ಯೆರ್ ಉಂದೆತ
 ಮಿತ್ತ್ ಗುಣುಗುಟ್ಟುವೆರ್ ಅಂದ್ ದಾ ಯೇಸು ತನಡ್ ಪಿದುಕೊಣ್ಣು ಆಕುಳೆಡ
 ೬೨ ಪಂಡಿನಿ — ಉಂದು ನಿಕುಳೆಗ್ ಅಡ್ಡಿ ತೋಜುಂಡಾ? ನಿಕುಳು ಆಪಗ ನರಮಾನ್ಯ
 ೬೩ ಮಗೆ ತಾನ್ ದುಂಬು ಇತ್ತಿನಡೆಗ್ ಮಿತ್ತಾವುನೆನ್ ತೂಪರ್ಡ ದಾನೆ? ಜೀವ
 ಮಳ್ಳುನವು ಆತ್ಮನೇ, ಮಾಂಸ ದಾಲಾ ಪ್ರಯೋಜನೊಗು ಬರ್ಪುಜಿ. ಯಾನ್
 ೬೪ ನಿಕುಳೆಡ ಪಾತೆರು ಪಾತೆರೊಳು ಆತ್ಮಲಾ ಜೀವಲಾ ಆದುಂಡು; ಆಂಡಲಾ
 ನಿಕುಳೆಡ್ ಪಾಕ ಮಂದೆ ನಂಬಂದಿನಾಕುಳು ಉಳ್ಳೆರ್. ದಾಯೆಗಂದ್ ದಾ
 ನಂಬಂದಿನಾಕುಳು ಏರ್, ತನನ್ ಬಚ್ಚಿದ್ ಕೊರ್ಪಿನಾಯೆ ಏರ್ ಅಂದ್ ದಾ

- ೬೫ ಯೇಸುಗು ಎದುವುಡ್ಡೆ ತೆರಿದಾ ಇತ್ತಂಡ್. ಕುಡ ಆಯೆ ಪಂಡಿನಿ— ಉಂದೆಕಾದಾ ಒರಿಯಗ್ ಯೆನ ಅಮ್ಮಡ್ಡಾ ಕೊರ್ತಿನವು ಅತ್ತಂಡೆ ಏಲರ್ತಾ ಯೆನ ಕೈತಡೆಗಾ ಬರಿಯೆರೆ ಬಲ್ಲಿ ಅಂದ್ ದ್ ಯಾನ್ ನಿಕುಳೆಡ ಪಂಡೆ.
- ೬೬ ಆನಿಡ್ಡ್ ಆಯ ಶಿಷ್ಯೆರೆಡ್ ದಿಂಜ ಮಂದೆ ಪಿರ ಜಾರ್ ದ್ ನನ ಮೇಲಾಡ್
- ೬೭ ಆಯಡೊಪ್ಪ ನಡತೊಂಡ್ ಜೆರ್. ಆಪಗ ಯೇಸು ಪದ್ ರಡ್ ಮಂದೆಡ— ನಿಕು
- ೬೮ ಳೆಗ್ಲಾ ಪೋವೆರೆ ಮನಸ್ ಉಂಡಾ ಅನ್ನಗ, ಸೀಮೋನು ಪೇತ್ರೆ ಆಯಗ್ ಉತ್ತರಕೊರ್ದು— ಕರ್ತವಾ, ಯೆಂಕುಳು ಏರೆ ಕೈತಡೆಗಾ ಪೋವೊಡು? ನಿಕ್ಕಾ
- ೬೯ ನಿತ್ಯ ಜೀವದ ಪಾತೆರೊಳು ಉಂಡು; ಈ ಜೀವ ಇತ್ತಿ ದೇವೆರೆ ಮಗೆ ಆದುವು
- ೭೦ ಕ್ರಿಸ್ತೆ ಅಂದ್ ದ್ ಯೆಂಕುಳು ನಂಬುದು ಪಿದುಕೊಂಡ ಅಂದ್ ದ್ ಪಂಡೆ. ಯೇಸು ಆಕುಳೆಗ್ ಉತ್ತರ ಕೊರ್ದು— ನಿಕುಳೆನ್ ಪದ್ ರಡ್ ಮಂದೆನ್ ಯಾನ್ ಜತ್ತಾದ್ ದೆತ್ತೊಂಡ್ ಜಿನಾ? ಅಂಡಲಾ ನಿಕುಳೆಡ್ ಒರಿ ಸೈತಾನೆ ಅಂದ್ ದ್ ಪಂಡೆ.
- ೭೧ ಆಯೆ ಸೀಮೋನು ಮಗೆ ಯೂದೆ ಇಸ್ಕಾರಿಯೋತುನು ಪಂಡೆ. ಇಂಬೆ ಪದ್ ರಡ್ ಮಂದೆಡ್ ಒರಿ ಆದಿತ್ತಾದ್ ಆಯನ್ ಒಚ್ಚಿದ್ ಕೊರಿಯೆರೆ ಇತ್ತೆ.

೭ನೆ ಸಂಧಿ

- ೧ ಉಂದೆಡ್ ಬೊಕ್ಕ ಯೇಸು ಗಲಿಲಾಯೊಡು ತಿರಂಗೊಂಡೆ. ಯೆಹೂದ್ಯೆರ್ ಆಯನ್ ಕೆರಿಯೆರೆ ನಾಡಿನೆಡ್ಡ್ ಯೆಹೂದಡ್ ತಿರಂಗೊಣಿಯೆರೆ ಆಯಗ್
- ೨ ಮನಸ್ ಇತ್ತಜಿ. ಅಂಡ ಯೆಹೂದ್ಯೆರೆ ದೊಂಪದ ಪರ್ಬ ಮುಟ್ಟು ಇತ್ತಂಡ್.
- ೩ ಆಪಗ ಆಯ ಸಹೋದರೆರ್ ಆಯಡ— ನಿನ ಶಿಷ್ಯೆರ್ಲಾ ಈ ಮಳ್ಳು ನಿನ ಕೆಲ
- ೪ ಸೊಳೆನ್ ತೊಪಿಲೆಕ್ಕ ಮುಳ್ಳುಡ್ಡು ಪಿದಾಡ್ಡ್ ಯೆಹೂದಗ್ ಪೋಲ; ಸದ್ ರಡ್ ಉಪ್ಪೊಡು ಇನ್ನಿನಾಯೆ ಎಲರ್ತಾ ಮದೆಟ್ ಒವೆನಾಲಾ ಮಳ್ಳುಜೆ ಅತ್ತಾ. ಈ ಇಂಚಿತ್ತಿನೆನ್ ಮಳ್ಳುವಡ ನಿನನ್ ಲೋಕೊಗು ತೋಜಾವೊಡು ಅಂದೆರ್;
- ೫ ದಾಯೆಗಂದ್ ಅಂಡ ಆಯ ಸಹೋದರೆರ್ಲಾ ಆಯನ್ ನಂಬ್ ಜೆರ್. (೬) ಆಪಗ ಯೇಸು ಆಕುಳೆಡ ಪಂಡಿನಿ— ಯೆನ ಸಮಯ ತೆಂಬುಡ ಬಯಿಜಿ, ನಿಕುಳೆ
- ೭ ಸಮಯ ಏಪಲಾ ಉಂಡೇ ಉಂಡು. ಲೋಕ ನಿಕುಳೆನ್ ಪಗೆ ಮಳ್ಳೆರೆ ಬಲ್ಲ, ಅಂಡ ಯೆನನ್ ಪಗೆ ಮಳ್ಳುಂಡು; ದಾಯೆಗಂದ್ ಅವು ಮಳ್ಳುನವು ಪಡಿಕೆ
- ೮ ಅಂದ್ ದ್ ಯಾನ್ ಏಕ್ ಸಾಕ್ಷಿ ಪಣ್ಣೆ. ನಿಕುಳು ಈ ಪರ್ಬೊಗು ಮಿತ್ತಾಲೆ ಯೆನ ಸಮಯ ತೆಂಬುಡ ಬರಂದಿನೆಡ್ಡ್ ಯಾನ್ ಇತ್ತೆ ಈ ಪರ್ಬೊಗು ಮಿತ್ತಾ
- ೯ ವುಜಿ. ಉಂದೆನ್ ಆಕುಳೆಡ ಪಂಡ್ ದ್ ಗಲಿಲಾಯೊಡು ಉಂತಿಯೆ. (೧೦) ಅಂಡ ಆಯ ಸಹೋದರೆರ್ ಮಿತ್ತಾಯಿ ಬೊಕ್ಕ ಆಯೆಲಾ ಸದ್ ರಡ್ ಅತ್ತ ಗುಟ್ಟುಡು

- ೧೧ ಇನ್ನಿಲೆಕ್ಕನೆ ಪರ್ಬೋಗು ಮಿತ್ತಾಯ ಆಪಗ ಯೆಹೂದ್ಯೆರ್ ಆಯನ್ ಪರ್ಬೋ
 ೧೨ ಡು ನಾಡ್‌ದ್—ಆಯೆ ಓಳು ಉಳ್ಳೆ ಅಂದ್‌ದ್ ಕೇಂಡೆರ್. ಜನೊಕುಳೆಡ್
 ಆಯಗಾದ್ ದಿಂಜ ಗುಣುಗುಟ್ಟು ಆಂಡ್. ಸಾಕ ಮಂದೆ—ಆಯೆ ಒಡ್ಡೆಂತಿನಾಯೆ
 ೧೩ ಬೇತೆದಾಕುಳು—ಅತ್ತ ಆಯೆ ಜನೊನು ಗಲಿಬಿಲಿ ಮಳ್ಳುವೆ ಇಂದೆರ್. ಆಂಡ
 ಯೆಹೂದ್ಯೆರೆ ಪೋಡಿಗೇಗಾದ್ ಒರಿಲಾ ಸದರ್‌ಡ್ ಆಯ ಸುದ್ದಿ ಪಾತೆರ್‌ಜೆ.
 ೧೪ ಬೊಕ್ಕ ಪರ್ಬದ ನಡುಟು ಯೇಸು ದೇವಾಲಯೊಗು ಮಿತ್ತಾದ್ ಬೋಧನೆ
 ೧೫ ಕೊರಿಯೆ. ಯೆಹೂದ್ಯೆರ್ ಆಶ್ಚರ್ಯಬುಡುದು—ಇಂಬೆ ಕಲ್ಪಂದಿನಾಯೆ ಆದಿ
 ೧೬ ತ್ತದ್ ಬರವುಳೆನ್ ಎಂಚ ಪಿಂಬೆ ಅಂದೆರ್. ಯೇಸು ಆಕುಳೆಗ್ ಉತ್ತರ
 ಕೊರ್ದು ಪಂಡಿನಿ—ಯೆನ ಬೋಧನೆ ಯೆನ್ನವು ಅತ್ತ, ಯೆನನ್ ಕಡವುಡಿನಾಯೆ
 ೧೭ ಯೇ. ಆಯ ಚಿತ್ತೊನು ಮಳ್ಳೆರೆ ಒರಿಯಗ್ ಮನಸ್ ಇತ್ತಂಡ, ಅಂಚಿತ್ತ
 ನಾಯೆ ಈ ಬೋಧನೆ ದೇವೆರೆಡ್ ಉಂಡಾ, ಯಾನ್ ಯೆನ್ನಾತೆಗ್ ಪಾತೆರು
 ೧೮ ವೆನಾ ಅಂದ್‌ದ್ ಪಿದುಕೊಣ್‌ಂಬೆ. ತನ್ನೆನ್ ಪಾತೆರುನಾಯೆ ತನ ಮಾನೊನು
 ನಾಡುವೆ, ಆಂಡ ತನನ್ ಕಡವುಡಿನಾಯೆ ಮಾನೊನು ನಾಡುನಾಯೆ ಇಂಬೆ ಸತ್ಯ
 ೧೯ ದಾಯೆ, ಆಯಡ್ ಅನ್ಯಾಯ ಇಜ್ಜಿ. ಮೋಸೆ ನಿಕುಳೆಗ್ ನ್ಯಾಯಕಟ್ಟುನ್
 ಕೊರ್‌ಜಿನಾ? ಬೊಕ್ಕ ನಿಕುಳೆಡ್ ಒರಿಲಾ ನ್ಯಾಯಕಟ್ಟುನ್ ಕೈಕೊಣುಜೆ.
 ೨೦ ನಿಕುಳು ಯೆನನ್ ಕೆರಿಯೆರೆ ನಾಡುನವು ದಾನೆ? ಜನ ಉತ್ತರ ಕೊರ್ದು—ನಿಕ್ಕ
 ೨೧ ದೆವ್ವಪತ್ತಂಡ್ ಏರ್ ನಿನನ್ ಕೆರಿಯೆರೆ ನಾಡುವೆ ಅಂದೆರ್. ಯೇಸು ಉತ್ತರ
 ಕೊರ್ದು ಆಕುಳೆಡ ಪಂಡಿನಿ—ಒಂಬೆ ಕೆಲಸೊನು ಯಾನ್ ಮಳ್ಳಿನಿ, ಉಂದೆ
 ೨೨ ಕಾದ್ ಮಾತೆಲರ್ ಆಶ್ಚರ್ಯಬುಡುಪರ್. ಮೋಸೆ ನಿಕುಳೆಗ್ ಸುನ್ನತಿ ಕೊರಿ
 ಯೆ, ಅವು ಮೋಸೆಡ್ ಉಂಡು ಇನ್ನಿನವು ಅತ್ತ, ಅವ್ಮಾಡ್ಕೆಡ್ಕೆ. ಬೊಕ್ಕ
 ೨೩ ಸಬ್ಬತುಡು ನರಮಾನ್ಯಗ್ ಸುನ್ನತಿ ಮಳ್ಳುವರ್ ಅತ್ತಾ? ಸಬ್ಬತುಡು ಒರಿಯಗ್
 ಸುನ್ನತಿ ಆಪಿಸೆಡ್ ಮೋಸೆ ನ್ಯಾಯಕಟ್ಟುನ್ ಮೀರುಜೆ ಇನ್ನಿನವು ಆಂಡ
 ಯಾನ್ ಸಬ್ಬತುಡು ಒರಿ ನರಮಾನ್ಯನ್ ತೀರಾ ಸ್ವಸ್ಥ ಮಳ್ಳಿನೆಡ್ ಯೆನ ಮಿತ್ತ
 ೨೪ ಕೋಪ ಮಳ್ಳುವರಾ? ಮೋಣೆಗ್ ತಕ್ಕ ನ್ಯಾಯತೀರ್ಪಂದ್ ಸೀತಿದ ತೀರ್ಪುನು
 ಮಳ್ಳುಲೆ.
 ೨೫ ಆಪಗ ಯೆರೂಸಲೇಮುದಾಕುಳೆಡ್ ಸಾಕ ಮಂದೆ ಪಂಡಿನಿ—ಆಕುಳು ಕೆರಿ
 ೨೬ ಯೆರೆ ನಾಡಿನಾಯೆ ಇಂಬೆ ಅತ್ತಾ? ಇಂದಾ ಆಯೆ ಸದರ್‌ಡ್ ಪಾತೆರುವೆ,
 ಆಯಗ್ ದಾಲಾ ಪಣ್ಣುಜೆರ್, ಇಂಬೆನೇ ಕ್ರಿಸ್ತೆ ಅಂದ್‌ದ್ ಮುಖ್ಯಸ್ಥೆರ್ ನಿಜಾದ್
 ೨೭ ಪಿದುಕೊಂಡೆರಾ? ಆಂಡಲಾ ಇಂಬೆ ಒಳತ್ತಾಯೆ ಅಂದ್‌ದ್ ನಮ ಪಿಂಬ, ಕ್ರಿಸ್ತೆ
 ೨೮ ಬನ್ನಗ ಆಯೆ ಒಳತ್ತಾಯೆ ಅಂದ್‌ದ್ ಒರಿಲಾ ಪಿದುಕೊಣಯೆ. ಅಂಚಾದುಪ್ಪುನಗ

- ಯೇಸು ದೇವಾಲಯೊಡು ಬೋಧನೆ ಕೊಡು ಘಟ್ಟಿಯಾದ ಪಂಡಿನಿ—
 ಯೆನನ್ ಪಿಂಬರ್, ಯಾನ್ ಬಳತ್ತಾಯೆ ಅಂದದಲಾ ಪಿಂಬರ್; ಯೆನಾತೆಗ್
 ಬತ್ತಜಿ, ಯೆನನ್ ಕಡವುಡಿನಾಯೆ ಸತ್ಯದಾಯೆ, ಆಯನ್ ನಿಕುಳು ಪಿನಯರ್.
- ೨೯ ಯಾನಾಂಡ ಆಯನ್ ಪಿಂಬೆ, ದಾಯೆಗಂದಂಡ ಯಾನ್ ಆಯಡ್ ಉಳ್ಳೆ.
- ೩೦ ಆಯೆನೇ ಯೆನನ್ ಕಡವುಡಿಯೆ. ಆಪಗ ಆಕುಳು ಆಯನ್ ಪತ್ತಿಯೆರೆ
 ತೂಯೆರ್, ಅಂಡಲಾ ಆಯ ಘಳಿಗೆ ತೆಂಬುಡ ಬರಂದಿನೆಡ್ ಬರಿಲಾ ಆಯ
- ೩೧ ಮಿತ್ತ ಕೈಪಾಡ್‌ಜೆ. ಜನೊಟು ದಿಂಜ ಮಂದೆ ಆಯನ್ ನಂಬುದು — ಕ್ರಿಸ್ತೆ ಬನ್ನಗ
- ೩೨ ಇಂಬೆ ಮುಳ್ಳಿನೆಡ್ ಹೆಚ್ಚ ಗುರ್ತೊಳೆನ್ ಮುಳ್ಳಿನಾ ಅಂದೆರ್. ಜನ ಆಯಗಾದ್
 ಉಂದೆನ್ ಗುಸುಗುಸು ಪಾತೆರುವೆರ್ ಅಂದದ್ ಫರಿಸಾಯೆರ್ ಕೇಣ್‌ನಗ
 ಆಯನ್ ಪತ್ತಿಯೆರೆ ಫರಿಸಾಯೆರ್‌ಲಾ ಪ್ರಧಾನಯಾಜಕೆರ್‌ಲಾ ಊಳಿಗದಾ
- ೩೩ ಕುಳೆನ್ ಕಡವುಡಿಯೆರ್. ಆಪಗ ಯೇಸು ಆಕುಳೆಡ ಪಂಡಿನಿ—ನನ ಒಂತೆ
 ಪೂರ್ತು ನಿಕುಳೆಡೊಪ್ಪ ಉಳ್ಳೆ, ಬೊಕ್ಕ ಯೆನನ್ ಕಡವುಡಿನಾಯೆ ಕೈತಡೆಗ್
- ೩೪ ಪೋಪೆ. ಯೆನನ್ ನಾಡರ್, ಅಂಡ ನಿಕುಳೆಗ್ ತಿಕ್ಕಯೆ; ಯಾನ್ ಇತ್ತಿನಡೆಗ್
- ೩೫ ನಿಕುಳು ಬರಿಯೆರೆ ಬಲ್ಲೆ. ಆಪಗ ಯೆಹೂದ್ಯೆರ್ ತನುಕುಳೆ ಉಳಯಿ — ಇಂಬೆ
 ನಂಕ್ ತಿಕ್ಕಂದಿಲೆಕ್ಕ ಬಡೆಗ್ ಪೋವೆರೆ ಉಳ್ಳೆ? ಅಲ್ಲೆ ಉಪ್ಪು ಗ್ರೇಕೆರೆ ಕೈತ
- ೩೬ ಡೆಗ್ ಪೋದು ಗ್ರೇಕೆರೆಗ್ ಬೋಧನೆ ಕೊರಿಯೆರೆ ಉಳ್ಳೆನಾ? ನಿಕುಳು ಯೆನನ್
 ನಾಡರ್, ನಿಕುಳೆಗ್ ತಿಕ್ಕಯೆ, ಯಾನ್ ಇತ್ತಿನಡೆಗ್ ನಿಕುಳೆಗ್ ಬರಿಯೆರೆ
 ಬಲ್ಲೆ ಅಂದದಾ ಆಯೆ ಪಣ್ಣಿನವು ಈ ಪಾತೆರ ದಾನೆ ಅಂದದ್ ಪಾತೆ
 ರೊಂಡೆರ್.
- ೩೭ ಪರ್ಬದ ಮಲ್ಲ ದಿನ ಆದುಪ್ಪು ಕಡೇ ದಿನೊಟು ಯೇಸು ಉಂತುದು ಘಟ್ಟಿ
 ಯಾದ ಪಂಡೆ ದಾನೆಂದಂಡ—ಬರಿಯಗ್ ಬಾಜೆಲ್ ಇತ್ತಂಡ ಆಯೆ ಯೆನ
- ೩೮ ಕೈತಡೆಗ್ ಬತ್ತದ್ ಪರಡ್, ಯೆನನ್ ನಂಬುನಾಯೆ ಬರವು ಪಣ್ಣಿಲೆಕ್ಕನೆ ಆಯ
- ೩೯ ಬಂಜಿಡ್ ಜೀವ ಇತ್ತಿ ನೀರಾದ ತುದೆಳು ಪರತೊಣ್ಣು ಪೋವು. ಉಂದೆನ್
 ತನನ್ ನಂಬುನಾಕುಳು ಹೊಂದಿಯೆರೆ ಇತ್ತಿ ಆತ್ಮ ವಿಷಯೊಡು ಪಂಡೆ.
 ಯೇಸು ನನಲಾ ಮಹಿಮೆ ಹೊಂದಂದಿನೆಡ್ ಪರಿಶುದ್ಧಾತ್ಮೆ ತೆಂಬುಡ ಬಯಿಜೆ.
- ೪೦ ಆಪಗ ಜನೊಟು ದಿಂಜ ಮಂದೆ ಈ ಪಾತೆರೊನು ಕೇಂಡದ್ — ಇಂಬೆ ನಿಜಾದ್
- ೪೧ ಆ ಪ್ರವಾದಿ ಅಂದೆರ್. ಪಾಕ ಜನ—ಇಂಬೆ ಕ್ರಿಸ್ತೆನೇ ಅಂದೆರ್. ಪಾಕ
- ೪೨ ಜನ—ಅಂಚಾಂಡ ಕ್ರಿಸ್ತೆ ಗಲಿಲಾಯೊಡ್ ಬರ್ಪೆನಾ? ಕ್ರಿಸ್ತೆ ದಾವಿದ್ ಬಿತ್ತಡ್
 ಲಾ ದಾವಿದ್ ಇತ್ತಿ ಬಿಥೆ ಹೇಮು ಊರುಡ್ಲಾಲಾ ಬರ್ಪೆ ಅಂದದ್ ಬರವು.
- ೪೩ ಪಣ್ಣುಜಾ ಅಂದೆರ್. ಇಂಚೆನೆ ಜನ ಆಯಗಾದ್ ರಡ್ಡ್ ಆಯೆರ್. (೪೪) ಆಕು

ಳೆಡ್ ಪಾಕ ಮಂದೆ ಆಯನ್ ಪತ್ತೊಡಂದ್‌ದ್ ಇತ್ತೆರ್, ಆಂಡ ಒರಿಲಾ ಆಯ್ ಮಿತ್ತ್ ಕೈಪಾಡ್‌ಜೆ.

- ೪೫ ಅಂಚಾಯಿನೆಡ್ ಉಳಿಗದಾಕುಳು ಪ್ರಧಾನಯಾಜಕೆರ್‌ಲಾ ಫರಿಸಾಯೆರ್‌ ಲಾ ಇತ್ತಿನಡೆಗ್ ಬತ್ತೆರ್, ಮೋಕುಳು ಆಕುಳೆಡ್—ಆಯನ್ ದಾಯೆಗ್ ಕೊಂಡು
- ೪೬ ಬತ್ತಜರ್ ಅನ್ನಗ, ಉಳಿಗದಾಕುಳು ಉತ್ತರಕೊರ್ದು — ಈ ನರಮಾನಿ ಪಾತೆರಿ
- ೪೭ ಲೆಕ್ಕನೆ ಎಲರ್‌ ಎಪಲಾ ಪಾತೆರ್‌ಜೆ ಅಂದೆರ್. ಫರಿಸಾಯೆರ್ ಆಕುಳೆಗ್
- ೪೮ ಉತ್ತರಕೊರ್ದು ಪಂಡಿನಿ — ನಿಕುಳುಲಾ ದೆರ್ತ್‌ಬೂರಿಯರಾ? ಮುಖ್ಯಸ್ಥೆರೆಡ್
- ೪೯ ಆವಡ್ ಫರಿಸಾಯೆರೆಡ್ ಆವಡ್ ಎಲರ್‌ ಆಯನ್ ನಂಬಿಯೆನಾ? ನ್ಯಾಯಕ
- ೫೦ ಟ್ವನ್ ಪಿನಂದಿ ಈ ಜನ ಶಾಪದಾಕುಳೆ ಸೈ! ಆಕುಳೆಡ್ ಒರಿ, ರಾತ್ರೆಡ್ ಆಯ್
- ೫೧ ಕೈತಡೆಗ್ ಬತ್ತಿ ನಿಕೊದೇಮು ಇನ್ನಿನಾಯೆ ಆಕುಳೆಡ್ — ನರಮಾನ್ಯನ್ ದುಂಬು
- ೫೨ ಕೇಂಡ್‌ದ್ ಆಯೆ ಮಳ್ಳುನೆನ್ ಪಿದುಕೊಣುನವು ಅತ್ತಂದೆ ನಮ ನ್ಯಾಯಕಟ್ವ್
- ೫೩ ಆಯನ್ ತೀರ್ಪುಂಡಾ ಅಂದ್‌ದ್ ಪಂಡೆ. ಆಕುಳು ಉತ್ತರಕೊರ್ದು ಆಯಡ್—
- ಈಲಾ ಗಲಿಲಾಯದಾಯೆನಾ? ಗಲಿಲಾಯೊಡ್ಡು ಪ್ರವಾದಿ ಲಕ್ಕುಜೆ ಅಂದ್‌ದ್
- ೫೪ ವಿಚಾರ ಮಳ್ತದ್ ತೂಲ ಅಂದೆರ್. ಬೊಕ್ಕ ಒರಿ ಒರಿ ತನ ತನ ಇಲ್ಲಡೆಗ್
- ಪಿದಾಡ್ ಪೋಯೆ.

ಲನೆ ಸಂಧಿ

- ೧ ಯೇಸು ಇಪ್ಪೆಗುಡ್ಡೆಗ್ ಪೋಯೆ. (೨) ಪುಲ್ಲಾನ್‌ಗ ಕುಡ ದೇವಾಲ
- ಯೊಗು ಬತ್ತೆ, ಜನ ಮಾತ ಆಯ ಕೈತಡೆಗ್ ಬತ್ತೆರ್; ಆಯೆ ಕುಳ್ಳುದು
- ೨ ಆಕುಳೆಗ್ ಬೋಧನೆ ಕೊರಿಯೆ. ಆಪಗ ಶಾಸ್ತ್ರಿಳುಲಾ ಫರಿಸಾಯೆರ್‌ಲಾ ವ್ಯಭಿ
- ಚಾರೊಡು ತಿಕ್ಕದ್‌ಬೂರಿ ಒರ್ತಿ ಪೋಣ್ಣವೆನ್ ಆಯ ಕೈತಡೆಗ್ ಲೆತ್ತೊಣ್ಣು
- ೩ ಬತ್ತದ್ ಆಳೆನ್ ನಡುಟು ಉಂತಾದ್, ಆಯಡ್—ಬೋಧಕಾ ಈ ಪೋಣ್ಣವು
- ೪ ವ್ಯಭಿಚಾರ ಮಳ್ಳುನಗನೇ ತಿಕ್ಕಿಯಳ್. ಇಂಚಿತ್ತಿನಾಕುಳೆನ್ ಕಲ್ಲದಕ್ಕದ್
- ೫ ಕೆರೊಡು ಅಂದ್‌ದ್ ಮೋಸೆ ನ್ಯಾಯಕಟ್ವ್‌ಡ್ ನಂಕ್ ಅಪ್ಪಣೆ ಕೊರಿಯೆ;
- ೬ ಆಂಡ ಈ ದಾನೆ ಪಣ್ಣ ಅಂದ್‌ದ್ ಕೇಂಡೆರ್. ಆಯಡ್ ತಪ್ಪು ಪತ್ತೊಡಂದ್‌ದ್
- ಆಯನ್ ಶೋಧಿದ್ ಉಂದೆನ್ ಪಂಡೆರ್. ಯೇಸು ಬಗ್ಗದ್ ಬಿರೆಳ್‌ಡ್ ನೆಲಟ್
- ೭ ಬರೆಯೆ. ಆಕುಳು ಬುಡಂದೆ ಆಯಡ್ ಕೇಣೊಣ್ಣು ಉಪ್ಪುನಗ ಆಯೆ ಅಣ್ಣಾದ್
- ತೂದು ಆಕುಳೆಡ್—ನಿಕುಳೆಡ್ ಪಾಪದಾಂತಿನಾಯೆ ದುಂಬು ಆಳೆ ಮಿತ್ತ್ ಕಲ್ಲ
- ೮ ದಕ್ಕಡ್ ಅಂದ್‌ದ್ ಪಂಡ್‌ದ್, ಕುಡ ಬಗ್ಗದ್ ನೆಲಟ್ ಬರೆಯೆ. (೯) ಆಕುಳು
- ಕೇಂಡ್‌ದ್ ಮನಸ್ಸಾಕ್ವಿಡ್ ಪೆಟ್ಟು ತಿಂದ್‌ದ್ ಹಿರಿಯಾಕುಳೆನ್ ಪತ್ತದ್ ಕಡಿ

೧೦ ತಾಕುಳೆ ಮುಟ್ಟು ಒರಿಯಡ್ ಬೊಕ್ಕು ಒರಿ ಅಗತ್‌ದ್ ಪೋದು ಯೇಸುನು ಒರಿಯನೇ ನಡುಟು ಉಂತಿ ಪೊಣ್ಣವೆಡೊಪ್ಪ ಬುಡಿಯೆರ್. ಯೇಸು ಅಣ್ಣಾದ್ ಪೊಣ್ಣವೆನ್ ಅತ್ತಂದೆ ಎರೆನ್‌ಲಾ ತೂವಂದೆ ಆಳೆಡ—ನಿನ ಮಿತ್ತ್ತ ದೂರು ಪಣ್ಣೆ ನಾಕುಳು ಓಳು ಉಳ್ಳೆರ್? ಎಲರ್‌ ನಿಕ್ಕ್ ತೀರ್ಪು ಕೊರ್ಚೆನಾ ಅಂದೆ.

೧೧ ಆಳ್—ಕರ್ತವಾ, ಎಲರ್‌ ಇಜ್ಜಿ ಅನ್ನಗ, ಯೇಸು ಆಳೆಡ—ಯಾನ್‌ಲಾ ನಿಕ್ಕ್ ತೀರ್ಪು ಕೊರ್ಪುಜಿ. ಪೋಲ, ನನ ಮೇಲ್‌ಡ್ ಪಾಪ ಮಳ್ಳಡ ಅಂದ್‌ದ್ ಪಂಡೆ.

೧೨ ಯೇಸು ಕುಡ ಆಕುಳೆಡ ಪಾತೆರ್‌ದ್ ಪಂಡಿನಿ—ಯಾನ್‌ ಲೋಕದ ಬೊಳ್ಳು, ಯೆನ ಬೆರಿಯೆ ಬರ್ಪಿನಾಯೆ ಕತ್ತಲೆಡ್ ನಡಪಯೆ, ಆಯಗ್ ಜೀವದ ಬೊಳ್ಳು

೧೩ ಉಪ್ಪುಂಡು. ಆಪಗ ಫರಿಸಾಯೆರ್ ಆಯಡ—ಈಯೇ ನಿಕ್ಕ್ ಸಾಕ್ಚಿ ಪಣ್ಣು, ೧೪ ನಿನ ಸಾಕ್ಚಿ ನಿಜ ಅತ್ತ್ ಅಂದೆರ್. ಯೇಸು ಉತ್ತರಕೊರ್ದು ಆಕುಳೆಡ

ಪಂಡಿನಿ—ಯಾನೇ ಯೆಂಕ್ ಸಾಕ್ಚಿ ಪಣ್ಣೆಂಡಲಾ ಯೆನ ಸಾಕ್ಚಿ ನಿಜನೇ, ದಾಯೆಗಂದ್‌ಂಡ ಯಾನ್‌ ಒಳ್ಳು ಬತ್ತೆ, ಒಡೆಗ್ ಪೋಪೆ ಅಂದ್‌ದ್ ಪಿಂಬೆ; ಆಂಡ ನಿಕುಳು—ಯಾನ್‌ ಒಳ್ಳು ಬರ್ಪೆ, ಒಡೆಗ್ ಪೋಪೆ ಅಂದ್‌ದ್ ಪಿನ

೧೫ ಯರ್. ನಿಕುಳು ಮಾಂಸಭಾವೊಗು ತಕ್ಕ ನ್ಯಾಯತೀರ್ಪವರ್, ಯಾನ್‌ ಒರಿ ೧೬ ಯನ್‌ಲಾ ನ್ಯಾಯತೀರ್ಪಜಿ. ಯಾನ್‌ ನ್ಯಾಯತೀರ್ಪೆಂಡಲಾ ಯಾನ್‌

ಒರಿಯೇ ಅತ್ತ್, ಯಾನ್‌ಲಾ ಯೆನನ್ ಕಡಪುಡಿ ಅಮ್ಮೆಲಾ ಉಪ್ಪುನೆಡ್ ಯೆನ ೧೭ ನ್ಯಾಯತೀರ್ಪು ನಿಜ ಆದುಂಡು. ಇರುವೆರ್ ನರಮಾನ್ಯೆರೆ ಸಾಕ್ಚಿ ನಿಜ

೧೮ ಅಂದ್‌ದ್ ನಿಕುಳೆ ನ್ಯಾಯಕಟ್ಟಡ್ ಬರೆತ್‌ಂಡ್. ಯಾನ್‌ ಯೆಂಕ್ ಸಾಕ್ಚಿ ೧೯ ಪಣ್ಣೆ, ಯೆನನ್ ಕಡಪುಡಿ ಅಮ್ಮೆಲಾ ಯೆಂಕ್ ಸಾಕ್ಚಿ ಪಣ್ಣೆ. ಆಪಗ ಆಕುಳು

ಆಯಡ—ನಿನ ಅಮ್ಮೆ ಓಳು ಅಂದೆರ್. ಯೇಸು ಉತ್ತರ ಕೊರಿನಿ—ನಿಕುಳು ಯೆನನ್ ಆವಡ್ ಯೆನ ಅಮ್ಮನ್ ಆವಡ್ ಪಿನಯರ್. ಯೆನನ್ ಪಿದುಕೊಣು

೨೦ ದ್ವರ್ಡ ಯೆನ ಅಮ್ಮನ್‌ಲಾ ಪಿದುಕೊಣುದ್ವರ್. ಈ ಪಾತೆರೊಳೆನ್ ಯೇಸು ದೇವಾಲಯೊಡು ಬೋಧನೆ ಕೊರೊಣ್ಣು ಕಾಣೆಗೆ ಪೆಟ್ಟಿಗೆದಳ್ಳ ಪಾತೆರಿಯೆ. ಆಯ ಘಳೆಗೆ ತೆಂಬುಡ ಬರಂದಿನೆಡ್ ಒರಿಲಾ ಆಯನ್ ಪತ್ತಜೆ.

೨೧ ಯೇಸು ಕುಡ ಆಕುಳೆಡ ಪಂಡಿನಿ—ಯಾನ್‌ ಪೋಪೆ, ನಿಕುಳು ಯೆನನ್ ನಾಡರ್, ಬೊಕ್ಕು ನಿಕುಳೆ ಪಾಪೊಡು ಸೈತ್‌ಪೋವರ್, ಯಾನ್‌ ಪೋಪಿನಡೆಗ್

೨೨ ನಿಕುಳು ಬರಿಯೆರೆ ಬಲ್ಲಿ. ಆಪಗ ಯೆಹೂದ್ಯೆರ್—ಇಂಬೆ ತನನ್ ತಾನ್ ಕೆರೊಣುವೆನಾ? ಯಾನ್‌ ಪೋಪಿನಡೆಗ್ ನಿಕುಳೆಗ್ ಬರಿಯೆರೆ ಬಲ್ಲಿ ಇನ್ನಿನಿ

೨೩ ದಾನೆ ಅಂದ್‌ದ್ ಪಂಡೆರ್. ಆಯೆ ಆಕುಳೆಡ ಪಂಡಿನಿ—ನಿಕುಳು ತಿರ್ತ್

దాకులు, యాన్ మిత్తదాయే; నికుళు ఈ లోకదాకులు, యాన్
 ౨౪ ఈ లోకదాయే ఆత్త. అంజాయినేద్దా నికుళే పాపొళిడే స్వేత్
 పోవర్ అందద్ నికుళేడ పండే. దాయేగందాండ యాన్ ఆయేనే
 ౨౫ అందద్ నంబజడ నికుళే పాపొళిడే స్వేత్ పోవర్. ఆపగ ఆకుళు
 ఆయడ — ఈ పర్ అందేర్. యేసు ఆకుళేడ — యాన్ ఎర్ అందద్
 ౨౬ దుంబుడ్డింజి నికుళేగ్ పండేనా ఆయేనే. నికుళే విషయోడు పాతేరి
 యేరేల న్యాయతిరేపేరేల యేంక్ దింజు లుండు, ఆండ యేనన్ కడ
 పుడినాయే. సత్యదాయే, బోక్కు యాన్ ఆయడ్ దానే కేండినా,
 ౨౭ లుందేన్ లోకేగొగు పణ్ణే అందద్ పండే. ఆయే తనుకుళేడ అమ్మ
 ౨౮ సుద్ది పండే అందద్ పిదుకొండజేర్. ఆపగ యేసు ఆకుళేడ
 పండిని — నికుళు సరమాన్య మగన్ ఎరావునగ యాన్ ఆయేనే
 అందద్లాల యేనాతేగ్ దాలాల మళ్లందే యేన అమ్మే యేంక్ కల్పాయి
 ౨౯ లేక్కునే లుందేన్ పాతేరువే అందద్లాల పిదుకొణ్ణంబర్. లుందత్తందే
 యేనన్ కడపుడినాయే యేన ఒట్టుగు లుళ్ళే, అమ్మే యేనన్ ఒరియనే
 బుడ్తజే, దాయేగందాండ యాన్ ఏపలాల ఆయగ్ మేజ్కునేన్
 మళ్ళువే.

౩౦ ఆయే లుందేన్ పాతేర్నగ దింజు మందే ఆయన్ నంబియేర్.
 ౩౧ ఆపగ యేసు తనన్ నంబి యేహొద్యేరేడ పండిని — నికుళు యేన పాతే
 ౩౨ రోడు నిలీయంద్ లుళ్ళడ నిజాదా యేన తిష్టేర్ ఆదిత్తదా, సత్తొను
 ౩౩ పిదుకొణ్ణంబర్, బోక్కు సత్య నికుళేన్ బుడుగడే మళ్ళు. ఆకు
 లు ఆయగ్ లుత్తరకొర్దు — యేంకుళు అబ్రహాము సంతాన ఆదుళ్ళ,
 ఏపలాల ఏరేగ్లాల గులాలమేర్ ఆదిత్తజ, బుడుగడే ఆవర్ ఇందద్ ఈ
 ౩౪ ఎంజ పణ్ణిని అందేర్. యేసు ఆకుళేగ్ లుత్తరకొరిని — నిత్తయందా
 నిత్తయందా నికుళేగ్ పణ్ణే, పాపొణు మళ్ళునాయే ఏలాల పాపద
 ౩౫ గులాలమేనే. గులాలమే ఆండ ఏపలాల ఇల్లడ లుప్పజే, మగి ఏపలాల
 ౩౬ లుప్పవే. అంజానగ మగి నికుళేన్ బుడుగడే మళ్ళండ, నిజాదా
 ౩౭ బుడుగడే ఇత్తినాకుళు ఆదుప్పర్. నికుళు అబ్రహాము సంతాన
 అందద్ యాన్ పింబి, ఆండలాల యేన పాతేరొగు నికుళేడ ఇంబు
 ౩౮ తిక్కుందినేడ్డ యేనన్ కేరియేరే తొపర్. యాన్ యేన అమ్మ కృతా
 తొయినేన్ పాతేరువే. అంజినే నికుళులాల నికుళే అమ్మడ్ కేండినేనా

- ೩೯ ಮಳ್ಳುವರ. ಆಕುಳು ಉತ್ತರಕೊರ್ದು. ಆಯಡ - ಅಬ್ರಹಾಮು ಯೆಂಕುಳೆ ಅಮ್ಮೆ ಅಂದೆರ್. ಯೇಸು ಆಕುಳೆಡ ಪಂಡಿನಿ - ನಿಕುಳು ಅಬ್ರಹಾಮು ಬಾಲೆಳು
- ೪೦ ಆದಿತ್ತಾದ್ವಡ - ಅಬ್ರಹಾಮು ಕೆಲಸೊಳೆನ್ ಮಳ್ಳಾದ್ವರ್. ಆಂಡ ದೇವೆರೆಡ್ಡ ಕೇಂಡಿ ಸತೊಯೆನು ನಿಕುಳೆಡ ಪಾತೆರಿ ಸರಮಾನಿ ಆದುಪ್ಪು ಯೆನನ್ ಇತ್ತೆ ಕೆರಿ
- ೪೧ ಯೆರೆ ತೂಪರ್, ಉಂದೆನ್ ಅಬ್ರಹಾಮು ಮಳ್ಳಜೆ; ನಿಕುಳೆ ಅಮ್ಮ ಕೆಲಸೊಳೆನ್ ನಿಕುಳು ಮಳ್ಳುವರ್. ಆಪಗ ಆಕುಳು ಆಯಡ - ಯೆಂಕುಳು ಹಾದ್ರೊಗು ಪುಟ್ಟಿನಾಕುಳು ಅತ್ತ, ಯೆಂಕುಳೆಗ್ ಒರಿಯೇ ಅಮ್ಮೆ ದೇವೆರ್ ಅಂದೆರ್.
- ೪೨ ಯೇಸು ಆಕುಳೆಡ ಪಂಡಿನಿ - ದೇವೆರ್. ನಿಕುಳೆ ಅಮ್ಮೆ ಆದಿತ್ತಾದ್ವಡ ಯೆನನ್ ಪ್ರೀತಿ ಮಳ್ಳಾದ್ವರ್, ದಾಯೆಗಂದ್‌ಂಡ ಯಾನ್ ದೇವೆರೆ ಕೈತಳ್ಳಡ್ ಪಿದಾಡ್
- ೪೩ ಬತ್ತಿ, ಯೆನ್ನಾತೆಗೇ ಬತ್ತಜಿ, ಆಯೆ ಯೆನನ್ ಕಡವುಡಿಯೆ. ದಾಯೆಗ್ ಯೆನ ಭಾಷೆನ್ ಪಿದುಕೊಣುಜರ್? ನಿಕುಳೆಗ್ ಯೆನ ಪಾತೆರೊಸು ಕೇಣಿಯೆರೆ ತೀರಂದಿ
- ೪೪ ನೆಡ್ಡೇ. ನಿಕುಳು ಸೈತಾನೆ ಇನ್ನಿ ಅಮ್ಮಡ್ಡ ಉಳ್ಳರ್, ನಿಕುಳೆ ಅಮ್ಮ ಇಚ್ಚೆಳೆನ್ ಮಳ್ಳೆರೆ ನಿಕುಳೆಗ್ ಮನನ್ ಉಂಡು. ಆಯೆ ಆದಿಡ್ಡ ಮಾನ್ಯ ಕರ್ಪಿನಾಯೆ ಆದಿತ್ತೆ, ಆಯೆ ಸತೊಯೆಡು ಉಂತಜಿ, ದಾಯೆಗಂದ್‌ಂಡ ಆಯಡ್ ಸತ್ಯ ಇಜ್ಜಿ; ಆಯೆ ಕಳುಸ. ಪಾತೆರ್‌ನಗ ತನ್ನೆಡ್ಡ ಪಾತೆರುವೆ, ಆಯೆ ಕಳುಗಾಲೆಲಾ ಕಳುತ
- ೪೫ ಅಮ್ಮೆಲಾ ಆದುಳ್ಳೆ. ಆಂಡ ಯಾನ್ ಸತ್ಯ ಪಣ್ಣಿನೆಡ್ಡ ಯೆನನ್ ಸಂಬುಜರ್.
- ೪೬ ನಿಕುಳೆಡ್ ಏರ್ ಯೆನಡ್ ಪಾವೊನು ತೋಜಾದ್ ಕೊರ್ಪೆ? ಅಂಚಾಂಡ ಯಾನ್
- ೪೭ ಸತ್ಯ ಪಣ್ಣಿಗ ದಾಯೆಗ ಯೆನನ್ ಸಂಬುಜರ್? ದೇವೆರೆಡ್ಡ ಉಪ್ಪುನಾಯೆ ದೇವೆರೆ ಪಾತೆರೊಳೆನ್ ಕೇಣುವೆ, ನಿಕುಳು ದೇವೆರೆಡ್ಡ ಉಪ್ಪಂದಿಸೆಡ್ಡಾವರ
- ೪೮ ಕೇಣುಜರ್. ಆಪಗ ಯೆಹೂದ್ಯೆರ್ ಉತ್ತರ ಕೊರ್ದು ಆಯಡ - ಈ ಸಮಾ ಯೆರ್, ನಿಕ್ಕ ದೆವ್ವಪತ್ತಾದ್‌ಂಡ್ ಅಂದ್‌ದ್ ಯೆಂಕುಳು ಪಣ್ಣಿನವು ಸಮ ಅತ್ತಾ
- ೪೯ ಅಂದೆರ್. ಯೇಸು ಉತ್ತರಕೊರಿಸಿ - ಯೆಂಕ್ ದೆವ್ವಪತ್ತಾದ್‌ಜಿ, ಯಾನ್ ಯೆನ
- ೫೦ ಅಮ್ಮಗ್ ಮಾನ ಕೊರ್ಪೆ, ನಿಕುಳು ಯೆಂಕ್ ಅಪಮಾನ ಮಳ್ಳುವರ್ ಯಾ ನಾಂಡ ಯೆನ ಮಾನೊನು ನಾಡುಜಿ, ನಾಡುನಾಯೆಲಾ ನ್ಯಾಯತೀರ್ಪುನಾಯೆ
- ೫೧ ಲಾ ಉಳ್ಳೆ. ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ - ಒರಿ ಯೆನ ಪಾತೆ
- ೫೨ ರೊನು ಕೈಕೊಣ್‌ಂಡ ಆಯೆ ಮರಣೊನು ಏನಿಗ್‌ಲಾ ತೂವಯೆ. ಆಪಗ ಯೆಹೂದ್ಯೆರ್ ಆಯಡ - ನಿಕ್ಕ ದೆವ್ವಪತ್ತಾದ್‌ಂಡ್ ಅಂದ್‌ದ್ ಇತ್ತೆ ಯೆಂಕುಳು ಪಿದುಕೊಂಡ; ಅಬ್ರಹಾಮುಲಾ ಪ್ರವಾದಿಳುಲಾ ಸೈತ್‌ಪೋಯೆರ್. ಆಂಡ ಒರಿ ಯೆನ ಪಾತೆರೊನು ಕೈಕೊಣ್‌ಂಡ ಆಯೆ ಏನಿಗ್‌ಲಾ ಮರಣದ ರಿತನ್ ತೂವಯೆ
- ೫೩ ಅಂದ್‌ದ್ ಈ ಪಣ್ಣೆ. ಯೆಂಕುಳೆ ಅಮ್ಮೆ ಆಯೆ ಅಬ್ರಹಾಮುಡ್ಡು ಈ ಮಲ್ಲಾ

ಯೆನಾ? ಆಯೆ ಸೈತ್‌ಪೋಯೆ, ಪ್ರವಾದಿಳುಲಾ ಸೈತ್‌ಪೋಯೆರ್; ನಿನನ್
 ೯೪ ಈಯೇ ಏರ್ ಅಂದ್‌ದ್ ಮಳ್ಳೊಣುವ ಅಂದೆರ್. ಯೇಸು ಉತ್ತರಕೊರಿಯೆ—
 ಯಾನೇ ಯೆನನ್ ಮಲ್ಲೆ ಮಳ್ಳೊಣ್ಂಡ ಯೆನ ಮಲ್ಲಾದಿಗೆ ದಾಲಾ ಇಜ್ಜೆ;
 ನಿಕುಳೆ ದೇವೆರ್ ಅಂದ್‌ದ್ ನಿಕುಳು ಪಣ್ಣೆ ಯೆನ ಅಮ್ಮೆ ಯೆನನ್ ಮಲ್ಲೆ ಮಳ್ಳು
 ೯೫ ನಾಯೆ. ನಿಕುಳು ಆಯನ್ ಪಿದುಕೊಂಡ್‌ಜರ್, ಯಾನ್ ಆಯನ್ ಪಿಂಬೆ.
 ಆಯನ್ ಪಿನಯೆ ಅಂದ್‌ದ್ ಪಣ್‌ತ್ವೆಡ ನಿಕುಳೆ ಲೆಕ್ಕನೆ ಕಳುಗಾರೆ ಆದಿತ್ತದ್ದೆ,
 ಆಂಡ ಯಾನ್ ಆಯನ್ ಪಿಂದ್‌ದ್ ಆಯ ಪಾತೆರೊನು ಕೈಕೊಣುವೆ.
 ೯೬ ನಿಕುಳೆ ಅಮ್ಮೆ ಅಬ್ರಹಾಮು ಯೆನ ದಿನೊನು ತೂವೆ ಅಂದ್‌ದ್ ಹರ್ಸ ಮಳ್ಳೆ,
 ೯೭ ಬೊಕ್ಕ ತೂದು ಸಂತೋಷ ಮಳ್ಳೆ. ಆಪಗ ಯೆಹೂದ್ಯೆರ್ ಆಯಡ—ತೆಂಬುಡ
 ೯೮ ನಿಕ್ಕಾ ಐವ ವರ್ಸ ಆಯಿಜೆ, ಬೊಕ್ಕ ಅಬ್ರಹಾಮುನು ತೂತನಾ ಅನ್ನಗ, ಯೇಸು
 ಆಕುಳೆಡ—ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ—ಅಬ್ರಹಾಮು ಆಪಿ
 ೯೯ ನೆಕ್ ದುಂಬು ಯಾನ್ ಉಳ್ಳೆ ಆಂದೆ. ಆಪಗ ಆಯಗ್ ದಕ್ಕಿಯೆರೆ ಕಲ್ಲ
 ದೆರ್ತೆರ್. ಆಂಡ ಯೇಸು ದೆಂಗೊಣ್ಣು ಆಕುಳೆ ನಡುಟು ಕಡತ್‌ದ್ ದೇವಾಲ
 ಯೊಡ್ಡು ಪಿದಾಡ್ ಪೋಯೆ.

೯ನೆ ಸಂಧಿ

೧ ಆಯೆ ಪೋನಗ ಕುರುಡೆ ಆದ್ ಪುಟ್ಟೆ ನರಮಾನ್ಯನ್ ತೂಯೆ. (೨) ಆಯ
 ತಿಷ್ಯೆರ್ ಆಯಡ—ರಬ್ಬೀ ಇಂಬೆ ಕುರುಡೆ ಆದ್ ಪುಟ್ಟುಲೆಕ್ಕ ಏರ್ ಪಾಪ
 ೨ ಮಳ್ಳಿನಿ? ಇಂಬೆನಾ ಇಂಬ್ಯ ಅಪ್ಪೆ ಅಮ್ಮೆನಾ, ಅಂದ್‌ದ್ ಕೇಂಡೆರ್. ಯೇಸು
 ಉತ್ತರ ಕೊರ್ದು ಪಂಡಿನಿ—ಇಂಬೆ ಆವಡ್ ಇಂಬ್ಯ ಅಪ್ಪೆ ಅಮ್ಮೆ ಆವಡ್ ಪಾಪ
 ಮಳ್ಳೆಜೆರ್, ದೇವೆರೆ ಕ್ರಿಯೊಳು ಆಯಡ್ ತೋಜಿಡ್ ಬರ್ಪಿಲೆಕ್ಕ ಆಂಡ್.
 ೩ ಯೆನನ್ ಕಡಪುಡಿನಾಯೆ ಕೆಲಸೊಳೆನ್ ಪಗೆಲ್ ಉಪ್ಪುನೆಗೆ ಯಾನ್ ಮಳ್ಳೊಡು;
 ೪ ಏರೆಗಲಾ ಕೆಲಸ ಮಳ್ಳೆರೆ ತೀರಂದಿ ರಾತ್ರೆ ಬರ್ಪುಂಡು. ಯಾನ್ ಲೋಕೊಡು
 ೫ ಉಪ್ಪುನಗ ಲೋಕದ ಬೊಳ್ಳು ಆದುಳ್ಳೆ. ಉಂದೆನ್ ಪಂಡ್‌ದ್ ನೆಲಕ್ ಉಬ್ಬಿದ್
 ಉಬ್ಬಿನೀರ್‌ಡ್ ಕೆಸರ್ ಮಳ್ಳೆದ್ ಕೆಸರ್‌ನ್ ಕುರುಡ ಕಣ್ಣುಳೆಗ್ ಪೂಜೆದ್,
 ೬ ಆಯಡ ಪಂಡಿನಿ—ಪೋಲ, ಸಿಲೊವಾಮು ಕೆದುಟು ನಿನನ್ ದೆಕ್ಕೊಣ್ಣು. ಸಿಲೊ
 ವಾಮು ಅಂದ್‌ಂಡ ಕಡಪುಡಿನವು. ಆಯೆ ಪೋದು ದೆಕ್ಕೊಣ್ಣು ಕಣ್ಣೆ ತೋಜು
 ೭ ನಾಯೆ ಆದ್ ಬತ್ತೆ. ಆಪಗ ನಿರೆತಾಕುಳುಲಾ ಆಯೆ ಕುರುಡೆ ಅಂದ್‌ದ್
 ಆಯನ್ ದುಂಬು ತೂತಿನಾಕುಳುಲಾ—ಕುಳ್ಳೊಣ್ಣು ಭಿಕ್ಕೆ ನಟ್ಟೊಣ್ಣೆತ್ತಿನಾಯೆ
 ೮ ಇಂಬೆ ಅತ್ತಾ ಅಂದೆರ್. ಪಾಕ ಮಂದೆ—ಅಂದ್ ಆಯೆನೇ, ಬೇತೆ ಜನ—ಆಯ

- ೧೦ ಲೆಕ್ಕನೆ ಉಳ್ಳೆ ಅಂದೆರಾ. ಆಯೆ—ಯಾನಾ ಆಯೆನೇ ಅಂದೆ. ಆಪಗ ಆಕುಳು
- ೧೧ ಆಯಡ—ನಿನ ಕಣ್ಣುಳು ಎಂಚ ಜತ್ತಾಂಡ್ ಅಂದೆರಾ. ಆಯೆ ಉತ್ತರಕೊರ್ದು—
ಯೇಸು ಇನ್ನಿ ನರಮಾನಿ ಕೆಸರ್ ಮುಕ್ತಾದಾ ಯೆನ ಕಣ್ಣುಳೆಗಾ ಪೂಜಿದಾ
ಯೆನಡ—ಸಿಲೊವಾಮು ಕೆದುಕು ಪೋದು ದೆಕ್ಕೊಣು ಅಂದೆ. ಯಾನಾ
- ೧೨ ಪೋದು ದೆಕ್ಕೊಂಡೆ, ಕಣ್ಣ್ ತೋಜಾಂಡಾ. ಆಕುಳು ಆಯಡ—ಆಯೆ ಓಳು
ಉಳ್ಳೆ ಇಂದಿನೆಕ್—ಯೆಂಕ್ ಗೊಂತು ಇಜ್ಜಿ ಅಂದಾದ್ ಪಂಡೆ.
- ೧೩ ದುಂಬು ಕುರುಡೆ ಆದಿತ್ತಿನಾಯನ್ ಫರಿಸಾಯೆರೆ ಕೈತಡೆಗಾ ಲೆತ್ತೊಣ್ಣು
೧೪ ಪೋಯೆರಾ. ಆಂಡ ಯೇಸು ಕೆಸರ್ ಮುಕ್ತಾದಾ ಆಯ ಕಣ್ಣುಳೆನ್ ಜಪ್ಪುನಗ
೧೫ ಸಬ್ಬತು ಇತ್ತಾಂಡ್. ಕುಡ ಫರಿಸಾಯೆರಾಲಾ ಆಯಡ—ನಿಕ್ಕಾ ಎಂಚ ಕಣ್ಣ್
ತೋಜಿಂಡಾ ಅಂದಾದ್ ಕೇಣಾನಗ, ಆಯೆ ಆಕುಳೆಡ—ಆಯೆ ಕೆಸರ್ ಯೆನ
ಕಣ್ಣುಳೆಗಾ ದೀಯೆ, ಯಾನಾ ದೆಕ್ಕೊಂಡೆ, ಯೆಂಕ್ ಕಣ್ಣ್ ತೋಜುಂಡು
೧೬ ಅಂದಾದ್ ಪಂಡೆ. ಆಪಗ ಫರಿಸಾಯೆರೆಡಾ ವಾಕ ಮುಂದೆ—ಆ ನರಮಾನಿ ಸಬ್ಬ
ತುನು ಕೈಕೊಂಡಿನೆಡ್ ದೇವೆರೆಡ್ ಉಪ್ಪುನಾಯೆ ಅತ್ತಾ ಅಂದೆರಾ. ಬೇತೆ
ಜನ—ಪಾಪಿ ಆದುಪ್ಪು ನರಮಾನಿ ಇಂಚಿತ್ತಿ ಗುರ್ತೊಳೆನ್ ಎಂಚ ಮುಳ್ಳೊಲಿ
೧೭ ಇಂದೆರಾ. ಇಂಚಿನೆ ಆಕುಳೆಡಾ ಭೇದ ಅಂಡಾ. ಕುಡ ಆಕುಳು ಕುರುಡೆಡ—
ಆಯೆ ನಿನ ಕಣ್ಣುಳೆನ್ ಜತ್ತಿನೆಡ್ಡಾ ಈ ಆಯನ್ ದಾನೆ ಪಣ್ಣು ಅನ್ನಗ, ಆಯೆ—
೧೮ ಪ್ರವಾದಿ ಆದುಳ್ಳೆ ಅಂದೆ. ಆಪಗ ಯೆಹೂದ್ಯೆರಾ ದೃಷ್ಟಿ ಹೊಂದಿನಾಯೆ ಅಪ್ಪೆ
ಅಮ್ಮನ್ ಲೆಪ್ಪುಡುನೆಗೆ. ಆಯೆ ಕುರುಡೆ ಆದಿತ್ತಾದಾ ದೃಷ್ಟಿ ಹೊಂದಿಯೆ ಅಂದಾದ್
೧೯ ಆಯೆ ವಿಷಯೊಡು ನಂಬಂದೆ, ಆಕುಳೆಡ—ಕುರುಡೆ ಆದಾ ಪುಟ್ಟಿಯೆ ಅಂದಾದಾ
ನಿಕುಳು ಪಣ್ಣಿ ನಿಕುಳೆ ಮಗ ಇಂಚಿನಾ? ಅಂಚಾಂಡ ಆಯಗ್ ಇತ್ತೆ ಎಂಚ
೨೦ ಕಣ್ಣ್ ತೋಜುಂಡು ಅಂದಾದಾ ಕೇಂಡೆರಾ. ಆಯೆ ಅಪ್ಪೆ ಅಮ್ಮೆ ಆಕುಳೆಗಾ
ಉತ್ತರಕೊರ್ದು ಪಂಡಿನಿ—ಇಂಬೆ ಯೆಂಕುಳೆ ಮಗ, ಜೊಕ್ಕ ಕುರುಡೆ ಆದಾ
೨೧ ಪುಟ್ಟಿಯೆ ಅಂದಾದ್ ಪಿಂಬ. ಆಂಡಲಾ ಇತ್ತೆ ಎಂಚ ಕಣ್ಣ್ ತೋಜುಂಡು
ಅಂದಾದ್ ಪಿನಯ, ಆಯ ಕಣ್ಣುಳೆನ್ ಎರ್ ಜತ್ತೆ ಅಂದಾದ್ಲಾ ಯೆಂಕುಳು
ಪಿನಯ, ಆಯಡ ಕೇಣ್ಣೆ, ಆಯೆ ಪ್ರಾಯದಾಯೆ, ತನ ಸಂಗತಿನಾ ತಾನೇ
೨೨ ಪಣ್ಣೆಂಚೆ. ಉಂದೆನ್ ಆಯೆ ಅಪ್ಪೆ ಅಮ್ಮೆ ಯೆಹೂದ್ಯೆರೆಗಾ ಪೋಡಿನೆಡ್ಡೇ
ಪಂಡೆರಾ. ದಾಯೆಗಂದಾಂಡ ಎರಾಂಡಲಾ ಆಯೆ ಕ್ರಿಸ್ತೆ ಅಂದಾದ್ ಅರಿಕೆ ಮಳ್ಳು
ವೆಡ ಆಯನ್ ಸಭೆಡ್ಡಾ ತೆರ್ತಾದಾ ದೀವೊಡು ಅಂದಾದ್ ಯೆಹೂದ್ಯೆರ್ ದುಂಬೇ
೨೩ ಒಂಬೆ ಆತೆರಾ. ಉಂದೆಕಾದಾ ಆಯೆ ಅಪ್ಪೆ ಅಮ್ಮೆ—ಆಯೆ ಪ್ರಾಯದಾಯೆ
೨೪ ಆಯಡ ಕೇಣ್ಣೆ ಅಂದೆರಾ. ಆಪಗ ಆಕುಳು ಕುರುಡೆ ಆದಿತ್ತಿ ನರಮಾನ್ಯನ್

ಇರುವಾರ ಲೆತ್ತಾದ್ ಆಯಡ—ದೇವೆರೆಗ್ ಮಾನ ಕೊರ್ಲ, ಆ ನರಮಾನಿ
 ೨೫ ಪಾಪಿ ಅಂದ್‌ದ್ ಯೆಂಕುಳು ಪಿಂಬ ಅಂದೆರ್. ಐಕ್ ಆಯೆ ಉತ್ತರಕೊರ್ದು—
 ಆಯೆ ಪಾಪಿಯಾ ದಾನ್ನಾ ಯಾನ್ ಪಿನಯೆ, ಒಂಜೆನ್ ಪಿಂಬೆ, ಕುರುಡೆ ಆದಿತ್ತೆ,
 ೨೬ ಇತ್ತೆ ಕಣ್ಣ್ ತೋಜುಂಡು ಅಂದೆ. ಆಕುಳು ಬೊಕ್ಕಲಾ ಆಯಡ—ನಿಕ್ಕಾ ದಾನೆ
 ೨೭ ಮಳ್ತೆ? ನಿನ ಕಣ್ಣುಳೆನ್ ಎಂಚ ಜತ್ತೆ ಅನ್ನಗ, ಆಯೆ ಆಕುಳೆಗ್ ಉತ್ತರ
 ಕೊರ್ದು—ಯಾನ್ ನಿಕುಳೆಗ್ ಪಂಡ್‌ದಾಂಡ್ ಕೇಂಡ್‌ಜರಾ? ಬೊಕ್ಕಲಾ ಕೇ
 ಣೊಡು ಇನ್ನಿನವು ದಾನೆ? ನಿಕುಳುಲಾ ಆಯ ಶಿಷ್ಯೆರ್ ಆವೊಡಂದ್‌ದ್ ಉಂಡಾ
 ೨೮ ಅಂದ್‌ದ್ ಪಂಡೆ. ಆಪಗ ಆಯನ್ ನೆರ್‌ದ್—ಈಯ್ಯೇ ಆಯ ಶಿಷ್ಯೆ,
 ೨೯ ಯೆಂಕುಳು ಮೋಸೆ ಶಿಷ್ಯೆರ್. ಮೋಸೆಡ ದೇವೆರ್ ಪಾತೆರಿಯೆ ಅಂದ್‌ದ್
 ೩೦ ಯೆಂಕುಳು ಪಿಂಬ, ಆಂಡ ಆಯೆ ಒಳ್ತಾಯೆ ಅಂದ್‌ದ್ ಪಿನಯೆ ಅಂದೆರ್. ಆ
 ನರಮಾನಿ ಉತ್ತರಕೊರ್ದು ಆಕುಳೆಡ—ಯೆನ ಕಣ್ಣುಳೆನ್ ಜತ್ತೆ ಬೊಕ್ಕ ಆಯೆ
 ೩೧ ಒಳ್ತಾಯೆ ಅಂದ್‌ದ್ ನಿಕುಳು ಪಿನಂದಿನವು ಆಶ್ಚರ್ಯನೇ ಸೈ. ಪಾಪಿಳೆನ್
 ದೇವೆರ್ ಕೇಣುಜೆ, ಒರಿ ದೇವೆರೆ ಭಕ್ತಿದಾಯೆ ಆದಿತ್ತಾದ್ ಆಯ ಚಿತ್ತೊನು ಮಳ್ತು
 ೩೨ ವೆಡ ಇಂಬ್ಯನ್ ಆಯೆ ಕೇಣುವೆ ಅಂದ್‌ದ್ ನಮ ಪಿಂಚ. ಕುರುಡೆ ಆದ್ ಪುಟ್ಟೆ
 ೩೩ ನಾಯ ಕಣ್ಣುಳೆನ್ ಎರಾಂಡಲಾ ಜತ್ತೆ ಇನ್ನಿನವು ಪೂರ್ವೊಡ್ಡಿಂಚಿ ಕೇಂಡ್‌ಜೆ. ಇಂಬೆ
 ದೇವೆರೆಡ್ ಬೈದ್‌ಜೆಡ ಆಯಗ್ ದಾಲಾ ಮಳ್ಳೆರೆ ತೀರ್‌ದ್ವಂದ್ ಅಂದ್‌ದ್ ಪಂಡೆ.
 ೩೪ ಆಕುಳು ಉತ್ತರಕೊರ್ದು ಆಯಡ—ಈ ಪೂರಾ ಪಾವೊಡು ಪುಟ್ಟಿಯ, ಬೊಕ್ಕ ಈ
 ಯೆಂಕುಳೆಗ್ ಕಲಾವನಾ ಅಂದ್‌ದ್ ಪಂಡ್‌ದ್ ಆಯನ್ ಪಿದಯಿ ಪಾಡಿಯೆರ್.
 ೩೫ ಆಯನ್ ಪಿದಯಿ ಪಾಡಿಯೆರ್ ಅಂದ್‌ದ್ ಯೇಸು ಕೇಂಡ್‌ದ್ ಆಯನ್
 ೩೬ ತೊಡು ಆಯಡ—ಈ ದೇವೆರೆ ಮಗನ್ ನಂಬುವನಾ ಅಂದ್‌ದ್ ಪಂಡೆ. ಆಯೆ
 ಉತ್ತರಕೊರ್ದು—ಕರ್ತವಾ ಯಾನ್ ಆಯನ್ ನಂಬುಲೆಕ್ಕ ಆಯೆ ಏರ್
 ೩೭ ಅನ್ನಗ, ಯೇಸು ಆಯಡ—ಈ ಆಯನ್ ತೊಡು, ನಿನಡ ಪಾತೆರುನಾಯೆ
 ೩೮ ಆಯೆನೇ ಅಂದ್‌ದ್ ಪಂಡೆ. ಐಕ್ ಆಯೆ—ಕರ್ತವಾ ಯಾನ್ ನಂಬುವೆ
 ೩೯ ಅಂದ್‌ದ್ ಅಡ್‌ಬೂರಿಯೆ. ಬೊಕ್ಕ ಯೇಸು ಪಂಡಿನಿ—ಕಣ್ಣ್ ತೋಜಂದಿ
 ನಾಕುಳೆಗ್ ತೋಜುಲೆಕ್ಕ, ಕಣ್ಣ್ ತೋಜುನಾಕುಳು ಕುರುಡೆರ್ ಆಪಿಲೆಕ್ಕ
 ೪೦ ಯಾನ್ ನ್ಯಾಯತೀರ್ಪುಗು ಈ ಲೋಕೊಗು ಬತ್ತೆ. ಫರಿಸಾಯೆರೆಡ್ ಪಾಕ
 ಜನ ಆಯಡೊಪ್ಪ ಇತ್ತಾದ್ ಉಂದೆನ್ ಕೇಂಡ್‌ದ್ ಆಯಡ—ಯೆಂಕುಳುಲಾ
 ೪೧ ಕುರುಡೆರಾ ಅನ್ನಗ, ಯೇಸು ಆಕುಳೆಡ—ಕುರುಡೆರ್ ಆದಿತ್ತಾದ್‌ದ್ ನಿಕುಳೆಗ್
 ಪಾಪ ಇತ್ತಾದ್‌ದ್, ಆಂಡ ಇತ್ತೆ ಯೆಂಕುಳೆಗ್ ಕಣ್ಣ್ ತೋಜುಂಡು ಅಂದ್‌ದ್
 ಪಣ್ಣೆನೆಡ್ಡೆ ನಿಕುಳೆ ಪಾಪ ಒರಿಯುಂಡು ಅಂದ್‌ದ್ ಪಂಡೆ.

೧೦ನೆ ಸಂಧಿ

೧ ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ಬಾಕಿಲಾಡೆ ಕುರಿಕುಳೆ ಕೊಟ್ಟ್ಯದ ಉಳಯಿ ಪೋವಂದೆ ಬೇತೆ ಒಳಾಂಡಲಾ ಮಿತ್ತಾವುನಾಯೆ ಕಳುವೆಲಾ ಸುಲಿ
 ೨ ಯುನಾಯೆಲಾ ಆದುಳ್ಳೆ. ಆಂಡ ಬಾಕಿಲಾಡೆ ಉಳಯಿ ಪೋಪಿನಾಯೆ ಕುರಿಕು
 ೩ ಳೆನ್ ಮೇಪುನಾಯೆ ಆದುಳ್ಳೆ. ಇಂಬ್ಯಗ್ ಕಾವಲಾದಾಯೆ ಜಪ್ಪುವೆ, ಕುರಿಕುಳು
 ೪ ಆಯ ಶಬ್ದೊನು ಕೇಣುವ. ತನ ಕುರಿಕುಳೆನ್ ಪುದರ್ ಪಂಡಾದ್ ಲೆತ್ತಾದ್
 ೫ ಐಕುಳೆನ್ ಪಿದಯಿ ದೇರೊಣ್ಣು ಪೋಪೆ. ಆಯೆ ತನ ಕುರಿಕುಳೆನ್ ಪಿದಯಿ
 ೬ ಮುಕ್ತಿ ಬೊಕ್ಕ ಐಕುಳೆ ದುಂಬು ಪೋಪೆ, ಕುರಿಕುಳು ಆಯ ಧ್ವನಿ ತೆರಿಯೊಣ್ಣು
 ೭ ನೆಡ್ಡ್ ಆಯ ಬೆರಿಯೆ ಪೋಪ. ಆಂಡ ಊರಿಯಾಯೆ ಬೆರಿಯೆ ಪೋವಂದೆ
 ೮ ಆಯನ್ ಬುಡ್ಡು ಪಾರ್ ಪೋಪ, ದಾಯೆಗಂದ್ ಆಂಡ ಊರಿಯಾಕುಳೆ ಧ್ವನಿ
 ೯ ತೆರಿಯೊಣ್ಣುಜ. ಈ ಸಾವೊಣ್ಣು ಯೇಸು ಆಕುಳೆಗ್ ಪಂಡೆ. ಆಂಡ ಆಯೆ
 ೧೦ ತನುಕುಳೆಡ ಪಾತೆರಿಸವು ದಾನೆ ಅಂದ್ ಪಿದುಕೊಂಡ್ ಜೆರ್. ಅಪಗ ಯೇಸು
 ೧೧ ಕುಡ ಆಕುಳೆಡ ಪಂಡಿನಿ — ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ಯಾನೇ
 ೧೨ ಕುರಿಕುಳೆಗ್ ಬಾಕಿಲ್, ಯೆನಡ್ಡ್ ದುಂಬು ಬತ್ತಿನಾಕುಳು ಮಾತೆಲ್ ಕಳುವೆ
 ೧೩ ರ್ಲಾ ಸುಲಿಯುನಾಕುಳುಲಾ ಆದುಳ್ಳೆರ್; ಆಂಡ ಕುರಿಕುಳು ಆಕುಳೆನ್
 ೧೪ ಕೇಂಡ್ ಜ. ಯಾನೇ ಬಾಕಿಲ್, ಒರಿ ಯೆನಡ್ಡ್ ಉಳಯಿ ಪೋಂಡ ಆಯಗ್
 ೧೫ ರಕ್ಣೆ ತಿಕ್ಕು, ಬೊಕ್ಕ ಉಳಯಿ ಪಿದಯಿ ಪೋವೊಣ್ಣು ಮೇವು ಹೊಂದೆ.
 ೧೬ ಕಳುವೆ ಕಂಡೊಣೆಯೆರೆ, ಕೆರಿಯೆರೆ, ಹಾಳ ಮಳ್ಳೆರೆ ಅತ್ತಂದೆ ಬರ್ಪುಜೆ.
 ೧೭ ಯಾನ್ ಐಕುಳೆಗ್ ಜೀವ ಉಪ್ಪುಲೆಕ್ಕಲಾ ಸಂಪೊತ್ತು ಉಪ್ಪುಲೆಕ್ಕಲಾ ಬತ್ತೆ.
 ೧೮ ಯಾನ್ ಎಡ್ಡೆ ಮೇಪುನಾಯೆ, ಎಡ್ಡೆ ಮೇಪುನಾಯೆ ತನ ಜೀವೊನು ಕುರಿಕುಳೆಗ್
 ೧೯ ಬೋಡಾದ್ ಕೊರ್ಪೆ. ಆಂಡ ಮೇಪುನಾಯೆ ಆದುಪ್ಪಂದಿ ಕೂಲಿದಾಯೆ
 ೨೦ ಕುರಿಕುಳು ತನ್ನವು ಅತ್ತಾ ಇಂದಾದ್ ಚೆನ್ನನಾಯಿ ಬರ್ಪಿನನ್ ತೊದು ಕುರಿಕು
 ೨೧ ಳೆನ್ ಬುಡ್ಡು ಪಾರ್ ಪೋಪೆ, ಬೊಕ್ಕ ಚೆನ್ನನಾಯಿ ಕುರಿಕುಳೆನ್ ಪತ್ತಾದ್ ಐಕು
 ೨೨ ಳೆನ್ ಚದರ ಮಳ್ಳುಂಡು. ಕೂಲಿದಾಯೆ ತಾನ್ ಕೂಲಿದಾಯೆ ಅದಿತ್ತಾದ್ ಕುರಿ
 ೨೩-೨೪ ಕುಳೆಗಾದ್ ಚಿಂತೆ ಮಳ್ಳಂದಿನೆಡ್ಡ್ ಪಾರ್ ಪೋಪೆ. ಯಾನ್ ಎಡ್ಡೆ ಮೇಪು
 ೨೫ ನಾಯೆ, ಅಮ್ಮೆ ಯೆನನ್, ಯಾನ್ ಅಮ್ಮನ್ ಪಿದುಕೊಣುಲೆಕ್ಕನೆ ಯಾನ್
 ೨೬ ಯೆನ್ನೆಕುಳೆನ್ ಪಿದುಕೊಣುವೆ, ಯೆನ್ನೆಕುಳು ಯೆನನ್ ಪಿದುಕೊಣುವ.
 ೨೭ ಬೊಕ್ಕ ಯಾನ್ ಯೆನ ಜೀವೊನು ಕುರಿಕುಳೆಗ್ ಬೋಡಾದ್ ಕೊರ್ಪೆ.
 ೨೮ ಉಂದತ್ತಂದೆ ಈ ಕೊಟ್ಟ್ಯದವು ಆದುಪ್ಪಂದಿ ಜೀತೆ ಕುರಿಕುಳು ಯೆಂಕ್ ಉಳ್ಳ.

ಐಕುಳೆನಾಲಾ ಯಾನ್ ಕೊಂಡುಬರೊಡು, ಐಕುಳು ಯೆನ ಶಬ್ದೊನು ಕೇಣುವ, ೧೭ ಆಪಗ ಒಂಜೇ ವುಂಡು, ಒರಿಯೇ ಮೇಪುನಾಯೆ ಆವು. ಯೆನ ಜೀವೊನು ಸಿರ ದೆತ್ತೊಣುಲೆಕ್ಕ ಯಾನ್ ಅವೆನ್ ಕೊರ್ಪಿನೆಡ್ಲಾವರ ಅವ್ವೆ ಯೆನನ್ ೧೮ ಸ್ತ್ರೀತಿ ಮಳ್ಳುವೆ. ಎಲರ್ಲಾ ಅವೆನ್ ಯೆನಡ್ಲ ದೆವ್ವುಜೆ, ಯಾನ್ ಯೆನತ್ತೆಗ್ ಅವೆನ್ ಕೊರ್ಪೆ; ಅವೆನ್ ಕೊರಿಯೆರೆ ಯೆಂಕ್ ಅಧಿಕಾರ ಉಂಡು, ಅವೆನ್ ಸಿರ ದೆತ್ತೊಣಿಯೆರೆಲಾ ಯೆಂಕ್ ಅಧಿಕಾರ ಉಂಡು, ಈ ಅಪ್ಪಣೆನ್ ಯೆನ ೧೯ ಅಮ್ಮಡ್ಲ ಹೊಂದಿಯೆ. ಈ ಪಾತೆರೊಳೆಗಾದ್ ಯೆಹೂದ್ಯೆರೆಡ್ ಕುಡ ಭೇದ ೨೦ ಆಂಡ್. ಆಕುಳೆಡ್ ದಿಂಜ ಮಂದೆ—ಆಯಗ್ ದೆವ್ವಪತ್ತಾದ್ಂಡ್, ಆಯಗ್ ೨೧ ಮಲ್ಗ, ಆಯನ್ ದಾಯೆಗ್ ಕೇಣುವರ್ ಅಂದೆರ್. ಬೇತೆ ಜನ—ಉಂದು ದೆವ್ವಪತ್ತಾದಿನಾಯ ಪಾತೆರ ಅತ್ತ, ದೆವ್ವ ಕುರುಡೆರೆ ಕಣ್ಣುಳೆನ್ ಜಪ್ಪೊಲ್ಯಾ ಅಂದೆರ್.

೨೨ ಯೆರೂಸಲೇಮುಡು ಪ್ರತಿಷ್ಠೆದ ಪರ್ಬ ಆಂಡ್, ಭಳೆಗಾಲ ಇತ್ತಂಡ್. ೨೩ ಯೇಸು ದೇವಾಲಯೊಡು ಸೊಲೊವೊನು ಚಾಕೆಡ್ ನಡವುನಗ, (೨೪) ಯೆಹೂದ್ಯೆರ್ ಆಯನ್ ಸುತ್ತ ಪಾಡ್ಲ ಆಯಡ—ಯೆಂಕುಳೆ ಪ್ರಾಣೊನು ಏಪ ಮುಟ್ಟು ಕಾಪಾವ? ಈ ಕ್ರಿಸ್ತೆ ಅಂದಾಂಡ ಯೆಂಕುಳೆಗ್ ಸರ್ತಾದ್ ಪಣ್ಣ ಅಂದೆರ್. ೨೫ ಯೇಸು ಆಕುಳೆಗ್ ಉತ್ತರಕೊರಿಸಿ—ಯಾನ್ ನಿಕುಳೆಗ್ ಪಂಡೆ, ನಂಬುಜರ್; ಯಾನ್ ಯೆನ ಅಮ್ಮ ಪುದರ್ಡ್ ಮಳ್ಳು ಕೆಲಸೊಳು, ಉಂದೇ ಯೆಂಕಾದ್ ೨೬ ಸಾಕ್ಲೆ ಪಣ್ಣುಂಡು. ಆಂಡ ನಿಕುಳು ನಂಬುಜರ್, ದಾಯೆಗಂದ್ಂಡ ಯಾನ್ ೨೭ ನಿಕುಳೆಗ್ ಪಂಡಿಲೆಕ್ಕನೆ ನಿಕುಳು ಯೆನ ಕುರಿಕುಳು ಅತ್ತ. ಯೆನ ಕುರಿಕುಳು ಯೆನ ಶಬ್ದೊನು ಕೇಣುವ, ಯಾನ್ ಐಕುಳೆನ್ ಪಿದುಕೊಣುವೆ, ಐಕುಳು ಯೆನ ೨೮ ಬೆರಿಯೆ ಬರ್ಪ; ಯಾನ್ ಐಕುಳೆಗ್ ನಿತ್ಯಜೀವ ಕೊರ್ಪೆ, ಐಕುಳು ಎನಿಗ್ಲಾ ನಾಶನಾದ್ ಪೋವಯ; ಎಲರ್ಲಾ ಐಕುಳೆನ್ ಯೆನ ಕೈಡ್ಲ ಸುಲಿಯಯೆ. ೨೯ ಐಕುಳೆನ್ ಯೆಂಕ್ ಕೊರಿ ಯೆನ ಅಮ್ಮೆ ವಾತೆರೆಡ್ಲ ಮಲ್ಲಾಯೆ, ಯೆನ ಅಮ್ಮ ೩೦ ಕೈಡ್ಲ ಎರೆಗ್ಲಾ ಐಕುಳೆನ್ ಸುಲಿಯೊಣಿಯೆರೆ ಕೂಡಂದ್. ಯಾನ್ಲಾ ೩೧ ಅಮ್ಮೆಲಾ ಒಂಜೇ. ಆಪಗ ಆಯನ್ ಕಲ್ಲದಕ್ಕಾದ್ ಕೆರೊಡಂದ್ ಯೆಹೂದ್ಯೆರ್ ಕುಡ ಕಲ್ಲ ದೆರ್ತೆರ್. ಯೇಸು ಆಕುಳೆಗ್ ಉತ್ತರಕೊರ್ದು—ನಿಕುಳೆಗ್ ಯೆನ ಅಮ್ಮಡ್ಲ ದಿಂಜ ಎಡ್ಲೆ ಕೆಲಸೊಳೆನ್ ತೋಜಾಯೆ, ಏಟ್ ವಾ ೩೨ ಕೆಲಸೊಗಾದ್ ಯೆಂಕ್ ಕಲ್ಲದಕ್ಕವರ್ ಅಂದೆ. ಯೆಹೂದ್ಯೆರ್ ಆಯಗ್ ಉತ್ತರಕೊರ್ದು—ಎಡ್ಲೆ ಕೆಲಸೊಗಾದ್ ಅತ್ತ, ದೂಷಣೆಗಾದ್ಲಾ ಈ ನರ ವಾನಿ ಆದಿತ್ತದ್ ನಿನನ್ ಈಯೇ ದೇವೆರ್ ಅಂದ್ ಮಳ್ಳೊಣುನೆಡ್ಲಲಾ

- ೩೪ ನಿಕ್ಕ ಕಲ್ ದಕ್ಕವ ಅಂದೆರ್. ಯೇಸು ಆಕುಳೆಗ್ ಉತ್ತರ ಕೊಡು ಪಂಡಿನಿ—
 ನಿಕುಳು ದೇವೆರುಳು ಅಂದ್ ದ್ ಯಾನ್ ಪಂಡೆ ಇನ್ನಿಸವ್ವ ನಿಕುಳೆ ನ್ಯಾಯ
 ೩೫ ಕಟ್ಟುಡ್ ಬರೆತ್ ಜಾ? ಬರವುನು ದೆತ್ತದ್ ಪಾಡಿಯೆರೆ ಬಲ್ಲಿ, ದೇವೆರೆ ಪಾತೆರ
 ೩೬ ಎರೆಗ್ ಆಂಡಾ ಆಕುಳೆನ್ ದೇವೆರುಳು ಅಂದ್ ದ್ ಪಣ್ಂಡ, ಅಮ್ಮೆ ಪರಿಶುದ್ಧ
 ಮಳ್ತದ್ ಲೋಕೊಗು ಕಡಪುಡಿನಾಯನ್ — ಯಾನ್ ದೇವೆರೆ ಮಗೆ ಅಂದ್ ದ್
 ೩೭ ಪಂಡಿನೆಡ್ಡ್ ಈ ದೂಷಣಿವುವ ಅಂದ್ ದ್ ನಿಕುಳು ಪಣ್ಣಿರಾ? ಯಾನ್ ಯೆನ
 ೩೮ ಅಮ್ಮ ಕೆಲಸೊಳೆನ್ ಮಳ್ತಜೆಡ ಯೆಂಕ್ ನಂಬಡೆ. ಆಂಡ ಮಳ್ತಂಡ ಯೆನನ್
 ನಂಬಂದೆ ನೋಯರ್ಡಲಾ ಅಮ್ಮೆ ಯೆನಡ್, ಯಾನ್ ಆಯದ್ ಅಂದ್ ದ್
 ನಿಕುಳು ಪಿದುಕೊಣ್ಣು ನಂಬುಲೆಕ್ಕ ಕೆಲಸೊಳೆಗಾದ್ ನಂಬುಲೆ.
 ೩೯ ಆಪಗ ಆಯನ್ ಕುಡ ಪತ್ತಿಯೆರೆ ತೂಯೆರ್, ಆಂಡ ಆಯೆ ಆಕುಳೆ ಕೈಕ್
 ೪೦ ತಪ್ಪಾವೊಣ್ಣು, ಕುಡ ಯೋದಾರ್ನುದ ಆಯೆರೆಗ್, ಯೋಹಾನೆ ದುಂಬು ಸ್ನಾನ
 ೪೧ ಕೊರೊಣ್ಣಿತ್ತಿ ಜಾಗ್ಗ್ ವೋದು ಅವುಳು ತಡೆಯೆ. ದಿಂಜ ಮಂದೆ ಆಯ ಕೆತ್ತ
 ಡೆಗ್ ಬತ್ತದ್ — ಯೋಹಾನೆ ವಾ ಗುರ್ತೊನುಲಾ ಮಳ್ತಜೆ, ಆಂಡ ಯೋ
 ಹಾನೆ ಇಂಬ್ಯ ವಿಷಯೊಡು ಪಂಡಿನವು ಮಾತಲಾ ನಿಜನೇ ಸೈ ಅಂದೆರ್.
 ೪೨ ಬೊಕ್ಕ ಅವುಳು ದಿಂಜ ಮಂದೆ ಆಯನ್ ನಂಬಿಯೆರ್.

೧೧ನೆ ಸಂದಿ

- ೧ ಮುರಿಯಲಾ ಆಳೆ ಸಹೋದರಿ ಮಾರ್ಥಲಾ ಇತ್ತಿ ಬೆಥಾನ್ಯ ಊರುಡು ಲಾಜರೆ
 ೨ ಇನ್ನಿ ಸಂಕಡದಾಯೆ ಇತ್ತೆ. ಮರಿಯ ಕರ್ತವಗ್ ಪರಿಮಳದ ಎಣ್ಣೆ ಪೂಜಿದ್
 ಆಯ. ಕಾರುಳೆನ್ ತನ ಕುಜಲ್ಡ್ ಒಜ್ಜಿನಾಳ್, ವೋಳೆ ಸಹೋದರೆ ಲಾಜರೆ
 ೩ ಸಂಕಡೊಡು ಇತ್ತೆ. ಅಂಚಾಯಿನೆಡ್ಡ್ ಇಂಬ್ಯ ಸಹೋದರಿಯಾಡ್ಕು — ಕರ್ತವಾ,
 ಇಂದಾ ಈ ಪ್ರೀತಿ ಮಳ್ಳುನಾಯೆ ಸಂಕಡೊಡು ಉಳ್ಳೆ ಅಂದ್ ದ್ ಆಯಗ್
 ೪ ಪಂಡ್ ದ್ ಕಡಪುಡಿಯೆರ್. ಯೇಸು ಉಂದೆನ್ ಕೇಂಡ್ ದ್ — ಈ ಸಂಕಡ
 ಮರಣೊಗು ಅತ್ತ, ದೇವೆರೆ ಮಗೆ ಐಡ್ ಮಹಿಮೆ ಹೊಂದುಲೆಕ್ಕ ದೇವೆರೆ
 ೫ ಮಹಿಮೆಗ್ ಬೋಡಾದ್ ಉಂಡು ಅಂದೆ. ಯೇಸು ಮಾರ್ಥನ್‌ಲಾ ಆಳೆ
 ೬ ಸಹೋದರಿನ್‌ಲಾ ಲಾಜರನ್‌ಲಾ ಪ್ರೀತಿ ಮಳ್ತೆ. ಸಂಕಡೊಡು ಉಳ್ಳೆ ಅಂದ್ ದ್
 ಆಯೆ ಕೇಂಡ್ ದ್, ನನಲಾ ರಡ್ಡ್ ದಿನ ತಾನ್ ಇತ್ತಿ ಜಾಗ್ಗ್ ತಡೆಯೆ.
 ೭ ಐಡ್ ಬೊಕ್ಕ ತಿಷ್ಯೆರೆಡ — ಯೆಹೂದಗ್ ಕುಡ ಪೋಯಿ ಅಂದೆ. (ಲ) ತಿಷ್ಯೆರ್
 ಆಯಡ — ರಬ್ಬೀ, ಯೆಹೂದ್ಯೆರ್ ಇಂಚೊಗು ನಿಕ್ಕ ಕಲ್ ದಕ್ಕಿಯೆರೆ ತೂಯೆರ್,
 ೯ ಕುಡ ಅಡೆಗ್ ವೋಪನಾ ಅಂದೆರ್. ಯೇಸು ಉತ್ತರಕೊರಿನಿ — ಪಗೆಲ್‌ಗ್

ಪದಾರಡ್ ತಾಸ್ ಇಜ್ಜಾ? ಒರಿ ಪಗೆಲ್‌ಡ್ ನಡತ್‌ಂಡ ಈ ಲೋಕದ ಬೊಳ್ಳು
 ೧೦ ಆಯಗ್ ತೋಜುನೆಡ್ ದಂಟಯೆ. ಆಂಡ ರಾತ್ರೇಡ್ ಒರಿ ನಡತ್‌ಂಡ ಆಯಡ್
 ೧೧ ಬೊಳ್ಳು ಇಜ್ಜಂದಿನೆಡ್ ದಂಟುವೆ. ಉಂದೆನ್ ಪಂಡಿ ಬೊಕ್ಕ ಆಯೆ ಆಕು
 ಳೆಡ—ನಮ ಸ್ನೇಹಿತೆ ಲಾಜರೆ ನಿದ್ರೆ ಮಳ್ಳುವೆ, ಆಂಡ ಯಾನ್ ಆಯನ್
 ೧೨ ಮೆನಿಸೆರೆ ಪೋಪೆ ಇಂದೆ. ಐಕ್ ಶಿಷ್ಯೆರ್ ಆಯಡ—ಕರ್ತವಾ, ಆಯೆ ನಿದ್ರೆ
 ೧೩ ಮಳ್ಳುವೆಡ ವಾಸಿ ಆವೆ ಇಂದೆರ್. ಯೇಸು ಆಯ ಮರಣದ ವಿಷಯೊಡು
 ಪಂಡೆ. ಆಂಡ ಆಕುಳು—ಆಯೆ ಕಣ್ಣ್‌ಗ್ ಬೂರು ನಿದ್ರೆನ್ ಪಣ್ಣೆ ಅಂದ್‌ದ್
 ೧೪ ಎಣ್ಣೆಯೆರ್. ಆಪಗ ಯೇಸು ಆಕುಳೆಗ್ ಸರ್ತಾದ್ ಪಂಡಿನಿ—ಲಾಜರೆ ಸೈತ್
 ೧೫ ಪೋಯೆ, ನಿಕುಳು ನಂಬುಲೆಕ್ಕ ಯಾನ್ ಅವುಳು ಉಪ್ಪಂದಿನೆಡ್ ನಿಕುಳೆಗಾದ್
 ೧೬ ಸಂತೋಷ ಮಳ್ಳುವೆ; ಆಂಡಲಾ ಆಯ ಕೈತಡೆಗ್ ಪೋಯಿ. ಆಪಗ ದಿದುಮೆ
 ಇನ್ನಿ ತೋಮಸ್ ಪಾಸಾಡಿ ಶಿಷ್ಯೆರೆಡ—ಆಯಡೊಪ್ಪ ಸೈಪಿಲೆಕ್ಕ ನಮಲಾ
 ಪೋಯಿ ಇಂದೆ.

೧೭ ಯೇಸು ಬನ್ನಗ ಆಯನ್ ಗುರಿಟ್ ದೀದ್ ನಾಲ ದಿನ ಆದ್ ಪೋಂಡು
 ೧೮ ಅಂದ್‌ದ್ ತೂಯೆ. ಬೆಥಾನ್ಯ ಯೆರೂಸಲೇಮುಗು ಹೆಚ್ಚಿ ಕಡಮೆ ಆರ್ಧ ಹರ
 ೧೯ ದಾರಿದಾತ್ ದೂರ ಇತ್ತಂಡ್. ಯೆಹೂದ್ಯೆರೆಡ್ ದಿಂಜ ಮಂದೆ ಮಾರ್ಥ
 ಮರಿಯ ಕೈತಡೆಗ್ ಆಕುಳೆ ಸಹೋದರಗಾದ್ ಆಕುಳೆನ್ ಸಮಜಯಿಸಿಯೆರೆ
 ೨೦ ಜೈದೆರ್. ಮಾರ್ಥ ಯೇಸು ಬರ್ಪೆ ಅಂದ್‌ದ್ ಕೇಂಡ್‌ದ್ ಆಯಗ್ ಎದರ್
 ೨೧ ಪೋಯಳ್, ಮರಿಯ ಇಲ್ಲಡ್ ಕುಳ್ಳಿಯಳ್. ಆಪಗ ಮಾರ್ಥ ಯೇಸುಡ—
 ೨೨ ಕರ್ತವಾ ಈ ಮೂಳು ಇತ್ತದ್ವಡ ಯೆನ ಸಹೋದರೆ ಸೈತ್ ಪೋತ್ತಯೆ; ಆಂಡ
 ಇತ್ತೆಲಾ ಈ ದೇವೆರೆಡ ದಾನೆ ದಾನೆ ನಟ್ಟೊಣುವನಾ ಅವೆನ್ ದೇವೆರ್ ನಿಕ್ಕ
 ೨೩ ಕೊರುವೆ ಅಂದ್‌ದ್ ಯಾನ್ ಪಿಂಬೆ ಇಂದಳ್. ಯೇಸು ಆಳೆಡ—ನಿನ ಸಹೋ
 ೨೪ ದರೆ ಲಕ್ಕೆ ಅಂದ್‌ದ್ ಪಂಡೆ. ಮಾರ್ಥ ಆಯಡ—ಕಡೇ ದಿನೊಳು ಪುನರುತ್ಥಾ
 ೨೫ ನೊಡು ಲಕ್ಕೆ ಅಂದ್‌ದ್ ಯಾನ್ ಪಿಂಬೆ ಅಂದಳ್. ಯೇಸು ಆಳೆಡ—ಯಾನೆ
 ಪುನರುತ್ಥಾನಲಾ ಜೀವಲಾ ಆದುಳ್ಳೆ, ಯೆನನ್ ನಂಬುನಾಯೆ ಸೈತ್ ಪೋಂಡಲಾ
 ೨೬ ಬದಕೆ. ಬದಕ್‌ದ್ ಯೆನನ್ ನಂಬುನಾಯೆ ಏರ್ಲಾ ಸದಾಕಾಲೊಗು ಸೈತ್
 ೨೭ ಪೋವಯೆ, ಉಂದೆನ್ ನಂಬುವನಾ ಅಂದೆ. ಆಳ್ ಆಯಡ—ಅಂದ್ ಕರ್ತವಾ
 ಈಯೇ ಲೋಕೊಗು ಬರೊಡಿತ್ತಿ ದೇವೆರೆ ಮಗೆ ಆದುಪ್ಪು ಕ್ರಿಸ್ತೆ ಅಂದ್‌ದ್
 ೨೮ ಯಾನ್ ನಂಬೊಣ್ಣು ಉಳ್ಳೆ ಅಂದಳ್. ಉಂದೆನ್ ಪಂಡ್‌ದ್ ಆಳ್ ಪೋಡು
 ತನ ಸಹೋದರಿ ಮರಿಯನ್ ಗುಟ್ಟುಡು ಲೆತ್ತದ್—ಬೋಧಕೆ ಬತ್ತೆ, ನಿನನ್
 ೨೯ ಲೆಪ್ಪುವೆ ಅಂದಳ್. ಆಳ್ ಕೇಣ್‌ನಗನೇ ಬೇಗ ಲಕ್ಕದ್ ಆಯ ಕೈತಡೆಗ್

- ೩೦ ಬತ್ತಳೆ. ಯೇಸು ತೆಂಬುಡ ಊರುಗು ಬರಂದೆ ಮಾರ್ಥ ತನ್‌ಕ್ ಎದರ್ ಬತ್ತಿ
 ೩೧ ಜಾಗ್‌ಡೇ ಇತ್ತೆ. ಆಳೆಡೊಪ್ಪ ಇಲ್ಲಡ್ ಇತ್ತಾದ್ ಆಳೆನ್ ಸಮಜಯಿಸಿ ಯೆಹೂ
 ದೈರ್ ಮರಿಯ ಫಕ್ಕನೆ ಲಕ್ಕಾದ್ ಪಿದಾಡುನೆನ್ ತೂದು ಸಮಾಧಿದಡೆಗ್ ಆರಿ
 ೩೨ ಯೆರೆ ವೋಪಳ್ ಅಂದ್‌ದ್ ಆಳೆ ಬಿರಿಯೆ ಬತ್ತೆರ್. ಮರಿಯ ಯೇಸು ಇತ್ತಿ
 ನಡೆಗ್ ಬತ್ತಾದ್ ಆಯನ್ ತೂದು ಆಯ ಕಾರ್‌ದಲ್ಪ ಅಡ್ಡಬೂರುದು—ಕರ್ತವಾ
 ೩೩ ಈ ಮೂಳು ಇತ್ತಾದ್ಡೆ ಯೆನ ಸಹೋದರೆ ಸೈತ್‌ಪೋತ್ತಯೆ ಅಂದಳ್. ಆಪಗ
 ಯೇಸು ಆಳ್ ಅರ್ಪಿನೆನ್‌ಲಾ ಆಳೆಡೊಪ್ಪ ಬತ್ತಿ ಯೆಹೂದೈರ್ ಅರ್ಪಿನೆನ್‌ಲಾ
 ೩೪ ತೂನಗ, ಆತ್ಮೊಡು ಕರಕರಿ ಪಡೆವೊಣ್ಣು ತಳಬಳ ಆದ್—ಆಯನ್ ಓಳು
 ದೀತರ್ ಅಂದ್‌ದ್ ಕೇಂಡೆ. ಆಕುಳು ಆಯಡ—ಕರ್ತವಾ ಬತ್ತಾದ್ ತೂಲ
 ೩೫ ಅಂದೆರ್. ಯೇಸು ಕಣನೀರ್ ದೆತ್ತೆ. (೩೬) ಆಪಗ ಯೆಹೂದೈರ್—ತೂಲೆ
 ೩೭ ಆಯನ್ ಏತ್ ಪ್ರೀತಿ ಮಳ್ತೆ ಅಂದೆರ್. ಆಕುಳೆಡ್ ಪಾಕ ಮಂದೆ—ಕುರುಡ
 ಕಣ್ಣುಳೆನ್ ಜತ್ತಿ ಇಂಬ್ಯಗ್ ಆಯೆ ಸೈಯಂದಿಲೆಕ್ಕ ಮಳ್ಳೆರೆ ತೀರ್‌ಜಾ ಅಂದೆರ್.
 ೩೮ ಆಪಗ ಯೇಸು ಕುಡ ತನಡ್ ಕರಕರಿ ಪಡೆವೊಣ್ಣು ಗುರಿತಡೆಗ್ ಪೋಯೆ.
 ೩೯ ಅವು ಒಂಜಿ ಗವಿ, ಕಲ್ಲ್ ಐತ ಮಿತ್ತ್ ದೀತ್‌ಂಡ್. ಯೇಸು—ಕಲ್ಲನ್ ಪೋರೆ
 ಪುಲೆ ಅಂದ್‌ದ್ ಪಂಡೆ. ತೀರ್‌ಪೋತಿನಾಯ ಸಹೋದರಿ ಮಾರ್ಥ ಆಯಡ—
 ೪೦ ಕರ್ತವಾ ನಾಲ ದಿನ ಆಯನೆಡ್ ನಾದುಂಡು ಅಂದಳ್. ಯೇಸು ಆಳೆಡ—
 ಈ ನಂಬುವಡ ದೇವೆರೆ ಮಹಿಮೆನ್ ತೂವ ಅಂದ್‌ದ್ ಯಾನ್ ನಿಕ್ಕ ಪಂಡ್
 ೪೧ ಜಿನಾ ಇಂದೆ. ಆಪಗ ಸೈತಿನಾಯೆ ಜೆತ್ತಿನಳ್ತ್ ಕಲ್ಲನ್ ಪೋರೆತೆರ್. ಬೊಕ್ಕ
 ಯೇಸು ಕಣ್ಣುಳೆನ್ ಮಿತ್ತ್ ಲಕ್ಕಾದ್ ಪಂಡಿನಿ—ಅಮ್ಮಾ ಈ ಯೆನನ್ ಕೇಂಡೆ
 ೪೨ ನೆಡ್ ನಿನನ್ ಕೊಂಡಾಡುವೆ. ಏಪಲಾ ಯೆನನ್ ಕೇಣುವ ಅಂದ್‌ದ್ ಯಾನ್
 ಪಿಂಬೆ, ಆಂಡಲಾ ಸುತ್ತ ಉಂತು ಜನೊಕಾದ್—ಈ ಯೆನನ್ ಕಡವುಡಿಯ
 ೪೩ ಅಂದ್‌ದ್ ಆಕುಳು ನಂಬುಲೆಕ್ಕ ಯಾನ್ ಪಂಡೆ. ಉಂದೆನ್ ಪಂಡ್‌ದ್ ಮಲ್ಲ
 ೪೪ ಶಬ್ದೊಡ್ಡು—ಲಾಜರಾ ಇಂಜಿ ಪಿದಯಿ ಬಲ್ಲಾ ಅಂದ್‌ದ್ ಲೆತ್ತೆ. ಆಪಗ ಸೈತಿನಾ
 ಯೆ ಪಿದಯಿ ಬತ್ತೆ, ಆಯ ಕೈಕಾರ್ ಕುಂಟುಡು ಕಟ್ಟದ್‌ಂಡ್, ಮೋಣೆ ಒಂಜಿ
 ಎಲತ್ತೊಡು ಪೊದ್ದಿದ್‌ಂಡ್. ಯೇಸು ಆಕುಳೆಡ—ಗಿರ್ತದ್ ಆಯನ್ ಪೋವೆರೆ
 ಬುಡುಲೆ ಇಂದೆ.
- ೪೫ ಆಪಗ ಮರಿಯ ಕೈತಡೆಗ್ ಬತ್ತಿ ಯೆಹೂದೈರೆಡ್ ದಿಂಜ ಮಂದೆ ಯೇಸು
 ೪೬ ಮಳ್ತಿನೆನ್ ತೂದು ಆಯನ್ ನಂಬಿಯೆರ್. ಆಂಡ ಆಕುಳೆಡ್ ಪಾಕ ಮಂದೆ
 ಫರಿಸಾಯೆರೆ ಕೈತಡೆಗ್ ಪೋದು ಯೇಸು ಮಳ್ತಿನೆನ್ ಆಕುಳೆಗ್ ತೆರಿಪಾಯೆರ್.
 ೪೭ ಆಪಗ ಪ್ರಧಾನಯಾಜಕೆರ್‌ಲಾ ಫರಿಸಾಯೆರ್‌ಲಾ ಮದಿವುಕೊಟೊನು ಕೂ

ಡಾದ್—ದಾನೆ ಮಳ್ಳುಗ? ಈ ನರಮಾನಿ ದಿಂಜ ಗುರ್ತೊಳೆನ್ ಮಳ್ಳುವೆ.
 ೪೮ ನಮ ಆಯನ್ ಇಂಜೆನೆ ಬುಡ್ಂಡ ಮಾತೆಲರ್ ಆಯನ್ ನಂಬೆರ್, ಬೊಕ್ಕ
 ರೋಮಾಯೆರ್ ಬತ್ತದ್ ನಮದ್ ಜಾಗ್ನ್ಲಾ ಜನಾಂಗೊನುಲಾ ದೆತ್ತೊ
 ೪೯ ಣ್ಂಬೆರ್ ಅಂದದ್ ಪಂಡೆರ್. ಆಕುಳೆಡ್ ಒರಿ ಕಾಯಪೆ ಇನ್ನಿನಾಯೆ, ಆ
 ೫೦ ವರ್ಸದ ಪ್ರಧಾನಯಾಜಕೆ ಆಕುಳೆಡ—ನಿಕುಳೆಗ್ ದಾಲಾ ತೆರಿಯುಜಿ, ಇಡೀ
 ಜನಾಂಗ ಅಳಿದ್ವೋವಂದೆ, ಒರಿ ನರಮಾನಿ ಪ್ರಜೆಗ್ ಬೋಡಾದ್ ಸೈಸಿನವು
 ೫೧ ನಂಕ್ ಎಡ್ಡೆ ಅಂದದ್ ದಾಲಾ ಎಣ್ಣೊಣುಜರ್ ಅಂದೆ. ಆಂಡ ಉಂದೆನ್ ತನ
 ಬುದ್ಧಿಡ್ ಪಂಡಜೆ; ಆ ವರ್ಸದ ಪ್ರಧಾನಯಾಜಕೆ ಆದಿತ್ತದ್ ಯೇಸು ಜನಾಂ
 ೫೨ ಗೊಗು ಬೋಡಾದ್, ಬೊಕ್ಕ ಜನಾಂಗೊಗು ಬೋಡಾದ್ ಮಾತ್ರ ಅತ್ತಾ,
 ದಿಕ್ಕಾಪಾಲಾಯಿ ದೇವೆರೆ ಬಾಲೆಳೆನ್ ಒಂಜೆಕ್ ಕೂಡಾವುನೆಕಾದ್ಲಾ ಸೈತ್
 ೫೩ ಪೋವೊಡು ಅಂದದ್ ಪ್ರವಾದನೆ ಪಂಡೆ. ಆನಿಡ್ ಆಯನ್ ಕೆರಿಯೆರೆ ಮದಿವು
 ಮಳ್ಳೆರ್.

೫೪ ಐಕಾದ್ ಯೇಸು ಯೆಹೂದ್ಯೆರೆಡ್ ನನ ಸದರ್ಡ್ ತಿಂಗೊಣಂದೆ ಅಳ್ತದ್
 ಕಾಡ್ಗ್ ಮುಟ್ಟು ಇತ್ತಿ ಸೀಮೆಗ್ ಎಪ್ರಯಾಮು ಇನ್ನಿ ಊರುಗು ಪೋದು
 ೫೫ ಅವುಳು ಶಿಷ್ಯೆರೆಡೊಪ್ಪ ತಡೆಯೆ. ಯೆಹೂದ್ಯೆರೆ ಪಸ್ಕು ಮುಟ್ಟು ಇತ್ತಂಡ್, ದಿಂಜ
 ಮಂದೆ ತನುಕುಳೆನ್ ಶುದ್ಧ ಮಳ್ಳೊಣಿಯೆರೆ ಪಸ್ಕುಗ್ ದುಂಬು ಸೀಮೆಡ್
 ೫೬ ಯೆರೂಸಲೇಮುಗು ಮಿತ್ತಾಯೆರ್. ಆಕುಳು ಯೇಸುನು ನಾಡದ್ ದೇವಾ
 ಲಯೊಡು ಉಂತುದು ನಿಕುಳೆಗ್ ದಾನೆ ತೋಜುಂಡು? ಪಬೊಗು ಬರಯೆನಾ
 ೫೭ ಅಂದದ್ ತನುಕುಳೆ ಉಳಯಿ ಪಾತೆರೊಂಡೆರ್. ಆಂಡ ಪ್ರಧಾನಯಾಜಕೆರ್ಲಾ
 ಫರಿಸಾಯೆರ್ಲಾ ಆಯೆ ಓಳು ಉಳ್ಳೆ ಅಂದದ್ ಏರೆಗ್ಲಾ ಗೊಂತಾಂಡ
 ಆಯನ್ ಪತ್ತುಲೆಕ್ಕ ಪಿನ್ಪಾವೊಡು ಅಂದದ್ ಅಪ್ಪಣೆ ಕೊರ್ತೆರ್.

೧೨ನೆ ಸಂಧಿ

೧ ಪುಸ್ಕುಗ್ ಆಜಿ ದಿನ ದುಂಬು ಯೇಸು ಬೆಥಾನ್ಯಗ್ ಬತ್ತೆ. ಅವುಳು ಆಯೆ ಸೈತಿ
 ೨ ನಾಕುಳೆಡ್ ಲಕ್ಕಾಯಿ ಲಾಜರೆ ಇತ್ತೆ. ಆಯಗ್ ಅವುಳು ಒಂಜಿ ವಣಸ್
 ಮಳ್ಳೆರ್, ಮಾರ್ಥ ಬೇಲೆ ಮಳ್ಳಳ್. ಆಯ ಒಟ್ಟುಗು ಪಂತೆಡ್ ಕುಳ್ಳಿನಾಕು
 ೩ ಳೆಡ್ ಲಾಜರೆಲಾ ಇತ್ತೆ. ಆಪಗ ಮರಿಯ ದಿಂಜ ಬಿಲೆತವು ಒಂಜಿ ಸೇರ್ ಜಾತಿ
 ಜಟಮಾಂಸಿದ ಎಣ್ಣೆ ದೆತ್ತೊಣ್ಣು ಯೇಸು ಕಾರುಳೆಗ್ ವೂಜಿದ್ ತನ ಕುಜಲ್ಡ್
 ಆಯ ಕಾರುಳೆನ್ ಒರೆಸಿಯಳ್. ಇಲ್ಲ ಎಣ್ಣೆದ ಕಮ್ಯನೊಡು ದಿಂಜ್ಂಡ್.
 ೪ ಆಪಗ ಆಯ ಶಿಷ್ಯೆರೆಡ್ ಒರೆ ಆಯನ್ ಒಚ್ಚಿದ್ ಕೊರಿಯೆರೆ ಇತ್ತಿ ಸೀಮೋನು

೫ ಮಗೆ ಯೂದೇ ಇಸ್ರಾಝಿಯೋತು ಇನ್ನಿನಾಯೆ—ಈ ಎಣ್ಣೆನ್ ಮುನ್ನೂದು ಪಣ
 ೬ ವಗು ಮಾರ್‌ದ್ ಬಡವೆರೆಗ್ ಕೊರಂದಿನವ್ ದಾಯೆಗ್ ಆಂದೆ. ಆಂಡಲಾ
 ಆಯೆ ಬಡವೆರೆ ಚಿಂತೆಡ್ ಅತ್ತ, ತಾನ್ ಕಳುವೆ ಆದಿತ್ತದ್ ಪಣವುದ ಚೀರವು
 ೭ ಇತ್ತಿನಾಯೆ ಆವ್ ಐಟ್ ಪಾಡ್ಡಿನೆನ್ ಪತ್ತೊಣ್ಣೆನೆಡ್ ಉಂದೆನ್ ಪಂಡೆ. ಆಪಗ
 ಯೇಸು—ಆಳೆನ್ ಬುಡು, ಯೆಸನ್ ಕೌಂಪು ದಿನೊಕು ಉಂದೆನ್ ದೀವೊಂಡಳ್.
 ೮ ದಾಯೆಗಂದ್‌ಂಡ ಬಡವೆರ್ ಎಸಲಾ ನಿಕುಳೆ ಒಟ್ಟುಗು ಉಳ್ಳೆರ್, ಯಾನಾಂಡ
 ಎಸಲಾ ಉಪ್ಪುಜಿ ಅಂದ್‌ದ್ ಪಂಡೆ.

೯ ಆಪಗ ಯೆಹೂದ್ಯೆರೆಡ್ ದಿಂಜ ಜನ ಯೇಸು ಅವುಳು ಉಳ್ಳೆ ಅಂದ್‌ದ್ ಪಿದು
 ಕೊಣ್ಣು, ಆಯಗಾದ್ ಮಾತ್ರ ಅತ್ತ, ಆಯೆ ಸೈತಿನಾಕುಳೆಡ್ ಲಕ್ಕಾಯಿ ಲಾಜ
 ೧೦-೧೧ ರನ್ ತೂಪಿನೆಕಾದ್‌ಲಾ ಬತ್ತೆರ್. ಇಂಬ್ಯಗಾದ್ ಯೆಹೂದ್ಯೆರೆಡ್ ದಿಂಜ
 ಮಂದೆ ಪೋದು ಯೇಸುನು ನಂಬಿನೆಕಾದ್ ಪ್ರಧಾನಯಾಜಕೆರ್ ಲಾಜರನ್‌ಲಾ
 ಕೆರಿಯೆರೆ ಮದಿಪು ಮುಕ್ತಿರ್.

೧೨ ಮನದಾನಿ ಯೇಸು ಯೆರೂಸಲೇಮುಗು ಬರ್ಪೆ ಅಂದ್‌ದ್ ಪರ್ಜೊಗು
 ೧೩ ಬತ್ತಿ ದಿಂಜ ಜನ ಕೇಂಡ್‌ದ್, ಈಚಿಲ್‌ದ ಗೆಲ್ಲುಳೆನ್ ಪತ್ತೊಣ್ಣು ಆಯನ್ ಎದು
 ಕೊಣಿಯೆರೆ ಪಿದಾಡ್ — ಹೊಸನ್ನಾ ಕರ್ತವ್ ಪುದರ್‌ಡ್ ಬರ್ಪಿನಾಯೆ ಇಸ್ತ
 ೧೪ ಯೇಲ್ ಅರಸು ಬಾಳಡ್ ಅಂದ್‌ದ್ ಬುಕ್ತಿರ್. ಯೇಸು ಕತ್ತೆದ ಕಿನ್ನಿನ್
 ೧೫ ತೂದು—ಚಿಯೋನು ಮಗಳೇ ವೋಡಿಯಡ, ಇಂದಾ ನಿನ ಅರಸು ಕತ್ತೆದ
 ಕಿನ್ನಿದ ಮಿತ್ತ್ ಕುಳ್ಳೊಣ್ಣು ಬರ್ಪೆ ಅಂದ್‌ದ್ ಬರೆತಿಲೆಕ್ಕನೆ ಐಟ್ ಕುಳ್ಳಿಯೆ.
 ೧೬ ಉಂದೆನ್ ಆಯ ಶಿಷ್ಯೆರ್ ದುಂಬು ಪಿದುಕೊಂಡ್‌ಜೆರ್. ಯೇಸು ಮಹಿಮೆ
 ಹೊಂದಿ ಬೊಕ್ಕ ಉಂದು ಆಯ ಪಂಡ್‌ದ್ ಬರೆತ್‌ಂಡ್ ಅಂದ್‌ದ್‌ಲಾ ಉಂದೆನ್
 ೧೭ ಆಯಗ್ ಮುಕ್ತಿರ್ ಅಂದ್‌ದ್‌ಲಾ ನೆನೆಪು ಮುಕ್ತಿರ್. ಆಯೆ ಲಾಜರನ್ ಸಮಾ
 ಧಿಡ್ ಲೆತ್ತದ್ ಸೈತಿನಾಕುಳೆಡ್ ಲಕ್ಕಾವುನಗ ಆಯಡೊಪ್ಪ ಇತ್ತಿ ಜನ ಸಾಕ್ತಿ
 ೧೮ ಪಂಡೆರ್ ಆಯೆ ಈ ಗುರ್ತೊನು ಮುಕ್ತಿ ಅಂದ್‌ದ್ ಜನ ಕೇಂಡಿನೆಡ್‌ವರ
 ೧೯ ಆಯನ್ ಎದ್‌ಕೊಂಡೆರ್. ಆಪಗ ಫರಿಸಾಯೆರ್ ತನುಕುಳೆ ಉಳಯಿ—ನಿಕು
 ಳೆಡ್ ದಾಲಾ ಆಪುಜಿ ಅಂದ್‌ದ್ ತೂಪರಾ? ಇಂದಾ ಲೋಕ ಆಯ ಪಿರವು
 ಪೋಂಡು ಅಂದ್‌ದ್ ಪಾತೆರೊಂಡೆರ್.

೨೦ ಪರ್ಜೊಡು ಆರಾಧನೆ ಮುಕ್ತಿರೆ ಮಿತ್ತಾಯಿನಾಕುಳೆಡ್ ಪಾಕ ಮಂದೆ
 ೨೧ ಗ್ರೇಕೆರ್ ಇತ್ತೆರ್. ಮೋಕುಳು ಗಲಿಲಾಯದ ಬೆಥ್‌ಸಾಯಿದದ ಫಿಲಿಪ್ಪು ಕೈತ
 ಡೆಗ್ ಬತ್ತದ್ ಆಯಡ—ಅಯ್ಯಾ, ಯೆಂಕುಳೆಗ್ ಯೇಸುನು ತೂವೆರೆ ಮನಸ್
 ೨೨ ಉಂಡು ಅಂದ್‌ದ್ ಪಂಡೆರ್. ಫಿಲಿಪ್ಪು ಬತ್ತದ್ ಅಂದ್ರೇಯಗ್ ಪಣ್ಣೆ, ಅಂದ್ರೇ

- ೨೩ ಯೆಲಾ ಫಿಲಿಪ್ಪಲಾ ಯೇಸುಗು ಪಣ್ಣೆರ್. ಯೇಸು ಆಕುಳೆಗ್ ಉತ್ತರಕೊರ್ದು
- ೨೪ ಪಂಡಿನಿ — ನರಮಾನ್ಯ ಮಗಕ್ ಮಹಿಮೆ ಆಪಿ ಘಳಿಗೆ ಬತ್ತಂಡ್. ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ಗೋಧಿದ ಪರೆಳ್ ಮಣ್ಣಾಡ್ ಬೂರುದು ಸೈತ್
- ೨೫ ಜೆಡ ಆಡಿಗೇನೇ ಬರಿಯುಂಡು, ಸೈತ್‌ಂಡ ದಿಂಜ ಫಲ ಕೊರ್ಪುಂಡು. ತನ ಜೀವೊನು ಪ್ರೀತಿ ಮಳ್ಪುನಾಯೆ ಅವೆನ್ ಕಳೆವೊಣ್‌ಂಬೆ, ತನ ಜೀವೊನು ಈ
- ೨೬ ಲೋಕೊಡು ಪಗೆ ಮಳ್ಪುನಾಯೆ ಅವೆನ್ ನಿತ್ಯಜೀವೊಗು ಕಾತೊಣ್‌ಂಬೆ. ಬರಿಯೆಂಕ್ ಸೇವೆ ಮಳ್ಪುವೆಡ ಯೆನ ಬೆರಿಯೆ ಬರಡ್, ಬೊಕ್ಕ ಯಾನ್ ಉಪ್ಪು ನವುಳು ಯೆನ ಸೇವಕೆಲಾ ಉಪ್ಪೆ. ಬರಿಯೆಂಕ್ ಸೇವೆ ಮಳ್ಪುವೆಡ ಆಯಗ್
- ೨೭ ಅಮ್ಮಡ್ ಮಾನ ತಿಕ್ಕು. ಇತ್ತೆ ಯೆನ ಪ್ರಾಣೊಗು ತಳಬಳ ಆಂಡ್, ಬೊಕ್ಕ ದಾಸೆ ಪಣ್ಣೆ? ಅಮ್ಮಾ ಈ ಘಳಿಗೆಡ್ ಯೆನನ್ ಬುಡುಪಾಲ, ಆಂಡ ಯಾನ್
- ೨೮ ಉಂದೆಕಾದ್ ಈ ಘಳಿಗೆಗ್ ಬತ್ತೆ. ಅಮ್ಮಾ ನಿನ ವುದರ್‌ನ್ ಮಹಿಮೆ ಪಡೆಪಾಲ. ಆಪಗ — ಯಾನ್ ಮಹಿಮೆ ಪಡೆಪಾಯೆ, ಕುಡ ಮಹಿಮೆ ಪಡೆಪಾವೆ
- ೨೯ ಇನ್ನಿ ಪಾತೆರ ಆಕಾಶೊಡ್ ಆಂಡ್. ಉಂತುದು ಕೇಂಡಿ ಜನ — ತೆಡಿಲ್ ಆಂಡ್
- ೩೦ ಅಂದೆರ್, ಬೇತೆ ಜನ — ದೂತೆ ಆಯಡ ಪಾತೆರಿಯೆ ಅಂದೆರ್. ಯೇಸು ಉತ್ತರ ಕೊರ್ದು ಪಂಡಿನಿ — ಈ ಪಾತೆರ ಯೆಂಕಾದ್ ಅತ್ತ, ನಿಕುಳೆಗಾದೇ ಆಂಡ್.
- ೩೧ ಇತ್ತೆ ಈ ಲೋಕದ ನ್ಯಾಯತೀರ್ಪು ಉಂಡು, ಇತ್ತೆ ಈ ಲೋಕದ ಅಧಿಪತಿನ್
- ೩೨ ಪಿದಯಿ ಪಾಡುಂಡು. ಬೊಕ್ಕ ಯಾನ್ ಭೂಮಿಡ್ ಎರಾದಿನಾಯೆ ಆನಗ
- ೩೩ ಮಾತೆನ್‌ಲಾ ಯೆನ ಕೈತಡೆಗ್ ಒಯಿತೊಣ್‌ಂಬೆ. ಉಂದೆನ್ ತಾನ್ ಎಂಚಿತ್ತಿ
- ೩೪ ಮರಣೊಡ್ ಸೈಯೆರೆ ಉಳ್ಳೆ ಅಂದ್‌ದ್ ತೂಪಾವೆರೆ ಪಂಡೆ. ಜನ ಆಯಗ್ ಉತ್ತರಕೊರ್ದು — ಕ್ರಿಸ್ತೆ ಪನಿತ್ಯೇನಿಗ್‌ಲಾ ಉಪ್ಪುವೆ ಅಂದ್‌ದ್ ಯೆಂಕುಳು ನ್ಯಾಯಕಟ್ಟುಡ್ ಕೇಂಡ, ಬೊಕ್ಕ ನರಮಾನ್ಯ ಮಗೆ ಎರಾದಿನಾಯೆ ಆವೊಡು
- ೩೫ ಅಂದ್‌ದ್ ಈ ಪಣ್ಣಿನಿ ಎಂಚೆ? ಈ ನರಮಾನ್ಯ ಮಗೆ ಎರ್ ಅಂದೆರ್. ಆಪಗ ಯೇಸು ಆಕುಳೆಡ — ನನ ಒಂತೆ ವೇಳ್ಕೆ ಬೊಳ್ಪು ನಿಕುಳೆಡ್ ಉಂಡು, ಕತ್ತಲೆಡ್ ನಿಕುಳು ತಿಕ್ಕೊಣಂದಿಲೆಕ್ಕ ಬೊಳ್ಪು ನಿಕುಳೆಗ್ ಉಪ್ಪುನೆಂಗೆ ನಡಪುಲೆ.
- ೩೬ ಕತ್ತಲೆಡ್ ನಡಪುನಾಯೆ ತಾನ್ ಒಡೆಗ್ ಪೋಪೆ ಅಂದ್‌ದ್ ಪಿನಯೆ. ನಿಕುಳು ಬೊಳ್ಪುದ ಬಾಲೆಳು ಆಪಿಲೆಕ್ಕ ಬೊಳ್ಪು ನಿಕುಳೆಗ್ ಉಪ್ಪುನೆಂಗೆ ಬೊಳ್ಪುನು ನಂಬುಲೆ ಅಂದ್‌ದ್ ಪಂಡೆ. ಯೇಸು ಉಂದೆನ್ ಪಾತೆರ್‌ದ್ ಆಕುಳೆನ್ ಬುಡುದು ಪೋದು ದೆಂಗೊಂಡೆ.
- ೩೭ ಆಯೆ ಈತ್ ಗುರ್ತೊಳೆನ್ ಆಕುಳೆ ದುಂಬು ಮಳ್ತಂಡಲಾ ಆಯನ್ ನಂಬ್
- ೩೮ ಜೆರ್. ಇಂಚೆನೆ — ಕರ್ತವಾ ಯೆಂಕುಳೆ ಸುದ್ದಿನ್ ಎರ್ ನಂಬಿಯೆ? ಕರ್ತವ

ದಂಗೆ ಎರೆಗೆ ತೋಜಿದ ಬತ್ತಂಡ ಅಂದದ ಪಂಡಿ ಪ್ರವಾದಿ ಯೆಶಾಯ
 ೩೯-೪೦ ಪಾತೆರ ವೂರ್ತಿ ಆಂಡ. ಉಂದೆಕಾದ್—ಕಣ್ಣುಳೆಗ್ ತೋಜಂದೆ ಹೃದ
 ಯೊಡು ಗ್ರಹಿಪಂದೆ ಆಕುಳು ತಿಂಗಂದೆ ಯಾನ್ ಆಕುಳೆನ್ ವಾಸಿ ಮಳ್ಳಂದೆ
 ಉಪ್ಪಲೆಕ್ಕ, ಆಯೆ ಆಕುಳೆ ಕಣ್ಣುಳೆನ್ ಕುರುಡು ಮಳ್ತದ್ ಆಕುಳೆ ಹೃದಯೊನು
 ಕಠಿಣ ಮಳ್ತೆ ಅಂದದ ಯೆಶಾಯೆ ಬೊಕ್ಕಲಾ ಪಂಡನೆಡ್ ಆಕುಳು ನಂಬೆರೆ
 ೪೧ ತೀರಂದೆ ವೋಯೆರ್. ಉಂದೆನ್ ಯೆಶಾಯೆ ಆಯ ಮಹಿಮೆನ್ ತೂದು ಆಯ
 ೪೨ ಸುದ್ದಿ ಪಾತೆರನಗ ಪಂಡೆ. ಅಂಚಾಂಡಲಾ ಮುಖ್ಯಸ್ಥರೆಡ್ ದಿಂಬ ಮಂದೆ
 ಆಯನ್ ನಂಬಿಯೆರ್. ಆಂಡ ತನುಕುಳೆನ್ ಸಭೆಡ್ ತೆರ್ತಾದ್ ದೀವಂದಿಲೆಕ್ಕ
 ೪೩ ಫರಿಸಾಯೆರೆಗಾದ್ ಅರಿಕೆ ಮಳ್ತಜೆರ್. ದಾಯೆಗಂದಂಡ ಆಕುಳು ದೇವೆರೆ
 ಮಾನೊಡ್ಡು ನರಮಾನ್ಯೆರೆ ಮಾನೊನು ಹೆಚ್ಚ ಪೀತಿ ಮಳ್ತೆರ್.
 ೪೪ ಆಂಡ ಯೇಸು ಘಟ್ಟಾದ್ ಪಂಡಿನಿ—ಯೆನನ್ ನಂಬುನಾಯೆ ಯೆನನ್
 ೪೫ ಅತ್ತ, ಯೆನನ್ ಕಡವುಡಿನಾಯನ್ ನಂಬುವೆ. ಯೆನನ್ ತೂಪಿನಾಯೆ ಯೆನನ್
 ೪೬ ಕಡವುಡಿನಾಯನ್ ತೂಪೆ. ಯೆನನ್ ನಂಬುನಾಯೆ ಎರ್ಲಾ ಕತ್ತಲೆಡ್
 ೪೭ ಉಪ್ಪಂದಿಲೆಕ್ಕ ಯಾನ್ ಬೊಳ್ಳು ಆದ್ ಲೋಕೊಗು ಬತ್ತೆ. ಎರಾಂಡಲಾ ಯೆನ
 ಪಾತೆರೊಳೆನ್ ಕೇಂಡದ್ ನಂಬಜೆಡ ಯಾನ್ ಆಯನ್ ನ್ಯಾಯತೀರ್ಪುಜೆ;
 ದಾಯೆಗಂದಂಡ ಲೋಕೊನು ನ್ಯಾಯತೀರ್ಪೆರೆ ಅತ್ತ, ಲೋಕೊನು ರಕ್ಷಣೆ
 ೪೮ ಮಳ್ಳೆರೆ ಬತ್ತೆ. ಯೆನನ್ ಪಿಲ್ಲಾದ್ ಯೆನ ಪಾತೆರೊಳೆನ್ ದೆತ್ತೊಣಂದಿನಾಯಗ್
 ನ್ಯಾಯತೀರ್ಪುನಾಯೆ ಉಳ್ಳೆ, ಯಾನ್ ಪಾತೆರಿ ಪಾತೆರನೇ ಕಡೇ ದಿನೊಟು
 ೪೯ ಆಯನ್ ನ್ಯಾಯತೀರ್ಪು. ಯಾನ್ ಯೆನ್ನಾತಿಗ್ ಪಾತೆರ್ಜೆ, ಯೆನನ್ ಕಡ
 ವುಡಿ ಅಮ್ಮೆ ಯಾನ್ ದಾನೆ ಪಣೊಡು, ದಾನೆ ಪಾತೆರೊಡು ಅಂದದ ಯೆಂಕ್
 ೫೦ ಅಪ್ಪಣೆ ಕೊರಿಯೆ. ಆಯ ಅಪ್ಪಣೆ ನಿತ್ಯಜೀವ ಆದುಂಡು ಅಂದದ ಯಾನ್
 ಪಿಂಬೆ. ಅಂಚಾಂಡ ಯಾನ್ ದಾನೆ ಪಾತೆರುವೆನಾ ಅವೆನ್ ಅಮ್ಮೆ ಯೆಂಕ್ ಪಂಡಿ
 ಲೆಕ್ಕನೆ ಪಾತೆರುವೆ.

೧೩ನೆ ಸಂಧಿ

೧ ಯೆಸ್ಕು ವರ್ಜೊಗು ದುಂಬು ಯೇಸು ತಾನ್ ಈ ಲೋಕೊನು ಬುಡುದು ಅಮ್ಮ
 ಕೈತಡೆಗ್ ವೋಪಿಲೆಕ್ಕ ತನ ಘಳಿಗೆ ಬತ್ತಂಡ ಅಂದದ ಪಿದುಕೊಣ್ಣು ಲೋ
 ಕೊಡು ಇತ್ತಿ ತನ್ನಾಕುಳೆನ್ ಪ್ರೀತಿಮಳ್ತದ್ ಕಡೆ ಮುಟ್ಟಲಾ ಆಕುಳೆನ್ ಪ್ರೀತಿ
 ೨ ಮಳ್ತೆ. ವಣಸ್ ಆನಗ ಆಯನ್ ಒಚ್ಚಿದ್ ಕೊರೊಡು ಅಂದದ ಸೈತಾನೆ
 ಸೀವೊನು ಮಗೆ ಯೂದೆ ಇಸ್ಕಾರಿಯೋತು ಹೃದಯೊಡು ಪಾಡಿನಳ್ತ ಮಿತ್ತ,

- ೩ ಅಮ್ಮೆ ತನ್ ಕಾ ಮಾತೆನ್ ಲಾ ಕೈಟ್ ಕೊರಿಯ ಅಂದ್ ದಾಲಾ ತಾನ್ ದೇವೆರೆಡ್ ಪಿದಾಡ್ ಬತ್ತದ್ ದೇವೆರೆ ಕೈತಡೆಗ್ ವೋಪೆ ಅಂದ್ ದಾಲಾ ಯೇಸು ಪಿದು
- ೪ ಕೊಣ್ಣು, ವಣಸಪ್ಪಾ ಲಕ್ಕಾದ್ ಕುಂಟು ದೆತ್ತದ್ ದೀದ್ ಒಂಜಿ ಎಲತ್ತ
- ೫ ದೆತ್ತೊಣ್ಣು ಸೊಂಟೊಗು ಕಟ್ಟೊಂಡೆ. ಏತ ಮಿತ್ತ ತಪಲೆಗ್ ನೀರ್ ಮೈತ್ ದ್ ಶಿಷ್ಯೆರೆ ಕಾರ್ ದೆಕ್ಕರೆಲಾ ಸೊಂಟೊಗು ಕಟ್ಟೊಂಡಿ ಎಲತ್ತೊಡು ಒಚ್ಚೆರೆಲಾ
- ೬ ತೊಡಗಿಯೆ. ಆಯೆ ನೀವೋನು ಪೇತ್ರ ಕೈತಳ್ ಬನ್ನಗ ಇಂಬೆ ಆಯಡ—ಕರ್ತ
- ೭ ವಾ ಈ ಯೆನ ಕಾರ್ ದೆಕ್ಕುವನಾ ಅಂದೆ. ಯೇಸು ಉತ್ತರಕೊರ್ದು ಆಯ
- ೮ ಡ—ಯಾನ್ ಮಳ್ಳುನವು ನಿಕ್ಕಾ ಇತ್ತೆ ತೆರಿಯುಜೆ, ಉಂದೆಡ್ ಬೊಕ್ಕ ಪಿದುಕೊ
- ೯ ಣ್ ಒಂಜಿ ಅಂದ್ ದ್ ಪಂಡೆ. ಪೇತ್ರ ಆಯಡ—ಎನಿಗ್ ಲಾ ಈ ಯೆನ ಕಾರ್
- ೧೦ ದೆಕ್ಕರೆ ಆವಂದ್ ಇಂದೆ. ಯೇಸು ಆಯಗ್ ಉತ್ತರಕೊರ್ದು—ಯಾನ್ ನಿನನ್
- ೧೧ ದೆಕ್ಕಾಜಿಡ ನಿಕ್ಕಾ ಯೆನಡೊಪ್ಪ ಪಾಲ್ ಇಜ್ಜಿ ಇಂದೆ. ನೀವೋನು ಪೇತ್ರ ಆಯ
- ೧೨ ಡ—ಕರ್ತವಾ ಯೆನ ಕಾರುಳೆನ್ ಮಾತ್ರ ಅತ್ತ್, ಕೈಳೆನ್ ಲಾ ತರೆನ್ ಲಾ ಇನ್ನಗ
- ೧೩ ಯೇಸು ಆಯಡ ಪಂಡಿನಿ—ಮಾತಿನಾಯಗ್ ಕಾರ್ ದೆಕ್ಕುವನವು ಅತ್ತಂದೆ ಹೆಚ್ಚ
- ೧೪ ಬೊಡಿ, ಆಯೆ ಪೂರ್ತಿ ನಿರ್ಮಲದಾಯೆ ಆದುಳ್ಳೆ, ನಿಕುಳುಲಾ ನಿರ್ಮಲದಾ
- ೧೫ ಕುಳು, ಅಂಡ ಮಾತೆರ್ಲಾ ಅತ್ತ್. ತನನ್ ಒಚ್ಚಿದ್ ಕೊರ್ಪಿನಾಯನ್ ಪಿದು
- ೧೬ ಕೊಂಡಿನೆಡ್ಲೆ ನಿಕುಳು ಮಾತೆರ್ಲಾ ನಿರ್ಮಲದಾಕುಳು ಅತ್ತ್ ಅಂದ್ ದ್ ಪಂಡೆ.
- ೧೭ ಆಯೆ ಆಕುಳೆ ಕಾರುಳೆನ್ ದೆಕ್ಕಿ ಬೊಕ್ಕ ತನ ಕುಂಟುಳೆನ್ ದೆತ್ತೊಣ್ಣು ಕುಡ
- ೧೮ ಪಂತೆಡ್ ಕುಳ್ಳೊಣ್ಣು ಆಕುಳೆಡ ಪಂಡಿನಿ—ಯಾನ್ ನಿಕುಳೆಗ್ ಮತ್ತಿನವು ದಾನೆ
- ೧೯ ಅಂದ್ ದ್ ಪಿದುಕೊಣುವರಾ? ನಿಕುಳು ಯೆನನ್ ಬೋಧಕೆ ಅಂದ್ ದ್ ಕರ್ತವೆ
- ೨೦ ಅಂದ್ ದ್ ಲೆಪ್ಪುವರ್, ಸಮಾದ್ ಪಣ್ಣರ್, ಯಾನ್ ಆಯೆನೇ ಸೈ. ಅಂಚಾಯಿ
- ೨೧ ನೆಡ್ ಕರ್ತವೆಲಾ ಬೋಧಕೆಲಾ ಆದುಪ್ಪು ಯಾನ್ ನಿಕುಳೆ ಕಾರ್ ದೆಕ್ಕಿಯೆಡ
- ೨೨ ನಿಕುಳುಲಾ ಒರಿಯಗ್ ಒರಿ ಕಾರ್ ದೆಕ್ಕೊಡಾವುಂಡು. ಯಾನ್ ನಿಕುಳೆಗ್
- ೨೩ ಮಳ್ಳಿಲೆಕ್ಕನೆ ನಿಕುಳುಲಾ ಮಳ್ಳೊಡಂದ್ ದೇ ನಿಕುಳೆಗ್ ಒಂಜಿ ನಮೂನೆ ತೋ
- ೨೪ ರಾಯೆ. ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ—ಚಾಕ್ರಿದಾಯೆ ತನ
- ೨೫ ಕರ್ತವಡ್ ಮಲ್ಲಾಯೆ ಅತ್ತ್, ಬೊಕ್ಕ ಮಾನಿ ತನನ್ ಕ್ಷಮಪುಡಿನಾಯಡ್
- ೨೬ ಮಲ್ಲಾಯೆ ಅತ್ತ್. ನಿಕುಳು ಉಂದೆನ್ ಪಿಂದಾದ್ ಮಳ್ಳುವರ್ಡ್ ಭಾಗ್ಯವಂತೆರ್
- ೨೭ ಆದುಳ್ಳರ್. ನಿಕುಳೆ ಮಾತೆರೆಗಾದ್ ಪಣ್ಣುಜೆ, ಯಾನ್ ಜತ್ತದ್ ದೆತ್ತೊಂಡಿ
- ೨೮ ನಾಕುಳೆನ್ ಪಿಂಬೆ, ಅಂಡಲಾ ಯೆನ ಒಟ್ಟುಗು ರೊಟ್ಟಿ ತಿನ್ನಿನಾಯೆ ತನ ಕಡೆ
- ೨೯ ಕಾರನ್ ಯೆಂಕ್ ದೆರ್ತೆ ಇನ್ನಿ ಬರವು ಪೂರ್ತಿ ಆವೊಡು. ಉಂದು ಆನಗ
- ೩೦ ಯಾನ್ ಆಯೆನೇ ಅಂದ್ ದ್ ನಿಕುಳು ನಂಬುಲೆಕ್ಕ ಯಾನ್ ಇತ್ತೆ ಉಂದು ಆಪಿ

- ೨೦ ನೆಕ್ ದುಂಬೆ ನಿಕುಳೆಗ್ ಪಣ್ಣೆ. ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ಯಾನ್ ಕಡವುಡಿನಾಯನ್ ಶೇರಾವೊಣುನಾಯೆ ಯೆನನ್ ಶೇರಾವೊಣುವೆ, ಯೆನನ್ ಶೇರಾವೊಣುನಾಯೆ ಯೆನನ್ ಕಡವುಡಿನಾಯನ್ ಶೇರಾವೊಣುವೆ.
- ೨೧ ಯೇಸು ಉಂದೆನ್ ಪಂಡ್‌ದ್ ಆತ್ಮೊಡು ತಳಬಳ ಆದ್ — ನಿಶ್ಚಯಾದ್ ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ನಿಕುಳೆಡ್ ಬರಿ ಯೆನನ್ ಬಚಿದ್ ಕೊರುವೆ
- ೨೨ ಅಂದ್‌ದ್ ಸಾಕಿ ಪಂಡೆ. ಆಯೆ ಏರೆ ಸುದ್ದಿ ಪಣ್ಣೆ ಅಂದ್‌ದ್ ಶಿಷ್ಯೆರ್ ಕಣ್ಣಾ
- ೨೩ ಡಿದ್ ಬರಿಯನ್ ಬರಿ ತೂವೊಂಡೆರ್. ಆಯೆ ಶಿಷ್ಯೆರ್ಡ್ ಬರಿ ಯೇಸು ಪ್ರೀತಿ
- ೨೪ ಮುಳ್ತಿನಾಯೆ ಯೇಸು ಜಕ್ಕೆಲ್‌ಡ್ ಮಲೆಂಗೊಣ್ಡು ಇತ್ತೆ. ಇಂಬ್ಯಗ್ ಸೀವೋನು
- ೨೫ ಪೇತ್ರೆ — ಆಯೆ ಏರೆನ್ ಪಣ್ಣೆ ಅಂದ್‌ದ್ ಕೇಣಿಯೆರೆ ಸೊನ್ನೆ ಮುಳ್ತೆ. ಇಂಬೆ
- ೨೬ ಯೇಸು ತಿಗಲೆದ ಮಿತ್ತ್ ಬರಗ್‌ದ್ ಆಯಡ — ಕರ್ತವಾ ಏರ್ ಇಂದೆ. ಯೇಸು ಉತ್ತರಕೊರ್ಡು ಯಾನ್ ರೊಟ್ಟಿದ ತುಂಡುನು ಮುರ್ಕಾದ್ ಏರೆಗ್ ಕೊರು ವೆನಾ ಆಯೆನೇ ಅಂದ್‌ದ್ ಪಂಡ್‌ದ್ ತುಂಡುನು ಮುರ್ಕಾದ್ ಸೀವೋನು
- ೨೭ ಮಗೆ ಯೂದೆ ಇಸ್ಕಾರಿಯೋತುಗು ಕೊರಿಯೆ. ತುಂಡುನು ದೆತ್ತೊಂಡಿ ಬೊಕ್ಕ ಸೈತಾನೆ ಆಯೆ ಉಳಯಿ ಪೊಗ್ಗಿಯೆ. ಆಪಗ ಯೇಸು ಆಯಡ — ಈ ಮುಳ್ಳುನೆನ್
- ೨೮ ಬೇಗ ಮುಳ್ಳುಲ ಅಂದ್‌ದ್ ಪಂಡೆ. ಆಂಡ ಉಂದೆನ್ ಆಯಗ್ ಬಯಿಕ್ ಪಂಡೆ
- ೨೯ ಅಂದ್‌ದ್ ಪಂತೆಕುಳ್ಳಿನಾಕುಳೆಡ್ ಬರಿಲಾ ಪಿದುಕೊಂಡ್‌ಜೆ. ಯೂದಗ್ ಪಣ ವುದ ಚೀರವು ಇತ್ತಿನೆಡ್, ನಂಕ್ ಪರ್ಬೊಗು ಬೋಡಾಪಿಸೆನ್ ಬಿಲೆಕ್ ದೆತ್ತೊಣು, ಅತ್ತಡ ಬಡವೆರೆಗ್ ದಾದೆನ್‌ಲಾ ಕೊರು ಅಂದ್‌ದ್ ಯೇಸು
- ೩೦ ಆಯಡ ಪಂಡೆ ಇನ್ನಿಲೆಕ್ಕ ಪಾಕ ಮಂದೆ ಎಣ್ಣಿಯೆರ್. ಆಯೆ ತುಂಡುನು ದೆತ್ತೊಂಡಿ ಕೂಡ್ಲೆ ಪಿದಾಡಿಯೆ. ರಾತ್ರೆ ಇತ್ತಂಡ್.
- ೩೧ ಆಯೆ ಪಿದಾಡಿ ಬೊಕ್ಕ ಯೇಸು ಪಂಡಿನಿ — ಇತ್ತೆ ನರಮಾನ್ಯ ಮಗೆ ಮಹಿಮೆ
- ೩೨ ಪಡೆವೊಂಡೆ, ದೇವೆರ್‌ಲಾ ಆಯಡ್ ಮಹಿಮೆ ಪಡೆವೊಂಡೆ. ದೇವೆರ್ ಆಯಡ್ ಮಹಿಮೆ ಪಡೆವೊಂಡೆಡ, ದೇವೆರ್ ಆಯನ್ ತನಡ್ ಮಹಿಮೆ ಪಡೆಪಾವೆ. ಬೇಗ
- ೩೩ ಆಯನ್ ಮಹಿಮೆ ಪಡೆಪಾವೆ. ಬಾಲೆಳೇ ನನ ಒಂತೆ ನಿಕುಳೆಡೊಪ್ಪ ಉಳ್ಳೆ, ಯೆನನ್ ನಾಡರ್, ಬೊಕ್ಕ ಯಾನ್ ವೋಪಿನಡೆಗ್ ನಿಕುಳು ಬರಿಯೆರೆ ಬಲ್ಲಿ ಅಂದ್‌ದ್
- ೩೪ ಯೆಹೂದ್ಯೆರೆಗ್ ಪಂಡಿಲೆಕ್ಕ ಇತ್ತೆ ನಿಕುಳೆಗ್‌ಲಾ ಪಣ್ಣೆ. ಬರಿಯನ್ ಬರಿ ಪ್ರೀತಿ ಮುಳ್ತೊಣೊಡು ಅಂದ್‌ದ್ ಯಾನ್ ನಿಕುಳೆನ್ ಪ್ರೀತಿ ಮುಳ್ತಲೆಕ್ಕನೆ, ನಿಕುಳುಲಾ ಬರಿಯನ್ ಬರಿ ಪ್ರೀತಿ ಮುಳ್ತೊಣೊಡು ಇನ್ನಿ ಒಂಜಿ ವೊಸ ಅಪ್ಪಣೆನ್ ನಿಕುಳೆಗ್
- ೩೫ ಕೊರ್ಪೆ. ನಿಕುಳೆಗ್ ನಿಕುಳೆ ಉಳಯಿ ಪ್ರೀತಿ ಇತ್ತಂಡ, ಉಂದೆಟೇ ಯೆಂಕ್
- ೩೬ ಶಿಷ್ಯೆರ್ ಅಂದ್‌ದ್ ವಾತೆರ್‌ಲಾ ಪಿದುಕೊಣ್‌ಂಬೆರ್. ಸೀವೋನು ಪೇತ್ರೆ ಆಯ

ಡ—ಕರ್ತವಾ ಒಡೆಗ್ ಪೋಪ ಅನ್ನಗ, ಯೇಸು ಆಯಗ್ ಉತ್ತರಕೊಡು —
 ಯಾನ್ ಪೋಪಿನಡೆಗ್ ನಿಕ್ಕ ಇತ್ತೆ ಯೆನ ಬೆರಿಯೆ ಬರಿಯೆರೆ ಬಲ್ಲಿ, ಬೊಕ್ಕ ಯೆನ
 ೩೭ ಬೆರಿಯೆ ಬರುವ ಅಂದ್‌ದ್ ಪಂಡೆ. ಪೇತ್ರ ಆಯಡ—ಕರ್ತವಾ ಯೆಂಕ್ ಇತ್ತೆ
 ದಾಯೆಗ್ ನಿನ ಬೆರಿಯೆ ಬರಿಯೆರೆ ಬಲ್ಲಿ? ನಿಕ್ಕ ಬೋಡಾದ್ ಯೆನ ಜೀವೊನು
 ೩೮ ಕೊರುವೆ ಇಂದೆ. ಯೇಸು ಆಯಗ್ ಉತ್ತರಕೊರಿನಿ—ನಿನ ಜೀವೊನು
 ಯೆಂಕ್ ಬೋಡಾದ್ ಕೊರುವನಾ? ನಿಶ್ಚಯಾದ್ ನಿಶ್ಚಯಾದ್ ನಿಕ್ಕ ಪಣ್ಣೆ—
 ಈ ಮೂಜಿ ಸರ್ತಿ ಯೆನನ್ ಅರೆಂಜಿನೆಂಗೆ ಕೋರಿ ಕೆಲೆಪಂದ್.

೧೪ನೆ ಸಂಧಿ

೧ ನಿಕ್ಕುಳೆ ಹ್ಯದಯ ತಳಬಳ ಆವಂದೆ ಉಪ್ಪಡ್, ದೇವರೆನ್ ನಂಬುಲೆ, ಯೆನನ್‌ಲಾ
 ೨ ನಂಬುಲೆ. ಯೆನ ಅಮ್ಮ ಇಲ್ಲಡ್ ಉಪ್ಪನೆಕ್ ಜಾಗ್ ದಿಂಜ ಉಂಡು, ಇತ್ತೆ ಜಿಡ
 ೩ ನಿಕ್ಕುಳೆಗ್ ಪಣ್ಣೆತ್ತೆ, ನಿಕ್ಕುಳೆಗ್ ಜಾಗ್ ತಯಾರ್ ಮಳ್ಳೆರೆ ಪೋಪೆ. ಯಾನ್
 ಪೋದು ನಿಕ್ಕುಳೆಗ್ ಜಾಗ್ ತಯಾರ್ ಮಳ್ಳಿ ಬೊಕ್ಕ ಯಾನ್ ಉಪ್ಪನವುಳು
 ನಿಕ್ಕುಳುಲಾ ಉಪ್ಪಲೆಕ್ಕ ಕುಡ ಬತ್ತದ್ ನಿಕ್ಕುಳೆನ್ ಯಾನ್ ಇತ್ತಿನಡೆಗ್
 ೪ ಶೇರಾವೊಣ್‌ಂಬೆ. ಯಾನ್ ಒಡೆಗ್ ಪೋಪೆ ಅಂದ್‌ದ್ ಪಿಂಬರ್, ಮಾರ್ಗೊ
 ೫ ನುಲಾ ಪಿಂಬರ್. ಥೋಮಸ್ ಆಯಡ—ಕರ್ತವಾ ಈ ಒಡೆಗ್ ಪೋಪ
 ಅಂದ್‌ದ್ ಯೆಂಕುಳು ಪಿನಯ, ಮಾರ್ಗೊನು ಎಂಜ ಪಿದುಕೊಣ್‌ಲಿ
 ೬ ಅಂದ್‌ದ್ ಪಂಡೆ. ಯೇಸು ಆಯಡ—ಯಾನೇ ಮಾರ್ಗ, ಸತ್ಯ, ಜೀವ ಆದುಳ್ಳೆ.
 ೭ ಯೆನ ಹೊರ್ತು ಎಲರ್ ಅಮ್ಮ ಕೈತಡೆಗ್ ಪೋವಯೆ. ಯೆನನ್ ಪಿದುಕೊಣು
 ದ್ವರ್ಡ ಯೆನ ಅಮ್ಮನ್‌ಲಾ ಪಿದುಕೊಣುದ್ವರ್, ಇತ್ತೆಡ್ ಆಯನ್ ಪಿದುಕೊಣು
 ೮ ವರ್, ಆಯನ್ ತೂಯರ್ ಅಂದ್‌ದ್ ಪಂಡೆ. ಫಿಲಿಪ್ಪ ಆಯಡ—ಕರ್ತವಾ
 ಯೆಂಕುಳೆಗ್ ಅಮ್ಮನ್ ತೂಪಾಲ, ಆಪಗ ಯೆಂಕುಳೆಗ್ ಈಯವು ಅಂದೆ.
 ೯ ಯೇಸು ಆಯಡ ಪಂಡಿನಿ—ಈತಾ ಕಾಲ ಯಾನ್ ನಿಕ್ಕುಳೆಡೊಪ್ಪ ಉಳ್ಳೆ,
 ಬೊಕ್ಕ ಯೆನನ್ ಪಿದುಕೊಂಡ್‌ಜನಾ? ಫಿಲಿಪ್ಪೋ ಯೆನನ್ ತೂಯಿನಾಯೆ
 ಅಮ್ಮನ್ ತೂಯೆ, ಯೆಂಕುಳೆಗ್ ಅಮ್ಮನ್ ತೂಪಾಲ ಅಂದ್‌ದ್ ಈ ಪಣ್ಣೆನಿ
 ೧೦ ಎಂಜ? ಯಾನ್ ಅಮ್ಮಡ್, ಅಮ್ಮೆ ಯೆನಡ್ ಉಳ್ಳೆ ಅಂದ್‌ದ್ ನಂಬುಜನಾ?
 ಯಾನ್ ನಿಕ್ಕುಳೆಡ ಪಣ್ಣೆ ಪಾತೆರೊಳೆನ್ ಯೆನ್ನಾತೆಗ್ ಪಾತೆರುಜಿ, ಯೆನಡ್
 ೧೧ ನಿಲೆಯಾದುವು ಅಮ್ಮೆನೇ ಕೆಲಸೊಳೆನ್ ಮಳ್ಳುವೆ. ಯಾನ್ ಅಮ್ಮಡ್, ಅಮ್ಮೆ
 ಯೆನಡ್ ಅಂದ್‌ದ್ ಯೆನನ್ ನಂಬುಲೆ, ಇಜ್ಜಾಂಡ ಕೆಲಸೊಳೆಗಾದೇ ಯೆನನ್
 ೧೨ ನಂಬುಲೆ. ನಿಶ್ಚಯಾದ್ ನಿಶ್ಚಯಾದ್ ನಿಕ್ಕುಳೆಗ್ ಪಣ್ಣೆ—ಯೆನನ್ ನಂಬುನಾಯೆ

- ಯಾನ್ ಮಳ್ಳು ಕ್ರಿಯೊಳೆನ್ ಆಯೆಲಾ ಮಳ್ಳೆ, ಉಂದೆಡ್ಡ್ ಮಲ್ಲೆನ್ಲಾ ಮಳ್ಳೆ;
 ೧೩ ದಾಯೆಗಂದ್ಂಡ ಯಾನ್ ಯೆನ ಅಮ್ಮ ಕೈತಡೆಗ್ ಪೋಪೆ. ಅಮ್ಮೆ ಮಗಟ್
 ಮಹಿಮೆ ಪಡೆವುಲೆಕ್ಕ ನಿಕುಳು ಯೆನ ವುದರ್ಡ್ ದಾನೆ ದಾನೆ ನಟ್ಟೊಣುವರಾ
 ೧೪ ಅವೆನ್ ಯಾನ್ ಮಳ್ಳೆ. ಯೆನ ವುದರ್ಡ್ ಒವೆನ್ಲಾ ನಟ್ಟೊಣುವರ್ಡ
 ೧೫ ಯಾನೇ ಮಳ್ಳೆ. ನಿಕುಳು ಯೆನನ್ ಪ್ರೀತಿ ಮಳ್ಳುವರ್ಡ ಯೆನ ಅಪ್ಪಣೆಳೆನ್
 ೧೬ ಕೈಕೊಣ್ಣೆ. ಆಪಗ ಯಾನ್ ಅಮ್ಮಡ ನಟ್ಟೊಣ್ಂಚೆ, ಆಯೆ ಏನಿತ್ತೇನಿಗ್ ನಿಕುಳೆ
 ೧೭ ಡೊಪ್ಪ ಉಪ್ಪುಲೆಕ್ಕ ಬೇತೆ ಒರಿ ಆದರಿಪುನಾಯನ್, ಸತ್ಯದ ಆತ್ಮನ್ ನಿಕುಳೆಗ್
 ಕೊರುವೆ. ಆಯನ್ ಲೋಕ ಹೊಂದಿಯೆರೆ ಬಲ್ಲಿ, ಅವು ಆಯನ್ ತೂವುಜಿ.
 ಆಯನ್ ಪಿದುಕೊಣುಜಿ. ನಿಕುಳಾಂಡ ಆಯನ್ ಪಿದುಕೊಣುವರ್ ದಾಯೆ
 ೧೮ ಗಂದ್ಂಡ ಆಯೆ ನಿಕುಳೆಡೊಪ್ಪ ತಡೆದ್ ನಿಕುಳೆಡ್ ಉಪ್ಪುವೆ. ಯಾನ್ ನಿಕುಳೆನ್
 ೧೯ ದಿಕ್ಕದಾಂತಿನಾಕುಳಾದ್ ಬುಡಯೆ, ನಿಕುಳೆ ಕೈತಡೆಗ್ ಬರ್ಪೆ. ನನ ಒಂತೆ,
 ಬೊಕ್ಕ ಲೋಕ ಯೆನನ್ ನನ ತೂವಂದ್, ನಿಕುಳಾಂಡ ಯೆನನ್ ತೂವರ್,
 ೨೦ ದಾಯೆಗಂದ್ಂಡ ಯಾನ್ ಬದುಕುವೆ, ನಿಕುಳುಲಾ ಬದ್ಕರ್. ಯಾನ್
 ಯೆನ ಅಮ್ಮಡ್, ನಿಕುಳು ಯೆನಡ್, ಯಾನ್ ನಿಕುಳೆಡ್ ಉಪ್ಪುನೆನ್ ಆ
 ೨೧ ದಿನೊಟು ಪಿದುಕೊಣ್ಂಚರ್. ಯೆನ ಅಪ್ಪಣೆಳು ಇತ್ತಾದ್ ಕೈಕೊಣುನಾಯೆನೇ
 ಯೆನನ್ ಪ್ರೀತಿ ಮಳ್ಳುನಾಯೆ, ಯೆನನ್ ಪ್ರೀತಿ ಮಳ್ಳುನಾಯನ್ ಯೆನ ಅಮ್ಮೆ
 ಪ್ರೀತಿ ಮ್ಪುಳ್ಳೆ. ಯಾನ್ಲಾ ಆಯನ್ ಪ್ರೀತಿ ಮಳ್ಳಾದ್ ಯೆನನ್ ಆಯಗ್
 ೨೨ ತೋಜಾವೊಣ್ಂಚೆ. ಇಸ್ರಾರಿಯೋತು ಅತ್ತ, ಬೊಕ್ಕೊರಿ ಯೂದೆ ಆಯಡ—
 ಕರ್ತವಾ ಲೋಕೊಗು ಅತ್ತ, ಯೆಂಕುಳೆಗ್ ನಿನನ್ ತೋಜಾವೊಣೊಡಾಂಡ
 ೨೩ ದಾನೆ ಆಂಡ್ ಇಂದೆ. ಯೇಸು ಉತ್ತರಕೊರ್ದು ಆಯಡ ಪಂಡಿನಿ—ಒರಿ
 ಯೆನನ್ ಪ್ರೀತಿ ಮಳ್ಳುವೆಡ ಆಯೆ ಯೆನ ಪಾತೆರೊನು ಕೈಕೊಣ್ಂಚೆ. ಯೆನ
 ಅಮ್ಮೆ ಆಯನ್ ಪ್ರೀತಿ ಮಳ್ಳೆ, ಬೊಕ್ಕ ಯೆಂಕುಳು ಆಯ ಕೈತಡೆಗ್ ಬತ್ತಾದ್
 ೨೪ ಆಯಡೊಪ್ಪ ತಡೆವ. ಯೆನನ್ ಪ್ರೀತಿ ಮಳ್ಳಂದಿನಾಯೆ ಯೆನ ಪಾತೆರೊಳೆನ್
 ಕೈಕೊಣಯೆ. ನಿಕುಳು ಕೇಣು ಪಾತೆರ ಯೆನ್ನವು ಅತ್ತ, ಯೆನನ್ ಕಡವುಡಿ
 ಆಮ್ಮನವೇ.
 ೨೫ ಯಾನ್ ನಿಕುಳೆ ಕೈತಳ್ ಇತ್ತಾದ್ ಉಂದೆನ್ ನಿಕುಳೆಡ ಪಾತೆರ್ದೆ.
 ೨೬ ಆಂಡ ಆದರಿಪುನಾಯೆ, ಅಮ್ಮೆ ಯೆನ ವುದರ್ಡ್ ಕಡವುಡು ಪರಿಶುದ್ಧಾತ್ಮೆನೇ ನಿಕು
 ಳೆಗ್ ಮಾತೆನ್ಲಾ ಕಲ್ಪಾದ್ ಯಾನ್ ನಿಕುಳೆಗ್ ಪಂಡಿನವು ಮಾತೆನ್ಲಾ ನೆನೆಪು
 ೨೭ ಪುಟ್ಟಾವೆ. ಸಮಾಧಾನ ಯಾನ್ ನಿಕುಳೆಗ್ ಬುಡುಪೆ, ಯೆನ ಸಮಾಧಾನೊನು
 ನಿಕುಳೆಗ್ ಕೊರ್ಪೆ. ಲೋಕ ಕೊರ್ಪಿಲೆಕ್ಕನೆ ಯಾನ್ ನಿಕುಳೆಗ್ ಕೊರ್ಪುಜಿ.

೨೮ ನಿಕುಳೆ ಹೃದಯ ತಳಬಳ ಆವಂದೆ ಪೋಡಿಯಂದೆ ಉಪ್ಪಡ್. ಯಾನ್ ಪೋದು
 ನಿಕುಳೆ ಕೈತಡೆಗ್ ಬರ್ಪೆ ಅಂದ್‌ದ್ ನಿಕುಳೆಗ್ ಪಂಡಿನೆನ್ ಕೇಂಡರ್. ಯೆನನ್
 ೨೯ ಪ್ರೀತಿ ಮಳ್ತದ್ದರ್ಡ್ ಯಾನ್ ಅಮ್ಮ ಕೈತಡೆಗ್ ಪೋಪೆ ಇನ್ನಿನೆಕ್ ಸಂತೋಷ
 ಮಳ್ತದ್ದರ್. ದಾಯೆಗಂದ್‌ಂಡ ಯೆನ ಅಮ್ಮ ಯೆನಡ್ ಮಲ್ಲಾಯೆ. ಅವು
 ಆನಗ್ ನಿಕುಳು ನಂಬುಲೆಕ್ಕ, ಆಪಿನೆಕ್ ದುಂಬು ಯಾನ್ ಇತ್ತೆ ನಿಕುಳೆಗ್ ಪಂಡೆ.
 ೩೦ ನನ ದಿಂಜ ನಿಕುಳೆಡೊಪ್ಪ ಪಾತೆರಯೆ, ದಾಯೆಗಂದ್‌ಂಡ ಲೋಕದ ಅಧಿಪತಿ
 ೩೧ ಬರ್ಪೆ, ಆಯಗ್ ಯೆನಡ್ ದಾಲಾ ಇಜ್ಜಿ. ಆಂಡಲಾ ಯಾನ್ ಅಮ್ಮನ್ ಪ್ರೀತಿ
 ಮಳ್ತುವೆ ಅಂದ್‌ದ್ ಲೋಕ ಪಿದುಕೊಣ್ಣುಲೆಕ್ಕ ಅಮ್ಮ ಯೆಂಕ್ ಎಂಜ ಆಪ್ಪಣೆ
 ಕೊರಿಯೆನಾ ಅಂಚೆನೆ ಯಾನ್ ಮಳ್ತುವೆ. ಲಕ್ಶ್ಮಲೆ, ಮುಳ್ತು ಪೋಯಿ.

೧೫ನೆ ಸಂಧಿ

೧ ಯಾನ್ ನಿಜ ದ್ರಾಕ್ಷೆಬೂರು, ಯೆನ ಅಮ್ಮ ತೋಟದಾಯೆ. (೨) ಯೆನಡ್
 ಫಲ ಕೊರಂದಿ ಗೆಲ್ಲನ್ ಒಯಿನ್‌ಲಾ ಆಯೆ ಕಡ್ತದ್ ಪಾಡುವೆ, ಫಲ ಕೊರ್ಪಿ
 ೨ ನೆನ್ ಒಯಿನ್‌ಲಾ ಹೆಚ್ಚ ಫಲ ಕೊರ್ಪಿಲೆಕ್ಕ ಶುದ್ಧ ಮಳ್ತುವೆ. ಯಾನ್ ನಿಕು
 ೪ ಳೆಡ ಪಾತೆರಿ ಪಾತೆರೊಗಾದ್ ನಿಕುಳು ಇತ್ತೆ ಶುದ್ಧದಾಕುಳು ಆಯರ್. ಯೆನ
 ಡ್ ನಿಲೆಯಾದುಪ್ಪಲೆ, ಬೊಕ್ಕ ಯಾನ್ ನಿಕುಳೆಡ್. ಗೆಲ್ಲ ದ್ರಾಕ್ಷೆಬೂರುಡು
 ನಿಲೆಯಾದುಪ್ಪನವು ಹೊರ್ತು ತನ್ನಾತೆಗ್ ಎಂಜ ಫಲ ಕೊರಿಯೆರೆ ತೀರುಚಾ
 ಅಂಚೆನೆ ಯೆನಡ್ ನಿಲೆಯಾದುಪ್ಪನವು ಹೊರ್ತು ನಿಕುಳೆಗ್‌ಲಾ ತೀರಂದ್.
 ೫ ಯಾನ್ ದ್ರಾಕ್ಷೆಬೂರು, ನಿಕುಳು ಗೆಲ್ಲುಳು; ಒರಿ ಯೆನಡ್, ಯಾನ್ ಆಯಡ್
 ನಿಲೆಯಾದುಳ್ಳೆಡ್ ಉ ದಿಂಜ ಫಲ ಕೊರ್ಪೆ; ದಾಯೆಗಂದ್‌ಂಡ ಯಾನ್ ದಾಂತೆ
 ೬ ನಿಕುಳೆಗ್ ದಾಲಾ ಮಳ್ಳೆರೆ ಬಲ್ಲಿ. ಒರಿ ಯೆನಡ್ ನಿಲೆಯಾದ್ ಇತ್ತೆಜೆಡ
 ಆಯನ್ ಗೆಲ್ಲದ ಲೆಕ್ಕನೆ ಪಿದಯಿ ದಕ್ಕುಂಡು, ಆಯೆ ನುಂಗುದು ಪೋಪೆ,
 ೭ ಅವೆನ್ ಕೂಡಾದಾ ತೂಕು ಪಾಡಾದ್ ಸುಡುಪೆರ್. ನಿಕುಳು ಯೆನಡ್ ನಿಲೆಯಾ
 ದುಳ್ಳರ್ಡ್, ಬೊಕ್ಕ ಯೆನ ಪಾತೆರೊಳು ನಿಕುಳೆಡ್ ನಿಲೆಯಾದಿತ್ತಂಡ ಮನಸಾ
 ೮ ಇತ್ತಿನೆನ್ ನಬ್ಬೊಣ್‌ಂಬರ್, ಆಪಗ್ ನಿಕುಳೆಗ್ ಅವು. ನಿಕುಳು ದಿಂಜ ಫಲ
 ಕೊರ್ಪಿನೆನ್ ಯೆನ ಅಮ್ಮ ಮಹಿಮೆ ಹೊಂದುವೆ, ಇಂಚೆನೆ ಯೆಂಕ್ ಶಿಷ್ಯೆರ್
 ೯ ಆವರ್. ಅಮ್ಮ ಯೆನನ್ ಪ್ರೀತಿ ಮಳ್ತಲೆಕ್ಕನೆ ಯಾನ್‌ಲಾ ನಿಕುಳೆನ್ ಪ್ರೀತಿ
 ೧೦ ಮಳ್ತೆ, ಯೆನ ಪ್ರೀತಿಡ್ ನಿಲೆಯಾದುಪ್ಪಲೆ. ಯಾನ್ ಯೆನ ಅಮ್ಮ ಅಪ್ಪಣೆ
 ಳೆನ್ ಕೈಕೊಣ್ಣು ಆಯ ಪ್ರೀತಿಡ್ ನಿಲೆಯಾದುಪ್ಪಲೆಕ್ಕನೆ ನಿಕುಳು ಯೆನ ಆಪ್ಪಣೆ
 ೧೧ ಳೆನ್ ಕೈಕೊಣ್ಣುವರ್ಡ್ ಯೆನ ಪ್ರೀತಿಡ್ ನಿಲೆಯಾದುಪ್ಪರ್. ಯೆನ ಸಂತೋಷ

ನಿಕುಳೆಡ್ ನಿಲೆಯಾದುಪ್ಪುಲೆಕ್ಕಲಾ ನಿಕುಳೆ ಸಂತೋಷ ಪೂರ್ತಿ ಆಪಿಲೆಕ್ಕಲಾ
 ೧೨ ಉಂದೆನ್ ಯಾನ್ ನಿಕುಳೆಡ ಪಾತೆರ್‌ದೆ. ಯಾನ್ ನಿಕುಳೆನ್ ಪ್ರೀತಿ ಮುಕ್ತಿ
 ಲೆಕ್ಕನೆ ನಿಕುಳು ಒರಿಯನ್ ಒರಿ ಪ್ರೀತಿ ಮುಳ್ತೊಣೊಡು ಇನ್ನಿನವು ಉಂದೇ
 ೧೩ ಯೆನ ಅಪ್ಪಣೆ. ಒರಿ ತನ ಸ್ನೇಹಿತೆರೆಗ್ ಬೋಡಾದ್ ತನ ಜೀವೊನು ಕೊರ್ಪಿ
 ೧೪ ನೆಡ್ ಮಲ್ಲ ಪ್ರೀತಿ ಏರೆಗ್‌ಲಾ ಇಜ್ಜಿ. ಯಾನ್ ನಿಕುಳೆಗ್ ಅಪ್ಪಣೆ ಕೊರ್ಪಿ
 ೧೫ ನೆನ್ ಮುಳ್ಳುವರ್ಡ್ ನಿಕುಳು ಯೆನ ಸ್ನೇಹಿತೆರ್. ನನ ಮೇಲ್‌ಡ್ ನಿಕುಳೆನ್
 ಚಾಕ್ರಿದಾಕುಳು ಅಂದ್‌ದ್ ಪಣ್ಣುಜಿ, ದಾಯೆಗಂದ್‌ಂಡ ಚಾಕ್ರಿದಾಯೆ ತನ
 ಕರ್ತವೆ ದಾನೆ ಮುಳ್ಳುವೆ ಅಂದ್‌ದ್ ಪಿನಯೆ. ಯೆನ ಅಮ್ಮಡ್ ಕೇಂದಿನವು
 ಮಾತೆನ್‌ಲಾ ಯಾನ್ ನಿಕುಳೆಗ್ ತೆರಿಪಾಯಿನೆಡ್ ನಿಕುಳೆನ್ ಸ್ನೇಹಿತೆರ್
 ೧೬ ಅಂದ್‌ದ್ ಪಂಡೆ. ನಿಕುಳು ಯೆನನ್ ಜತ್ತದ್ ದೆತ್ತೊಂಡಿನಿ ಅತ್ತ, ಯಾನ್
 ನಿಕುಳೆನ್ ಜತ್ತದ್ ದೆತ್ತೊಂಡೆ. ನಿಕುಳು ಪೋದು ಫಲ ಕೊರ್ದು ನಿಕುಳೆ
 ಫಲ ನಿಲೆಯಾದುಪ್ಪುಲೆಕ್ಕ ನಿಕುಳೆನ್ ದೀಯೆ. ಐಡ್ಲಾವರ ನಿಕುಳು ಅಮ್ಮಡ್
 ಯೆನ ಪುದರ್‌ಡ್ ದಾನೆ ದಾನೆ ನಟ್ಟೊಣ್‌ಂಬರಾ ಆಯೆ ಅವೆನ್ ನಿಕುಳೆಗ್
 ೧೭ ಕೊರುವೆ. ಒರಿಯನ್ ಒರಿ ಪ್ರೀತಿ ಮುಳ್ತೊಣೊಡು ಅಂದ್‌ದ್ ಯಾನ್ ನಿಕು
 ಳೆಗ್ ಅಪ್ಪಣೆ ಕೊರ್ಪೆ.
 ೧೮ ಲೋಕ ನಿಕುಳೆನ್ ಪಗೆ ಮುಳ್ತಂಡ ಅವು ನಿಕುಳೆಡ್ ದುಂಬು ಯೆನನ್ ಪಗೆ
 ೧೯ ಮುಳ್ತಂಡ್ ಅಂದ್‌ದ್ ಪಿದುಕೊಣ್ಣೆ. ನಿಕುಳು ಲೋಕದಾಕುಳು ಆದಿತ್ತದ್ವರ್ಡ್
 ಲೋಕ ತನ್ನೆನ್ ಪ್ರೀತಿ ಮುಳ್ತುದು. ಆಂಡ ನಿಕುಳು ಲೋಕದಾಕುಳು ಆದು
 ಪ್ಪಂದೆ ಯಾನ್ ನಿಕುಳೆನ್ ಲೋಕದ ಉಳಯಿಡ್ ಜತ್ತದ್‌ದೆತ್ತೊಂಡಿನೆಕ್ಕಾದೇ
 ೨೦ ಲೋಕ ನಿಕುಳೆನ್ ಪಗೆ ಮುಳ್ಳುಂಡು. ಚಾಕ್ರಿದಾಯೆ ತನ ಕರ್ತವಡ್ ಮಲ್ಲಾ
 ಯೆ ಅತ್ತ ಅಂದ್‌ದ್ ಯಾನ್ ನಿಕುಳೆಗ್ ಪಂಡಿ ಪಾತೆರೊನು ನೆನೆಪು ಮುಳ್ತೊ
 ಣ್ಣೆ. ಆಕುಳು ಯೆನನ್ ಗಿಡ್ಡೆರ್ಡ್ ನಿಕುಳೆನ್‌ಲಾ ಗಿಡ್ಡೆರ್; ಯೆನ ಪಾತೆರೊನು
 ೨೧ ಕೈಕೊಂಡೆರ್ಡ್ ನಿಕುಳೆನೆನ್‌ಲಾ ಕೈಕೊಣ್‌ಂಬೆರ್, ಆಂಡ ಆಕುಳು ಉಂದು ಮಾತೆ
 ನ್‌ಲಾ ಯೆನ ಪುದರ್‌ಗಾದ್, ಯೆನನ್ ಕಡಪುಡಿನಾಯನ್ ಪಿನಂದಿನೆಡ್
 ೨೨ ನಿಕುಳೆಗ್ ಮುಳ್ಳೆರ್. ಯಾನ್ ಬತ್ತದ್ ಆಕುಳೆಡ ಪಾತೆರ್‌ದ್‌ಜಿಡ ಆಕುಳೆಗ್
 ಪಾಪ ಇತ್ತದ್ವಂದ್. ಇತ್ತೆ ಆಂಡ ತನುಕುಳೆ ಪಾಪದ ವಿಷಯೊಡು ಆಕುಳೆಗ್
 ೨೩ ನೆವನ ಇಜ್ಜಿ. ಯೆನನ್ ಪಗೆ ಮುಳ್ಳುನಾಯೆ ಯೆನ ಅಮ್ಮನ್‌ಲಾ ಪಗೆ ಮುಳ್ಳುವೆ.
 ೨೪ ಬೇತೆ ಏರ್ಲಾ ಮುಳ್ಳಂದಿ ಕೆಲಸೊಳೆನ್ ಯಾನ್ ಆಕುಳೆ ಉಳಯಿ ಮುಳ್ತದ್‌ಜಿಡ
 ಆಕುಳೆಡ ಪಾಪ ಇತ್ತದ್ವಂದ್. ಆಂಡ ಇತ್ತೆ ಆಕುಳು ತೊದು ಯೆನನ್‌ಲಾ
 ೨೫ ಯೆನ ಅಮ್ಮನ್‌ಲಾ ಪಗೆ ಮುಳ್ಳೆರ್. ಪೊಕ್ಕಡೆಗ್ ಯೆನನ್ ಪಗೆ ಮುಳ್ಳೆರ್

ಅಂದೆಂದೆ ಆಕುಳೆ ನ್ಯಾಯಕಟ್ಟುಡ್ ಬರೆತಿ ಪಾತೆರ ಪೂರ್ತಿ ಆಪಿಲೆಕ್ಕ ಇಂಚೆನೆ
 ೨೬ ಆಂಡ್. ಅಮ್ಮ ಕೈತೆಳ್ಡ್ ಯಾನ್ ನಿಕುಳೆಗ್ ಕಡವುಡು ಆದರಿಪುನಾಯೆ,
 ಅಮ್ಮ ಕೈತೆಳ್ಡ್ ಪಿದಾಡು ಸತ್ಯದ ಆತ್ಮೆ ಬತ್ತಿ ಬೊಕ್ಕ ಆಯೆ ಯೆನ ವಿಷ
 ೨೭ ಯೊಡು ಸಾಕ್ಲೆ ಪಣ್ಂಬೆ, ನಿಕುಳುಲಾ ಸುರುಡ್ಡಿಂಚಿ ಯೆನ ಒಟ್ಟುಗು ಇತ್ತಿನೆಡ್ಡ್
 ಸಾಕ್ಲೆ ಪಣ್ಂಬರ್.

೧೬ನೆ ಸಂಧಿ

- ೧ ನಿಕುಳೆಗ್ ಆತಂಕ ಅವಂದಿಲೆಕ್ಕ ಯಾನ್ ಉಂದೆನ್ ನಿಕುಳೆಡ ಪಾತೆರಿಯೆ.
- ೨ ನಿಕುಳೆನ್ ಸಭೆಡ್ ತೆರ್ತದ್ ದೀವೆರ್, ಉಂದತ್ತಂದೆ ನಿಕುಳೆನ್ ಕರ್ಪಿನಾಯೆ
 ಪಲರ್ ತಾನ್ ದೀವೆರ್ಗ್ ಸೇವೆ ಮಳ್ಳುವೆ ಅಂದೆಡ್ ಎಣ್ಣು ಘಳೆಗೆ ಬರ್ಪುಂಡು.
- ೩ ಆಕುಳು ಅಮ್ಮನ್ ಆವಡ್ ಯೆನನ್ ಆವಡ್ ಪಿದುಕೊಣಂದಿನೆಡ್ಡ್ ಉಂದೆನ್
 ೪ ನಿಕುಳೆಗ್ ಮಳ್ಳೆರ್. ಆ ಘಳೆಗೆ ಬನ್ನಗ ಯಾನ್ ನಿಕುಳೆಗ್ ಪಂಡೆ ಅಂದೆಡ್
 ನೆನೆಪು ಮಳ್ಳುಲೆಕ್ಕ ಉಂದೆನ್ ನಿಕುಳೆಡ ಪಾತೆರಿಯೆ. ಯಾನ್ ನಿಕುಳೆಡೊಪ್ಪ
 ೫ ಇತ್ತಿನೆಡ್ಡಾವರ ಎದುವುಡ್ಡು ಉಂದೆನ್ ನಿಕುಳೆಗ್ ಪಂಡೆಬಿ. ಇತ್ತೆ ಯೆನನ್
 ಕಡವುಡಿನಾಯೆ ಕೈತೆಡೆಗ್ ಪೋಪೆ; ಈ ಒಡೆಗ್ ಪೋಪ ಅಂದೆಡ್ ನಿಕುಳೆಡ್
 ೬ ಒರಿಲಾ ಯೆನಡ ಕೇಣುಜೆ. ಆಂಡ ಯಾನ್ ಉಂದೆನ್ ನಿಕುಳೆಡ ಪಾತೆರಿನೆಡ್ಡ್
 ೭ ನಿಕುಳೆ ಹೃದಯ ದುಃಖೊಡು ದಿಂಚ್ಂಡ್. ಆಂಡಲಾ ಯಾನ್ ನಿಕುಳೆಗ್
 ಸತ್ಯೊನು ಪಣ್ಣೆ, ಯಾನ್ ಪೋಪಿನವು ನಿಕುಳೆಗ್ ಎಡ್ಡೆನೇ; ಯಾನ್ ಪೋಯಿ
 ಬಿಡ ಆದರಿಪುನಾಯೆ ನಿಕುಳೆ ಕೈತೆಡೆಗ್ ಬರೆಯೆ, ಯಾನ್ ಪೋಂಡ ಆಯನ್
 ೮ ನಿಕುಳೆಗ್ ಕಡವುಡೆ. ಆಯೆ ಬತ್ತದ್ ಲೋಕೊಗು ಪಾಪೊನು, ನೀತಿನ
 ೯ ನ್ಯಾಯತೀರ್ಪುನು ತೋಜಾದ್ ಕೊರುವೆ. ಆಕುಳು ಯೆನನ್ ನಂಬುಜೆರ್
 ೧೦ ಅಂದೆಡ್ ಪಾಪೊನು, ಯಾನ್ ಯೆನ ಅಮ್ಮ ಕೈತೆಡೆಗ್ ಪೋಪೆ ನಿಕುಳು
 ೧೧ ಯೆನನ್ ನನ ಮೇಲ್ಡ್ ತೂವಯರ್ ಅಂದೆಡ್ ನೀತಿನ, ಈ ಲೋಕದ ಅಧಿ
 ಪತಿಗ್ ನ್ಯಾಯತೀರ್ಪು ಆಂಡ್ ಅಂದೆಡ್ ನ್ಯಾಯತೀರ್ಪುನು ತೋಜಾದ್
 ೧೨ ಕೊರುವೆ. ನಿಕುಳೆಗ್ ಪಣಿಯೆರೆ ಯೆಂಕ್ ನನ ದಿಂಜ ಉಂಡು, ಆಂಡ ಇತ್ತೆ
 ೧೩ ನಿಕುಳೆಗ್ ದೀವೊಣಿಯೆರೆ ಬಲ್ಲಿ. ಸತ್ಯದ ಆತ್ಮೆ ಇನ್ನಿನಾಯೆ ಬತ್ತಿ ಬೊಕ್ಕ
 ಆಯೆ ನಿಕುಳೆನ್ ಮಾತ ಸತ್ಯದ ಉಳಯಿ ನಡವುಡೆ, ಅಂದೆ ಆಯೆ ತನ್ನೆಡ್ಡೆ
 ಪಾತೆರಂದೆ ದಾನೆ ದಾನೆ ಕೇಣುವೆನಾ ಅವೆನ್ ಪಾತೆರೆ, ಬರಿಯೆರೆ ಉಪ್ಪುನೆನ್ಲಾ
 ೧೪ ನಿಕುಳೆಗ್ ಪಿನ್ನಾವೆ. ಆಯೆ ಯೆನ್ನೆಡ್ಡ್ ದೆತ್ತದ್ ನಿಕುಳೆಗ್ ಪಿನ್ನಾವುನೆಡ್ಡ್
 ೧೫ ಯೆನನ್ ಮಹಿಮೆ ಪಡೆಪಾವೆ. ಅಮ್ಮಗ್ ಉಪ್ಪುನವು ಮಾತಲಾ ಯೆನ್ನವು,

೧೬ ಉಂದೆಕಾದ್ ಆಯೆ ಯೆನ್ನೆಡ್ ದೆತ್ತಾದ್ ನಿಕುಳೆಗ್ ಪಿನ್ನಾವೆ ಅಂದ್‌ದ್
 ಯಾನ್ ಪಂಡೆ. ನನ ಒಂತೆ, ಬೊಕ್ಕ ಯೆನನ್ ತೂವಯರ್, ಕುಡ ಒಂತೆ,
 ಬೊಕ್ಕ ಯೆನನ್ ತೂವರ್; ದಾಯೆಗಂದ್‌ಂಡ ಯಾನ್ ಅಮ್ಮ ಕೈತಡೆಗ್
 ೧೭ ಪೋಪೆ. ಆಪಗ ಆಯ ಶಿಷ್ಯೆರೆಡ್ ಪಾಕ ಮಂದೆ ಒರಿಯಡ ಒರಿ — ನನ ಒಂತೆ,
 ಬೊಕ್ಕ ಯೆನನ್ ತೂವಯರ್, ಕುಡ ಒಂತೆ, ಬೊಕ್ಕ ಯೆನನ್ ತೂವರ್
 ಅಂದ್‌ದ್, ಯಾನ್ ಅಮ್ಮ ಕೈತಡೆಗ್ ಪೋಪೆ ಅಂದ್‌ದ್ ಆಯೆ ನಂಕ್ ಪಣ್ಣಿ
 ೧೮ ನವು ಉಂದು ದಾನೆ ಅಂದ್‌ದ್ ಪಂಡೆರ್. ಅಂಚಾಯಿನೆಡ್ ಆಕುಳು — ನನ
 ಒಂತೆ ಅಂದ್‌ದ್ ಆಯೆ ಪಣ್ಣಿನವು ಉಂದು ದಾನೆ? ಆಯೆ ಪಾತೆರುನವು ದಾನೆ
 ೧೯ ಅಂದ್‌ದ್ ಯೆಂಕುಳೆಗ್ ತೆರಿಯುಜಿ ಇಂದೆರ್. ತನನ್ ಕೇಣಿಯೆರೆ ಉಳ್ಳೆರ್
 ಅಂದ್‌ದ್ ಯೇಸು ಪಿದುಕೊಣ್ಣು ಆಕುಳೆಡ ಪಂಡಿನಿ — ನನ ಒಂತೆ, ಬೊಕ್ಕ
 ಯೆನನ್ ತೂವಯರ್, ಕುಡ ಒಂತೆ, ಬೊಕ್ಕ ಯೆನನ್ ತೂವರ್ ಅಂದ್‌ದ್
 ೨೦ ಯಾನ್ ಪಂಡಿನೆತ ಮಿತ್ತಾ ನಿಕುಳೆ ಉಳಯಿ ಕೇಣೊಣುವರಾ? ನಿಶ್ಚಯಾದ್
 ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ನಿಕುಳು ಅರ್‌ದ್ ಮುರಿಯೆಡರ್, ಲೋಕ
 ಸಂತೋಷ ಮಲ್ಪು; ನಿಕುಳು ದುಃಖ ಮಲ್ಪರ್, ಆಂಡಲಾ ನಿಕುಳೆ ದುಃಖ
 ೨೧ ಸಂತೋಷ ಆವು. ಪೊಣ್ಣುವು ಪೆದ್ದನಗ ಆಳೆ ಘಳಿಗೆ ಬತ್ತಿನೆಡ್ ಆಳೆಗ್ ದುಃಖ
 ಉಂಡು. ಬಾಲೆನ್ ಪೆದ್ದಿ ಬೊಕ್ಕ ಒರಿ ನರಮಾನಿ ಲೋಕೊಡು ಪುಟ್ಟಿಯೆ ಇನ್ನಿ
 ೨೨ ಸಂತೋಷೊಗಾದ್ ಭಂಜೊಣು ನನ ನೆನೆಪುಜಳ್. ಅಂಚೆನೆ ನಿಕುಳೆಗ್‌ಲಾ
 ಇತ್ತೆ ದುಃಖ ಉಂಡು, ಆಂಡ ಯಾನ್ ನಿಕುಳೆನ್ ಕುಡ ತೂವೆ, ಆಪಗ ನಿಕುಳೆ
 ಹೃದಯೊಗು ಸಂತೋಷ ಆವು, ಬೊಕ್ಕ ನಿಕುಳೆ ಸಂತೋಷೊನು ಒರಿಲಾ ನಿಕು
 ೨೩ ಳೆಡ್ ದೆಪ್ಪಯೆ. ಆ ದಿನೊಟು ಯೆನಡ ದಾಲಾ ಕೇಣಯರ್. ನಿಶ್ಚಯಾದ್
 ನಿಶ್ಚಯಾದ್ ನಿಕುಳೆಗ್ ಪಣ್ಣೆ — ನಿಕುಳು ಅಮ್ಮಡ ಯೆನ ಪುದರ್‌ಡ್ ದಾನೆ ದಾನೆ
 ೨೪ ನಟ್ಟೊಣ್‌ಂಬರಾ ಅವೆನ್ ಆಯೆ ನಿಕುಳೆಗ್ ಕೊರುವೆ. ಇನಿ ಮುಟ್ಟು ಯೆನ
 ಪುದರ್‌ಡ್ ದಾಲಾ ನಟ್ಟೊಂಡ್‌ಜರ್, ನಿಕುಳೆ ಸಂತೋಷ ಪೂರ್ತಿ ಆಪಿಲೆಕ್ಕ
 ನಟ್ಟೊಣ್ಣೆ, ಆಪಗ ತಿಕ್ಕು.

೨೫ ಉಂದೆನ್ ಸಾಮ್ಯೊಳೆಡ್ ನಿಕುಳೆಡ ಪಾತೆರಿಯೆ, ಆಂಡ ಯಾನ್ ನನ ಮೇ
 ಲ್‌ಡ್ ಸಾಮ್ಯೊಳೆಡ್ ನಿಕುಳೆಡ ಪಾತೆರಂದೆ ಅಮ್ಮ ವಿಷಯೊಡು ನಿಕುಳೆಗ್
 ೨೬ ಸರ್ತಾದ್ ಪಿನ್ನಾವು ಘಳಿಗೆ ಬರ್ಪುಂಡು. ಆ ದಿನೊಟು ಯೆನ ಪುದರ್‌ಡ್ ನಟ್ಟೊ
 ಣ್‌ಂಬರ್, ಯಾನ್ ಅಮ್ಮಡ ನಿಕುಳೆಗ್ ಬೋಡಾದ್ ನಟ್ಟೊಣ್‌ಂಬೆ ಅಂದ್‌ದ್
 ೨೭ ನಿಕುಳೆಗ್ ಪಣ್ಣುಜಿ. ದಾಯೆಗಂದ್‌ಂಡ ನಿಕುಳು ಯೆನನ್ ಪ್ರೀತಿ ಮಲ್ತಾದ್
 ಯಾನ್ ದೇವೆರೆ ಕೈತಳ್‌ಡ್ ಪಿದಾಡಿಯೆ ಅಂದ್‌ದ್ ನಂಬಿನೆಡ್ ಅಮ್ಮೆ ತಾನೇ

- ೨೩ ನಿಕುಳೆನಾ ಪ್ರೀತಿ ಮುಳ್ಳುವೆ. ಯಾನ್ ಅಮ್ಮ ಕೈತಳೆಡ್ ಪಿದಾಡ್ ಲೋಕೊಗು ಬತ್ತೆ; ಲೋಕೊನು ಕೂಡ ಬುಡುದು ಅಮ್ಮ ಕೈತಡೆಗ್ ವೋಪೆ ಅಂದ್ ಪಂಡೆ.
- ೨೪ ಆಯ ಶಿಷ್ಯೆರ್ ಆಯಜ — ಇಂದಾ ಇತ್ತೆ ತೆರಿಯುಲೆಕ್ಕ ಪಾತೆರುವ. ಸಾಮ್ಯ
- ೨೫ ಒಂಜೆನಾಲಾ ಪಣ್ಣುಬ; ಮಾತಲಾ ನಿಕ್ಕಾ ಗೊಂತುಂಡು, ಎಲರ್ ನಿನಡ ಕೇಣು ನವು ನಿಕ್ಕಾ ಅಗತ್ಯ ಇಜ್ಜಿ ಅಂದ್ ಯೆಂಕುಳು ಇತ್ತೆ ಪಿಂಬ, ಉಂದೆಕಾದಾ ಈ ದೇವೆರೆ ಕೈತಳೆಡ್ ಪಿದಾಡಿಯ ಅಂದ್ ನಂಬುವ ಅಂದ್ ಪಂಡೆರ್.
- ೨೬ ಯೇಸು ಆಕುಳೆಗ್ ಉತ್ತರಕೊರಿಸಿ — ಇತ್ತೆ ನಂಬುವರಾ? (೨೨) ಇಂದಾ ನಿಕ್ಕುಳು ಒರಿ ಒರಿ ತನ ತನ್ನೆಕ್ ಚದರಾದಾ ವೋದು ಯೆನನ್ ಒರಿಯನೇ ಬುಡುಪಿ ಘಳಿಗೆ ಬರ್ಪುಂಡು, ಇತ್ತೆ ಬತ್ತಂಡ್, ಆಂಡಲಾ ಅಮ್ಮೆ ಯೆನ
- ೨೭ ಒಟ್ಟುಗು ಉಪ್ಪುನೆಡ್ ಯಾನ್ ಒರಿಯೇ ಅತ್ತ. ಯೆನಡ್ ನಿಕ್ಕುಳೆಗ್ ಸಮಾಧಾನ ಉಪ್ಪುಲೆಕ್ಕ ಉಂದೆನ್ ನಿಕ್ಕುಳೆಡ ಪಾತೆರ್ದೆ, ಲೋಕೊಡು ನಿಕ್ಕುಳೆಗ್ ಭಂಜಿ ಉಂಡು, ಆಂಡಲಾ ಧೈರ್ಯೊಡು ಉಪ್ಪುಲೆ, ಯಾನ್ ಲೋಕೊನು ಜೈಸಿಯ.

೧೭ನೆ ಸಂಧಿ

- ೧ ಉಂದೆನಾ ಯೇಸು ಪಾತೆರಾದ ತನ ಕಣ್ಣುಳೆನ್ ಪರಲೋಕೊಗು ಲಕ್ಕಾವಾ ಪಂಡಿಸಿ — ಅವ್ಯಾ ಘಳಿಗೆ ಬತ್ತಂಡ್, ನಿನ ಮಗ್ಗೆ ನಿನನಾಲಾ ಮಹಿಮೆ ಪಡೆ
- ೨ ಪಾವುಲೆಕ್ಕ ನಿನ ಮಗನ್ ಮಹಿಮೆ ಪಡೆಪಾಲ. ಎಂಜಂದಂಡ ಈ ಆಯಗ್ ಕೊರಿನಾಕುಳೆಗ್ ಮಾತೆರಗ್ ಸಿತ್ಯಜೀವ ಕೊರ್ಪಿಲೆಕ್ಕ ಆಯಗ್ ಮಾತ
- ೩ ಮಾಂಸದ ಮಿತ್ತ ಅಧಿಕಾರ ಕೊರಿಯ ಅತ್ತ. ಒರಿಯೇ ನಿಜ ದೇವರ್ ಆದುವು ನಿನನಾಲಾ ಈ ಕಡವುಡಿ ಯೇಸು ಕ್ರಿಸ್ತನಾಲಾ ಆಕುಳು ಪಿದುಕೊಣು
- ೪ ನವು ಉಂದೇ ಸಿತ್ಯಜೀವ. ಯಾನ್ ನಿನನ್ ಭೂಮಿದ ಮಿತ್ತ ಮಹಿಮೆ ಪಡೆ ಪಾಯೆ, ಯಾನ್ ಮಳ್ಳೊಡು ಅಂದ್ ಈ ಯೆಂಕ್ ಕೊರಿ ಕೆಲಸ ತೀರಿ
- ೫ ಸಾಯೆ. ಅವ್ಯಾ ಲೋಕ ಉಪ್ಪುನೆಕ್ ದುಂಬು ನಿನ ಕೈತಳೆ ಯೆಂಕ್ ಇತ್ತಿ
- ೬ ಮಹಿಮೆಡ್ ಯೆನನ್ ಇತ್ತೆ ನಿನ ಕೈತಳೆ ಮಹಿಮೆ ಪಡೆಪಾಲ. ಲೋಕದ ಉಳಯಿಡ್ ಈ ಯೆಂಕ್ ಕೊರಿ ನರಮಾನ್ಯೆರೆಗ್ ಯಾನ್ ನಿನ ಪುರರ್ನ್ ತೆರಿ ಪಾಯೆ. ನಿನ್ನಾಕುಳು ಆದಿತ್ತೆರ್, ಆಕುಳೆನ್ ಯೆಂಕ್ ಕೊರಿಯ, ಆಕುಳು ನಿನ
- ೭ ಪಾತೆರೊನು ಕೈಕೊಂಡೆರ್. ಈ ಯೆಂಕ್ ಕೊರಿನವು ಮಾತಲಾ ನಿನಡ್ ಉಂಡು
- ೮ ಅಂದ್ ಇತ್ತೆ ಪಿದುಕೊಂಡೆರ್. ದಾಯೆಗಂದಂಡ ಈ ಯೆಂಕ್ ಕೊರಿ ಪಾತೆ ರೊಳೆನಾ ಯಾನ್ ಆಕುಳೆಗ್ ಕೊರಿಯೆ, ಆಕುಳು ಅವೆನ್ ದೆತ್ತೊಣ್ಣು ಯಾನ್

ನಿನ ಕೈತಳೆದ್ದ ಪಿದಾಡಿಯೆ ಅಂದೆದ್ ನಿಜಾದ್ ಪಿದುಕೊಣ್ಣು ಈ ಯೆಸನ್
 ಕಡವುಡಿಯೆ ಅಂದೆದ್ ನಂಬಿಯೆರ್. ಯಾನ್ ಆಕುಳೆಗ್ ಬೋಡಾದ್ ನಟ್ಟೊಣ್ಣು
 ಣುವೆ, ಲೋಕೊಗು ಬೋಡಾದ್ ಅತ್ತ, ಈ ಯೆಂಕ್ ಕೊರಿನಾಕುಳೆಗ್ ಬೋ
 ೧೦ ಡಾದ್, ನಿನ್ನಾಕುಳು ಆದುವುನೆಡ್ ನಟ್ಟೊಣ್ಣುವೆ. ಉಂದತ್ತಂದೆ ಯೆನ್ನವು
 ಮಾತಲಾ ನಿನ್ನವು, ನಿನ್ನವು ಯೆನ್ನವು ಆದುಂಡು, ಯಾನ್ ಆಕುಳೆಡ್ ಮಹಿಮೆ
 ೧೧ ಪಡೆವೊಣ್ಣುಳ್ಳೆ. ಯಾನ್ ನನ ಲೋಕೊಡು ಉಪ್ಪುಜೆ, ಮೋಕುಳಾಂಡ ಲೋ
 ಕೊಡು ಉಳ್ಳೆರ್, ಯಾನ್ ನಿನ ಕೈತಡೆಗ್ ಬರ್ಪೆ. ಪರಿಶುದ್ಧ ಅವ್ಯಾ ಈ
 ಯೆಂಕ್ ಕೊರಿನಾಕುಳು ನಮಲೆಕ್ಕನೆ ಒಂಜೀ ಆದುವುಲೆಕ್ಕ ನಿನ ಪುದರ್ಡ್
 ೧೨ ಆಕುಳೆನ್ ಕಾತೊಣ್ಣು. ಲೋಕೊಡು ಆಕುಳೆಡೊಪ್ಪ ಉಪ್ಪುನಗ ಯಾನ್ ಆಕು
 ಳೆನ್ ನಿನ ಪುದರ್ಡ್ ಕಾತೊಂಡೆ, ಈ ಯೆಂಕ್ ಕೊರಿನಾಕುಳೆನ್ ಕಾತೊಂಡೆ;
 ಬರವು ಪೂರ್ತಿ ಆಸಿಲೆಕ್ಕ ನಾಶನದ ಮಗೆ ಅತ್ತಂದೆ ಆಕುಳೆಡ್ ಒರಿಲಾ ನಾಶ
 ೧೩ ನಾದ್ ಪೋಯಿಜೆ. ಇತ್ತೆ ಆಂಡ ನಿನ ಕೈತಡೆಗ್ ಬರ್ಪೆ, ಯೆನ ಸಂತೋಷ
 ೧೪ ಆಕುಳೆಡ್ ಪೂರ್ತಿ ಆದುವುಲೆಕ್ಕ ಉಂದೆನ್ ಲೋಕೊಡು ಪಾತೆರುವೆ, ಯಾನ್
 ಆಕುಳೆಗ್ ನಿನ ಪಾತೆರೊನು ಕೊರಿಯೆ, ಯಾನ್ ಲೋಕದಾಯೆ ಆದುವುಂದಿ
 ಲೆಕ್ಕನೆ ಆಕುಳು ಲೋಕದಾಕುಳು ಅತ್ತಂದಿನೆಡ್ ಲೋಕ ಆಕುಳೆನ್ ಪಗೆ
 ೧೫ ಮಳ್ಳುಂಡು. ಈ ಆಕುಳೆನ್ ಲೋಕೊಡ್ ದೆವ್ವೊಡು ಅಂದೆದ್ ಅತ್ತ, ಪಡಿ
 ಕೆಂತಿನಾಯ ಕೈಕ್ ಆಕುಳೆನ್ ತಸ್ವಾದ್ ಕಾತೊಣೊಡು ಅಂದೆದ್ ನಟ್ಟೊಣ್ಣುವೆ.
 ೧೬ ಯಾನ್ ಲೋಕದಾಯೆ ಆದುವುಂದಿಲೆಕ್ಕನೆ ಆಕುಳು ಲೋಕದಾಕುಳು ಅತ್ತ.
 ೧೭ ಆಕುಳೆನ್ ನಿನ ಸತ್ಯೊಡು ಪರಿಶುದ್ಧ ಮಳ್ಳುಲ, ನಿನ ಪಾತೆರ ಸತ್ಯನೆ.
 ೧೮ ಈ ಯೆಸನ್ ಲೋಕೊಗು ಕಡವುಡಿಲೆಕ್ಕನೆ ಯಾನ್‌ಲಾ ಆಕುಳೆನ್ ಲೋಕೊಗು
 ೧೯ ಕಡವುಡಿಯೆ. ಆಕುಳುಲಾ ಸತ್ಯೊಡು ಪರಿಶುದ್ಧದಾಕುಳು ಆದುವುಲೆಕ್ಕ
 ೨೦ ಯಾನ್ ಆಕುಳೆಗ್ ಬೋಡಾದ್ ಯೆಸನ್ ಪರಿಶುದ್ಧ ಮಳ್ಳೊಣ್ಣುವೆ. ಮೋಕು
 ಳೆಗ್ ಬೋಡಾದ್ ಮಾತ್ರ ಅತ್ತ, ಮೋಕುಳೆ ಪಾತೆರೊಡ್ ಯೆಸನ್ ನಂಬು
 ೨೧ ನಾಕುಳೆಗ್ ಬೋಡಾದ್‌ಲಾ ನಟ್ಟೊಣ್ಣುವೆ. ಎಂಚಂದೆಂಡ ಮಾತೆಲರ್ ಒಂಜೀ
 ಆದುವೊಡು, ಈ ಯೆಸನ್ ಕಡವುಡಿಯೆ ಅಂದೆದ್ ಲೋಕ ನಂಬುಲೆಕ್ಕ,
 ಅವ್ಯಾ ಈ ಯೆಸನ್ ಯಾನ್ ನಿನಡ್ ಉಪ್ಪುಲೆಕ್ಕನೆ ಆಕುಳುಲಾ ನಮಡ್
 ೨೨ ಒಂಜೀ ಆದುವೊಡು. ನಮ ಒಂಜೀ ಆದುವುಲೆಕ್ಕನೆ ಆಕುಳು ಒಂಜೀ ಆದುವು
 ೨೩ ಲೆಕ್ಕ ಈ ಯೆಂಕ್ ಕೊರಿ ಮಹಿಮೆನ್ ಯಾನ್ ಆಕುಳೆಗ್ ಕೊರಿಯೆ. ಆಕುಳು
 ಒಂಜೀಕ್ ಪೂರ್ತಿದಾಕುಳು ಆದುವುಲೆಕ್ಕಲಾ, ಈ ಯೆಸನ್ ಕಡವುಡಿಯೆ
 ಅಂದೆದ್, ಯೆಸನ್ ಪ್ರೀತಿ ಮಳ್ಳಿಲೆಕ್ಕನೆ ಆಕುಳೆನ್ ಪ್ರೀತಿ ಮಳ್ಳ ಅಂದೆದ್

ಲೋಕ ಪಿದುಕೊಣುಲೆಕ್ಕಲಾ, ಯಾನ್ ಆಕುಳೆಡ್, ಈ ಯೆನಡ್ ಉಪ್ಪೊಡು
 ೨೪ ಅಂದ್‌ದ್ ನಟ್ಟೊಣುವೆ. ಅಮ್ಮಾ ಈ ಯೆಂಕ್ ಕೊರಿನಾಕುಳು, ಲೋಕ
 ಉಂಡಾಪಿನೆಕ್ ದುಂಬು ಈ ಯೆನನ್ ಪ್ರೀತಿ ಮಲ್ತಿನೆಡ್ ಯೆಂಕ್ ಕೊರಿ ಯೆನ
 ಮಹಿಮೆನ್ ತೂಪಿಲೆಕ್ಕ ಯಾನ್ ಉಪ್ಪುನವುಳು ಆಕುಳುಲಾ ಯೆನ ಒಟ್ಟುಗು
 ೨೫ ಉಪ್ಪೊಡು ಅಂದ್‌ದ್ ಯೆಂಕ್ ಮನಸ್ ಉಂಡು. ನೀತಿದ ಅಮ್ಮಾ ಲೋಕ
 ನಿನನ್ ಪಿದುಕೊಂಡೆಜಿ, ಯಾನಾಂಡ ನಿನನ್ ಪಿದುಕೊಂಡೆ. ಮೋಕುಳುಲಾ
 ೨೬ ಈ ಯೆನನ್ ಕಡಪುಡಿಯ ಅಂದ್‌ದ್ ಪಿದುಕೊಂಡೆರ್. ಈ ಯೆಂಕ್ ಮಲ್ತಿ
 ಪ್ರೀತಿ ಆಕುಳೆಡ್ ಉಪ್ಪುಲೆಕ್ಕ, ಯಾನ್‌ಲಾ ಆಕುಳೆಡ್ ಉಪ್ಪುಲೆಕ್ಕ ಯಾನ್ ನಿನ
 ಪುದರ್‌ನ್ ಆಕುಳೆಗ್ ತೆರಿಪಾಯೆ, ಬೊಕ್ಕಲಾ ತೆರಿಪಾವೆ.

೧೮ ಸಂಧಿ

೧ ಯೇಸು ಉಂದೆನ್ ಪಂಡ್‌ದ್ ತನ ಶಿಷ್ಯೆರೆಡೊಪ್ಪ ಪಿದಾಡ್ಡ್ ಕೇದ್ರೊನು
 ಇನ್ನಿ ತಾರ್‌ದ ಆಪೆದಿಕ್ಕಗ್ ಪೋಯೆ. ಅವುಳು ಒಂಜಿ ತೋಟೆ ಇತ್ತಂಡ್,
 ೨ ಏತ ಉಳಯಿ ಆಯೆಲಾ ಆಯ ಶಿಷ್ಯೆರ್‌ಲಾ ಪೋಯೆರ್. ಯೇಸು ದಿಂಜ ಸರ್ತಿ
 ತನ ಶಿಷ್ಯೆರೆಡೊಪ್ಪ ಅವುಳು ಕೂಡ್ಡು ಬತ್ತಿನೆಡ್ ಆಯನ್ ಒಚ್ಚಿದ್‌ಕೊರಿ
 ೩ ಯೂದಗ್‌ಲಾ ಆ ಜಾಗ್ ಗೊಂತು ಇತ್ತಂಡ್. ಆಪಗ ಯೂದೆ ದಂಡ್‌ದಾಕು
 ಳೆನ್‌ಲಾ ಪ್ರಧಾನಯಾಜಕೆರೆ ಫರಿಸಾಯೆರೆ ಚಾಕ್ರಿದಾಕುಳೆನ್‌ಲಾ ದೆತ್ತೊಣ್ಣು
 ೪ ತೂಟಿ, ಜೇಟಿಗೆ, ಆಯುಧೊಳೆನ್ ಪತ್ತೊಣ್ಣು ಅಡೆಗ್ ಬತ್ತೆ. ಯೇಸು ತನ
 ಮಿತ್ತ್ ಬರ್ಪಿನವು ಮಾತೆನ್‌ಲಾ ಪಿದುಕೊಣು ಪಿದಾಡ್ಡ್ ಪೋದು ಆಕುಳೆಡ್—
 ೫ ಏರೆನ್ ನಾಡುವರ್ ಅಂದೆ. ಆಕುಳು ಆಯಗ್—ನಜರೆತುದ ಯೇಸುನು
 ಅಂದ್‌ದ್ ಉತ್ತರಕೊರಿಯೆರ್. ಯೇಸು ಆಕುಳೆಡ ಯಾನೇ ಇಂದೆ ಆಯನ್
 ೬ ಒಚ್ಚಿದ್‌ಕೊರಿ ಯೂದೆಲಾ ಆಕುಳೆ ಒಟ್ಟುಗು ಉಂತಿಯೆ. ಆಯೆ ಆಕುಳೆಡ
 ೭ ಯಾನೇ ಇನ್ನಗ ಆಕುಳು ಪಿರ ಪಿರ ಪೋದು ನೆಲಕ್ ಬೂರಿಯೆರ್. ಆಯೆ
 ಕುಡ ಆಕುಳೆಡ್—ಏರೆನ್ ನಾಡುವರ್ ಅಂದ್‌ದ್ ಕೇಂಡೆ. ಆಕುಳು—ನಜ
 ೮ ರೇತುದ ಯೇಸುನು ಅಂದೆರ್. ಯೇಸು ಉತ್ತರಕೊರ್ದು—ಯಾನೇ
 ಅಂದ್‌ದ್ ನಿಕುಳೆಗ್ ಪಂಡೆ, ಯೆನನ್ ನಾಡುವರ್ಡ್ ಮೋಕುಳೆನ್ ಪೋವೆರೆ
 ೯ ಬುಡುಲೆ ಅಂದ್‌ದ್ ಪಂಡೆ. ಈ ಯೆಂಕ್ ಕೊರಿನಾಕುಳೆಡ್ ಒರಿಯನ್‌ಲಾ
 ಯಾನ್ ಕಳೆವೊಂಡೆಜಿ ಅಂದ್‌ದ್ ಆಯೆ ಪಂಡಿ ಪಾತೆರ ಇಂಚೆನೆ ವೂರ್ತಿ
 ೧೦ ಆಂಡ್. ಆಪಗ ಸೀಮೋನು ಪೇತ್ರಿ ತನ್‌ಕ್ ಇತ್ತಿ ಕೈದನ್ ಒಯಿತದ್
 ಪ್ರಧಾನಯಾಜಕ ಚಾಕ್ರಿದಾಯಗ್ ಹಾಕ್‌ದ್ ಆಯೆ ಬಲತ ಕೆಬಿನ್ ಕಡ್ಡಿ.

- ೧೧ ಆ ಚಾಕ್ರಿದಾಯಗ್ ಮಲ್ಟೆ ಇನ್ನಿ ವುದರ್ ಇತ್ತ್ಂಡ್. ಆಪಗ ಯೇಸು ಪೇತ್ರಡ—ಕೈದನ್ ಉದೆಟ್ ಪಾಡ್, ಆಮ್ಮೆ ಯೆಂಕ್ ಕೊರಿ ಪಾತ್ರೊಡು ಯಾನ್ ಪರೊಡ್ಡಾ ಅಂದೆ.
- ೧೨ ಆಪಗ ದಂಡ್‌ದಾಕುಳುಲಾ ದಂಡ್‌ನಾಯಕೆಲಾ ಯೆಹೂದ್ಯೆರೆ ಚಾಕ್ರಿದಾಕು ೧೩ ಳುಲಾ ಯೇಸುನು ಪತ್ತದ್ ಕಟ್ಟದ್ ದುಂಬು ಅನ್ನ ಕೈತಡೆಗ್ ಕೊಂಡು ಪೋಯೆರ್. ದಾಯೆಗಂದ್‌ಂಡ ಆಯೆ ಆ ವರ್ಸದ ಪ್ರಧಾನಯಾಜಕೆ ಆಯಿ ೧೪ ಕಾಯಫಗ್ ತಮ್ಮಲೆ ಆದಿತ್ತೆ. ಈ ಕಾಯಫೆ—ಒರಿಯೇ ನರಮಾನಿ ಪ್ರಜೆಗ್ ಬೋಡಾದ್ ಸೈಪಿನವು ಎಡ್ಡೆ ಅಂದ್‌ದ್ ಯೆಹೂದ್ಯೆರೆಗ್ ಬುದ್ಧಿ ಪಂಡಿನಾಯೆ. ೧೫ ಸೀಮೋನು ಪೇತ್ರಲಾ ಬೊಕ್ಕೊರಿ ಶಿಷ್ಯೆಲಾ ಯೇಸು ಬಿರಿಯೆ ಪೋಯೆರ್. ಆ ಶಿಷ್ಯೆ ಪ್ರಧಾನಯಾಜಕಗ್ ಗುರ್ತದಾಯೆ ಆದಿತ್ತದ್ ಯೇಸುಡೊಪ್ಪ ಪ್ರಧಾನ ೧೬ ಯಾಜಕ ಮಠತ ಉಳಯಿ ಪೋಯೆ. ಪೇತ್ರೇ ಬಾಕಿಲ್‌ದ ಕೈತಳ್ ಪಿದಯಿ ಉಂತಿಯೆ. ಆಪಗ ಪ್ರಧಾನಯಾಜಕಗ್ ಗುರ್ತದಾಯೆ ಆದಿತ್ತೆ ಆ ಬೇತೆ ಶಿಷ್ಯೆ ಪಿದಯಿ ಬತ್ತದ್ ಕಾವಲ್‌ದಾಳೆಗ್ ಪಂಡ್‌ದ್ ಪೇತ್ರನ್ ಉಳಯಿ ೧೭ ಲೆತ್ತೊಣ್ಣು ಪೋಯೆ. ಆಪಗ ಕಾವಲ್‌ದ ಪೋಣ್ಣು ಪೇತ್ರಡ—ಈಲಾ ಈ ನರಮಾನ್ಯ ಶಿಷ್ಯೆರೆಡ್ ಒರಿ ಅತ್ತಾ ಅಂದಳ್. ಆಯೆ—ಯಾನ್ ಅತ್ತಾ ಇಂದೆ. ೧೮ ಆಳುಳುಲಾ ಚಾಕ್ರಿದಾಕುಳುಲಾ ಸಳಿ ಇತ್ತಿನೆಡ್ಡ್ ಮಜಿತ ತೂ ಮಳ್ತದ್ ಉಂತುದು ಸಳಿ ಕೈತೊಂಡೆರ್. ಪೇತ್ರಲಾ ಆಕುಳೆಡೊಪ್ಪ ಉಂತುದು ಸಳಿ ೧೯ ಕೈತೊಂಡೆ. ಆಪಗ ಪ್ರಧಾನಯಾಜಕೆ ಯೇಸುಡ ಆಯ ಶಿಷ್ಯೆರೆ ವಿಷಯೊಡು ೨೦ ಆಯ ಬೋಧನೆದ ವಿಷಯೊಡು ಕೇಂಡೆ. ಯೇಸು ಆಯಗ್ ಉತ್ತರಕೊರಿನಿ— ಯಾನ್ ಸದರ್‌ಡ್ ಲೋಕಡ ಪಾತೆರ್‌ದೆ, ಯೆಹೂದ್ಯೆರ್ ಮಾತೆರ್ ಕೊಡ್ಪು ಬರ್ಪಿ ಸಭೆ ಇಲ್ಲಡ್‌ಲಾ, ದೇರೆಲಯೊಡುಲಾ, ಯಾನ್ ಎಪಲಾ ಬೋಧನೆ ೨೧ ಕೊರ್ದು ಮದೆಟ್ ಪಾತೆರ್‌ಜಿ; ದಾಯೆಗ್ ಯೆನನ್ ಕೇಣುವ? ಕೇಂಡಿನಾಕುಳೆನ್—ಯಾನ್ ಆಕುಳೆಡ ಪಾತೆರಿನವು ದಾನೆ ಅಂದ್‌ದ್ ಕೇಣ್ಣ, ೨೨ ಇಂದಾ ಯಾನ್ ಪಂಡಿನವು ಆಕುಳೆಗ್ ಗೊಂತುಂಡು. ಆಯೆ ಉಂದೆನ್ ಪಣ್ಣಿಗ್ ಕೈತಳ್ ಉಂತಿ ಚಾಕ್ರಿದಾಕುಳೆಡ್ ಒರಿ—ಪ್ರಧಾನಯಾಜಕಗ್ ಇಂಚೆನೆ ಉತ್ತರಕೊರ್ಪನಾ ಅಂದ್‌ದ್ ಪಂಡ್‌ದ್ ಯೇಸುಗು ಒಂಜಿ ಪೆಟ್ಟು ಕೊರಿಯೆ. ೨೩ ಯೇಸು ಆಯಗ್ ಉತ್ತರಕೊರ್ದು—ಯಾನ್ ಪಡಿಕೆ ಪಾತೆರಿಯೆಡ ಆ ಪಡಿಕೆಂತಿನೆನ್ ತೋಜಾದ್ ಕೊರು, ಎಡ್ಡೆ ಆಂಡ ದಾಯೆಗ್ ಯೆನನ್ ಹಾಕುವ ೨೪ ಅಂದೆ. ಅನ್ನೆ ಆಯನ್ ಕಟ್ಟದ್ ಪ್ರಧಾನಯಾಜಕೆ ಆದುಪ್ಪು ಕಾಯಫ ಕೈತಡೆಗ್ ೨೫ ಕಡವುಡುದೆ. ಸೀಮೋನು ಪೇತ್ರೇ ಉಂತುದು ಸಳಿ ಕೈತೊಣುನಗ ಆಕುಳು

ಆಯಡ — ಈಲಾ ಆಯ ಶಿಷ್ಯೆರೆಡ್ ಬರಿ ಅತ್ತಾ ಅಂದೆರ್. ಆಯೆ ಅರೆಂಜಿದ್ —
 ೨೬ ಯಾನ್ ಅತ್ತಾ ಅಂದಾದ್ ಪಂಡೆ. ಪ್ರಧಾನಯಾಜಕ ಊಳಿಗದಾಕುಳೆಡ್ ಬರಿ,
 ಪೇತ್ರೈ ಕೆಬಿ ಕಡ್ತಿನಾಯುಗ್ ಸಂಸಾರದಾಯೆ — ಯಾನ್ ನಿನನ್ ತೋಟೊಡು
 ೨೭ ಆಯಡೊಪ್ಪ ತೂಯಿಜಿನಾ ಅಂದೆ. ಪೇತ್ರೈ ಕುಡ ಅರೆಂಜಿಯೆ; ಕೂಡ್ಲೆ ಕೋರಿ
 ಕೆಲೆತ್ಂಡ್.

೨೮ ಆಪಗ ಆಕುಳು ಯೇಸುನು ಕಾಯಪ ಕೈತಳ್ಡ್ ಅರಮನೆಗ್ ಕೊಂಡು
 ಪೋಯೆರ್, ಪುಲ್ಯಕೆಲ ಇತ್ತಂಡ್. ತನುಕುಳಾಂಡ ಮೈಲೆ ಆವಂದೆ ಪಸ್ಕನ್
 ೨೯ ತಿನ್ನಿಲೆಕ್ಕ ಅರಮನೆದ ಉಳಯಿ ಪೋಯಿಜೆರ್. ಐಕಾದ್ ಪಿಲಾತೆ ಆಕುಳೆ
 ಕೈತಡೆಗ್ ಪಿದಯಿ ಬತ್ತದ್ — ಈ ನರಮಾನ್ಯ ಮಿತ್ತ ವಾ ದೂರು ಪಾಡುವರ್
 ೩೦ ಅಂದಾದ್ ಕೇಂಡೆ. ಆಕುಳು ಉತ್ತರಕೊರ್ದು ಆಯಡ — ಇಂಬೆ ಪಡಿಕೆಂತಿ
 ನಾಯೆ ಆದಿತ್ತದ್ ಜೆಡ ಯೆಂಕುಳು ಆಯನ್ ನಿಕ್ಕೊ ಒಚ್ಚಿದ್ ಕೊರ್ತಯ
 ೩೧ ಅಂದೆರ್. ಪಿಲಾತೆ ಆಕುಳೆಡ — ನಿಕುಳೇ ಆಯನ್ ದೆತ್ತೊಣ್ಣು ನಿಕುಳೆ ನ್ಯಾಯ
 ಕಟ್ಟುಗ್ ತಕ್ಕ ತೀರ್ಪುಲೆ ಅನ್ನಗ, ಯೆಹೂದ್ಯೆರ್ ಆಯಡ — ಏರೆನ್ಲಾ ಕೆರಿ
 ೩೨ ಯೆರೆ ಯೆಂಕುಳೆಗ್ ಅಪ್ಪಣೆ ಇಜ್ಜಿ ಇಂದೆರ್. ಇಂಚಿನೆ — ತಾನ್ ಎಂಚೆತ್ತಿ ಮರ
 ಣೊಡು ಸೈಯೆರೆ ಉಳೆ ಅಂದಾದ್ ಯೇಸು ತೂವಾದ್ ಪಂಡಿ ಪಾತೆರ ಪೂರ್ತಿ
 ೩೩ ಆಂಡ್. ಆಪಗ ಪಿಲಾತೆ ಕುಡ ಅರಮನೆದ ಉಳಯಿ ಪೋದು ಯೇಸುನು
 ಲೆತ್ತದ್ ಆಯಡ — ಈ ಯೆಹೂದ್ಯೆರೆ ಅರಸು ಅಂದಾ ಅಂದಾದ್ ಕೇಣುನಗ
 ೩೪ ಯೇಸು ಆಯಗ್ ಉತ್ತರಕೊರ್ದು — ಈ ನಿನ್ನಾತೆಗ್ ಉಂದೆನ್ ಪಣನಾ
 ೩೫ ಇಜ್ಜಿಡ ಬೇತೆ ಜನ ನಿಕ್ಕೊ ಯೆನ ಸುದ್ದಿ ಪಂಡೆರಾ ಅಂದೆ. ಪಿಲಾತೆ ಉತ್ತರ
 ಕೊರ್ದು — ಯಾನ್ ಯೆಹೂದ್ಯೆನಾ? ನಿನ ಜನಾಂಗಲಾ ಪ್ರಧಾನಯಾಜಕೆರ್ಲಾ
 ೩೬ ನಿನನ್ ಯೆಂಕ್ ಒಚ್ಚಿದ್ ಕೊರಿಯೆರ್, ದಾನೆ ಮುಳ್ತ ಅನ್ನಗ, ಯೇಸು ಉತ್ತರ
 ಕೊರಿನಿ — ಯೆನ ರಾಜ್ಯ ಈ ಲೋಕದವು ಅತ್ತಾ, ಯೆನ ರಾಜ್ಯ ಈ ಲೋಕದವು
 ಆದಿತ್ತದ್ಂಡ ಯೆನನ್ ಯೆಹೂದ್ಯೆರೆಗ್ ಒಚ್ಚಿದ್ ಕೊರಂದಿಲೆಕ್ಕ ಯೆನ ಚಾಕ್ರಿ
 ೩೭ ದಾಕುಳು ಉಡುರ್ದೆರ್. ಆಂಡ ಇತ್ತೆ ಯೆನ ರಾಜ್ಯ ಮುಳ್ತವು ಅತ್ತಾ. ಪಿಲಾತೆ
 ಆಯಡ — ಅಂಚಾಂಡ ಈ ಅರಸು ಆದುಳ್ಳನಾ ಅಂದೆ. ಯೇಸು ಉತ್ತರಕೊರಿ
 ನಿ — ಈ ಪಣ್ಣಿನವು ಸರಿ, ಯಾನ್ ಅರಸು ಅಂದ್, ಸತ್ಯೊಗು ಸಾಕ್ಷಿ ಪಣಿಯೆರೆ
 ಉಂದೆಕ್ ಯಾನ್ ಪುಟ್ಟುದು ಉಂದೆಕ್ ಲೋಕೊಗು ಬತ್ತೆ; ಸತ್ಯದಾಯೆ
 ೩೮ ಎಲರ್ಲಾ ಯೆನ ಪಾತೆರೊನು ಕೇಣುವೆ. ಪಿಲಾತೆ ಆಯಡ — ಸತ್ಯ ದಾನೆ ಇಂದೆ.
 ಉಂದೆನ್ ಪಂಡಾದ್ ಕುಡ ಯೆಹೂದ್ಯೆರೆ ಕೈತಡೆಗ್ ಪಿದಯಿ ಬತ್ತದ್ ಆಕು
 ೩೯ ಳೆಡ — ಯೆಂಕ್ ಆಯಡ್ ಅಸರಾಧ ಒಂಬೆ ಆಂಡಲಾ ತೋಜುಜಿ; ಆಂಡ ಯಾನ್

ಪಸ್ಕಡ್ ನಿಕುಳೆಗ್ ಒರಿಯನ್ ಬುಡುದು ಕೊರ್ಪಿನವು ಕಟ್ಟಳೆ ನಿಕುಳೆಗ್ ಉಂಡು, ಅಂಚಾಯಿನೆಡ್ ಯಾನ್ ನಿಕುಳೆಗ್ ಯೆಹೂದ್ಯೆರೆ ಅರಸುನು ಬುಡುದು ೪೦ ಕೊರೊಡಾ ಅಂದೆ. ಆಪಗ ಕುಡ ಮಾತೆಲರ್— ಇಂಬ್ಯನ್ ಅತ್ತ, ಬರಬ್ಬನ್ ಅಂದ್‌ದ್ ಬುಳ್ತೆರ್. ಆಂಡ ಬರಬ್ಬೆ ಕಳುವೆ ಆದಿತ್ತೆ.

೧೯ನೆ ಸಂಧಿ

- ೧ ಆಪಗ ಪಿಲಾತೆ ಯೇಸುನು ದೆತ್ತೊಣ್ಣು ಚೆಡಿ ಹಾಕಾಯೆ. (೨) ದಂಡ್‌ದಾ ಕುಳು ಮುಳ್ಳುಡ್ಡು ಕಿರೀಟೆ ನೆಯಿದ್ ಆಯ ತರೆತ ಮಿತ್ತ್ ದೀದ್ ಕೆಂಪು ಒಲ್ಲಿ
- ೨ ಆಯಗ್ ವೊದೇತ್‌ದ್— ಯೆಹೂದ್ಯೆರೆ ಅರಸೋ ನಿಕ್ಕೊ ಎಡ್ಡೆ ಆವಡ್ ಅಂದ್‌ದ್
- ೪ ಪಂಡ್‌ದ್ ಆಯಗ್ ಪೆಟ್ಟು ಕೊರಿಯೆರ್. ಆಪಗ ಪಿಲಾತೆ ಕುಡ ಪಿದಯಿ ಬತ್ತದ್ ಆಕುಳೆಡ್— ಇಂದಾ ಯೆಂಕ್ ಆಯಡ್ ಅಪರಾಧ ಒಂಜಿ ಆಂಡಲಾ ತೋಜುಜಿ ಅಂದ್‌ದ್ ನಿಕುಳು ಪಿದುಕೊಣುಲೆಕ್ಕ ಯಾನ್ ಆಯನ್ ನಿಕುಳೆಗ್
- ೫ ಪಿದಯಿ ಕೊಂಡುಬರ್ಪೆ ಅಂದ್‌ದ್ ಪಂಡೆ. ಇಂಚೆನೆ ಯೇಸು ಮುಳ್ಳುದ ಕಿರೀಟೆ ದೀದ್ ಕೆಂಪು ಒಲ್ಲಿ ವೊದೇತ್‌ದ್ ಪಿದಯಿ ಬತ್ತೆ. ಪಿಲಾತೆ ಆಕುಳೆಡ್—
- ೬ ಇಂದಾ ನರಮಾನಿ ಅಂದೆ. ಪ್ರಧಾನಯಾಜಕೆರ್‌ಲಾ ಚಾಕ್ರಿದಾಕುಳುಲಾ ಆಯನ್ ತೂನಗ— ಕ್ರಿಸ್ತುಗು ಪತ್ತಾಲ ಕ್ರಿಸ್ತುಗು ಪತ್ತಾಲ ಅಂದ್‌ದ್ ಬುಳ್ತೆರ್. ಪಿಲಾತೆ ಆಕುಳೆಡ್— ನಿಕುಳೆ ಆಯನ್ ದೆತ್ತೊಣ್ಣು ಕ್ರಿಸ್ತುಗು ಪತ್ತಾಲೆ,
- ೭ ಯೆಂಕ್ ಆಯಡ್ ಅಪರಾಧ ತೋಜುಜಿ ಇಂದೆ. ಯೆಹೂದ್ಯೆರ್ ಆಯಗ್ ಉತ್ತರಕೊರ್ದುರ್— ಯೆಂಕುಳೆಗ್ ಒಂಜಿ ನ್ಯಾಯಕಟ್ಟು ಉಂಡು, ಯೆಂಕುಳೆ ನ್ಯಾಯಕಟ್ಟುಗ್ ತಕ್ಕ ಆಯೆ ಸೈಯೊಡಾವುಂಡು, ದಾಯೆಗಂದ್‌ಂಡ ಆಯೆ
- ೮ ತನನ್ ದೇವರೆ ಮಗೆ ಮಳ್ಳೊಂಡೆ ಇಂದೆರ್. ಪಿಲಾತೆ ಈ ಪಾತೆರೊನು ಕೇಣ್
- ೯ ನಗ ಹೆಚ್ಚ ವೋಡಿದ್, ಕುಡ ಅರಮನೆದ ಉಳಯಿ ವೋದು ಯೇಸುಡ್— ಈ ಒಳ್ತಾಯೆ ಅಂದ್‌ದ್ ಪಂಡೆ. ಆಂಡ ಯೇಸು ಆಯಗ್ ಉತ್ತರಕೊರ್‌ಜೆ.
- ೧೦ ಪಿಲಾತೆ ಆಯಡ ಪಂಡಿನಿ— ಈ ಯೆನಡೊಪ್ಪ ಪಾತೆರುಜನಾ? ನಿನನ್ ಕ್ರಿಸ್ತುಗು ಪತ್ತಾವೆರೆ ಯೆಂಕ್ ಅಧಿಕಾರ ಉಂಡು, ನಿನನ್ ಬುಡಿಯೆರೆ ಯೆಂಕ್ ಅಧಿಕಾರ
- ೧೧ ಉಂಡು ಅಂದ್‌ದ್ ಪಿನಯನಾ? ಯೇಸು ಉತ್ತರಕೊರ್ದುರ್— ಮಿತ್ತಡ್ಡ್ ಕೊರ್ತೆಜಿಡ ನಿಕ್ಕೊ ಯೆನ ಮಿತ್ತ್ ದಾಲಾ ಅಧಿಕಾರ ಇತ್ತದ್ವಂದ್, ಉಂದೆ ಕಾವ್ ಯೆನನ್ ನಿಕ್ಕೊ ಒಚ್ಚಿದ್‌ಕೊರಿನಾಯಗ್ ಹೆಚ್ಚ ಪಾಪ ಉಂಡು ಅಂದೆ.
- ೧೨ ಐಕಾದ್ ಪಿಲಾತೆ ಆಯನ್ ಬುಡಿಯೆರೆ ತೂಯೆ. ಆಂಡ ಯೆಹೂದ್ಯೆರ್— ಇಂಬ್ಯನ್ ಬುಡುಪಡ ಈ ಕೈಸರ ಸ್ನೇಹಿತೆ ಅತ್ತ, ತನನ್ ಅರಸು ಮಳ್ಳೊಣು

- ೧೩ ನಾಯೆ ಪಿಲಾತ್ ಕೈಸರಗ್ ವಿರೋಧಾದ್ ಪಾತೆರುವೆ ಅಂದ್‌ದ್ ಬಾಯಿ ಮುಕ್ತೆರ್.
 ಆಪಗ ಪಿಲಾತೆ ಈ ಪಾತೆರೊನು ಕೇಂಡ್‌ದ್ ಯೇಸುನು ಪಿದಯಿ ಲೆತ್ತೊಣ್ಣು
 ಬತ್ತದ್ ಕಲ್ಲುಕಟ್ಟಣೆ ಇನ್ನಿನವು ಹೆಬ್ರಿ ಪಾತೆರೊಡು ಗಬ್ಬಥ ಅಂದ್‌ದ್ ಪಣ್ಣೆ
- ೧೪ ಜಾಗ್‌ಡ್ ಗದ್ದಿಗಿದ ಮಿತ್ತಾ ಕುಳ್ಳಿಯೆ. ಆಂಡ ಪಸ್ಕುಗ್ ಸಿದ್ಧಮಳ್ಳು ದಿನ
 ಇತ್ತಂಡ್, ಹೆಚ್ಚಿ ಕಡಮೆ ಆಜನೆ ತಾನ್. ಆಪಗ ಆಯೆ ಯೆಹೂದ್ಯೆರೆಡ್—
- ೧೫ ಇಂದಾ ನಿಕುಳೆ ಅರಸು ಅಂದೆ. ಆಕುಳು—ಆಯನ್ ದೆತ್ತದ್ ಪಾಡ್ಲ, ದೆತ್ತದ್
 ಪಾಡ್ಲ, ಕ್ರಿಸ್ತುಗು ಪತ್ತಾಲ ಅಂದ್‌ದ್ ಬುಕ್ತೆರ್. ಪಿಲಾತೆ ಆಕುಳೆಡ್—
 ಯಾನ್ ನಿಕುಳೆ ಅರಸುನು ಕ್ರಿಸ್ತುಗು ಪತ್ತಾವೊಡಾ ಅಂದೆ. ಪ್ರಧಾನ
 ಯಾಜಕೆರ್ ಉತ್ತರಕೊರ್ದು ಕೈಸರೆ ಆತ್ತಂದೆ ಯೆಂಕುಳೆಗ್ ಅರಸು ಇಜಿ
- ೧೬ ಇಂದೆರ್. ಆಪಗ ಆಯನ್ ಕ್ರಿಸ್ತುಗು ಪತ್ತಾವುಲೆಕ್ಕ ಆಕುಳೆಗ್ ಒಚ್ಚಿದ್
 ಕೊರಿಯೆ; ಬೊಕ್ಕ ಆಕುಳು ಯೇಸುನು ದೆತ್ತೊಣ್ಣು ಕೊಂಡುವೊಯೆರ್.
- ೧೭ ಆಯೆ ತನ ಕ್ರಿಸ್ತುನು ತುಂಬೊಣ್ಣು ಹೆಬ್ರಿ ಪಾತೆರೊಡು ಗೊಲ್ಲಥ ಅಂದ್‌ದ್
 ೧೮ ಪಣ್ಣೆ ಕಪಲ ಜಾಗ್‌ದಡೆಗ್ ಪಿದಾಡ್ಡ್ ಪೊಯೆ. ಅವುಳು ಆಕುಳು ಆಯ
 ನ್‌ಲಾ ಆಯ ಒಟ್ಟುಗು ಬೇತೆ ಇರುವೆರೆನ್‌ಲಾ ಕ್ರಿಸ್ತುಗು ಪತ್ತಾಯೆರ್,
- ೧೯ ಅಂಚೆಡ್ ಇಂಚೆಡ್ ಆಕುಳೆನ್, ನಡುಟು ಯೇಸುನು. ಬೊಕ್ಕ ಪಿಲಾತೆ
 ಮೇಲ್ಬರವುನು ಬರೆದ್ ಕ್ರಿಸ್ತುನ ಮಿತ್ತಾ ಪತ್ತಾಯೆ, ಐಟ್ — ನಜರೆತುದ ಯೇಸು,
- ೨೦ ಯೆಹೂದ್ಯೆರೆ ಅರಸು ಅಂದ್‌ದ್ ಬರೆತ್‌ಂಡ್. ಯೇಸುನು ಕ್ರಿಸ್ತುಗು ಪತ್ತಾದಿ
 ಜಾಗ್ ಪಚ್ಚೊಗು ಮುಟ್ಟಿ ಇತ್ತಿನೆಡ್ ಯೆಹೂದ್ಯೆರೆಡ್ ದಿಂಜ ಮಂದೆ ಈ
 ಮೇಲ್ಬರವುನು ಓದಿಯೆರ್, ಅವು ಹೆಬ್ರಿ ಗ್ರೀಕಿ ರೋಮಾನಿ ಪಾತೆರೊಳೆಡ್ ಬರೆ
- ೨೧ ತ್‌ಂಡ್. ಅಂಚಾದುವುನಗ ಯೆಹೂದ್ಯೆರೆ ಪ್ರಧಾನಯಾಜಕೆರ್ ಪಿಲಾತಡ
 ಪಂಡಿನಿ — ಯೆಹೂದ್ಯೆರೆ ಅರಸು ಅಂದ್‌ದ್ ಆತ್ತ, ತಾನ್ ಯೆಹೂದ್ಯೆರೆ
- ೨೨ ಅರಸು ಆದುಳ್ಳೆ ಅಂದ್‌ದ್ ಆಯೆ ಪಂಡೆ ಅಂದ್‌ದ್ ಬರೆಲ. ಪಿಲಾತೆ ಉತ್ತರ
 ಕೊರ್ದು — ಯಾನ್ ಬರೆತಿನೆನ್ ಬರೆತೆ ಇಂದೆ.
- ೨೩ ದಂಡ್‌ದಾಕುಳು ಯೇಸುನು ಕ್ರಿಸ್ತುಗು ಪತ್ತಾಯಿ ಬೊಕ್ಕ ಆಯ ಕುಂಟು
 ಳೆನ್ ದೆತ್ತೊಣ್ಣು ಒರಿ ಒರಿ ದಂಡ್‌ದಾಯಗ್ ಒಂಜೊಂಜಿ ಪಾಲಾದ್ ನಾಲ್
 ಪಾಲ್ ಮುಕ್ತೆರ್. ಅಂಗಿನ್‌ಲಾ ದೆತ್ತೊಂಡೆರ್. ಅಂಗಿ ಪೊಲ್ಲಿಗೆದಾಂತೆ ಇಡೀಲ
- ೨೪ ನೆಯಿಗಿದವು ಆದಿತ್ತಿನೆಡ್, ನಮ ಅವೆನ್ ತುಂಡು ಮಳ್ಳಂದೆ ಎರೆಗ್ ತಿಕ್ಕು
 ಅಂದ್‌ದ್ ಐಕ್ ಬೋಡಾದ್ ಚೀಟ್ ಪಾಡ್‌ಗ ಅಂದ್‌ದ್ ತನುಕುಳೆ ಉಳಯಿ
 ಪಾತೆರೊಂಡೆರ್. ಆಕುಳು ಯೆನ ಕುಂಟುಳೆನ್ ತನುಕುಳೆಡ್ ಪಾಲ್ ಮಳ್ಳೊಣ್ಣು
 ಯೆನ ಅಂಗಿಗಾದ್ ಚೀಟ್ ಪಾಡಿಯೆರ್ ಇನ್ನಿ ಬರವು ಇಂಚೆನೆ ನಡತ್‌ದ್

- ೨೫ ಬತ್ತಂಡ್; ಉಂದೆನ್ ದಂಡ್‌ದಾಕುಳು ಮತ್ತೆರ್. ಆಂಡ ಯೇಸು ಕ್ರಿಸ್ತು ದ ಕೈತಳ್ ಆಯ ಅಪ್ಪೆಲಾ ಆಯ ಅಪ್ಪೆ ಸಹೋದರಿ ಕ್ಲೋಪ ಬೊಡೆದಿ ಆದುಪ್ಪು
- ೨೬ ಮರಿಯಲಾ ಮಗ್ಗಲದ ಮರಿಯಲಾ ಉಂತಿಯೆರ್. ಅಪ್ಪೆನ್‌ಲಾ ತಾನ್ ಪ್ರೀತಿ ಮುಕ್ತಿ ಶಿಷ್ಯ ಕೈತಳ್ ಉಂತುನೆನ್‌ಲಾ ಯೇಸು ತೂದು ಅಪ್ಪೆಡ-ವೊಣ್ಣವೇ
- ೨೭ ಇಂದಾ ನಿನ ಮಗೆ ಅಂದೆ. ಬೊಕ್ಕ ಶಿಷ್ಯಡ-ಇಂದಾ ನಿನ ಅಪ್ಪೆ ಅಂದೆ. ಆ
- ೨೮ ಘಳಿಗೆಡ್ಡೇ ಶಿಷ್ಯ ಆಳೆನ್ ತನ ಇಲ್ಲಡ್ ಶೇರಾವೊಂಡೆ. ಉಂದೆಡ್ ಬೊಕ್ಕ ಯೇಸು ಮಾತಲಾ ತೀರ್ಂಡ್ ಅಂದ್‌ದ್ ಪಿದುಕೊಣ್ಣು ಬರವು ಪೂರ್ತಿ ಆಪಿ
- ೨೯ ಲೆಕ್ಕ-ಯೆಂಕ್ ಬಾಜೆಲ್ ಆವುಂಡು ಅಂದ್‌ದ್ ಪಂಡೆ. ಅವುಳು ಸಿರ್ಕ ದಿಂಜ್‌ದಿ ಬಾಜನ ಇತ್ತಂಡ್. ಆಕುಳು ವಾಚೆನ್ ಸಿರ್ಕೊಡು ಮುರ್ಕಾದ್ ಹಿಸ್ತೊವುದ ಕೋಲುಗು ಸುಂದುದು ಆಯ ಬಾಯಿದಡೆಗ್ ಪತ್ತಿಯೆರ್.
- ೩೦ ಯೇಸು ಸಿರ್ಕೊನು ದೆತ್ತೊಂಡಿ ಬೊಕ್ಕ-ತೀರ್ಂಡ್ ಅಂದ್‌ದ್ ಪಂಡ್‌ದ್ ತರೆನ್ ಬಗ್ಗಾದ್ ಆತ್ಮೊನು ಒಚಿ ದ್‌ಕೊರಿಯೆ.
- ೩೧ ಆನಿ ಸಿದ್ಧಮುಳ್ಳು ದಿನ ಆದಿತ್ತಿನೆಡ್‌ಲಾ ಆ ಸಬ್ಬತು ಮಲ್ಲ ದಿನ ಆದಿತ್ತಿನೆ ಡ್ಲಾಲಾ ಸಬ್ಬತುಡು ಶರೀರೊಳು ಕ್ರಿಸ್ತುಡು ಒರಿಯಂದಿಲೆಕ್ಕ ಯೆಹೂದ್ಯೆರ್ ಆಕುಳೆ ಕಾರ್ ಪೊಲ್ತುದು ಆಕುಳೆನ್ ಕೊಂಡುಪೋವೆರೆ ಪಿಲಾತಡ ನಟ್ಟೊಂಡೆರ್.
- ೩೨ ಆಪಗ ದಂಡ್‌ದಾಕುಳು ಬತ್ತದ್ ಆಯ ಒಟ್ಟುಗು ಕ್ರಿಸ್ತುಗು ಪತ್ತಾದಿ ದುಂಬು
- ೩೩ ದಾಯನವಲಾ ರಡ್ಡನೆದಾಯನವಲಾ ಕಾರ್ ಪೊಲ್ತೆರ್. ಆಕುಳು ಯೇಸು ಕೈತಳ್ ಬತ್ತದ್, ಆಯೆ ಸೈತ್‌ಪೋತಿನೆನ್ ತೂದು ಆಯ ಕಾರ್ ಪೊಲ್ತೆಜೆರ್.
- ೩೪ ಆಂಡ ದಂಡ್‌ದಾಕುಳೆಡ್ ಒರಿ ತಪಲೊಡ್ಡು ಆಯ ಮರ್ಗಿಲ್‌ಗ್ ಬೆತ್ತೈ, ಆಪಗನೆ
- ೩೫ ನೆತ್ತೆರ್‌ಲಾ ನೀರ್‌ಲಾ ಪಿದಾಡ್‌ಂಡ್. ತೂಯಿನಾಯೆ ಸಾಕ್ಲಿ ಪಣ್ಣೆ, ಆಯ ಸಾಕ್ಲಿ ನಿಜನೇ, ನಿಕುಳುಲಾ ನಂಬುಲೆಕ್ಕ ಸತ್ಯ ಪಣ್ಣೆ ಅಂದ್‌ದ್ ತಾನ್ ಪಿಂಬೆ.
- ೩೬ ದಾಯೆಗಂದ್‌ಂಡ ಐತ ಎಲುನು ಪೊಲ್ತೆರೆ ಆವಂದ್ ಇನ್ನಿ ಬರವು ಪೂರ್ತಿ
- ೩೭ ಆಪಿಲೆಕ್ಕ ಉಂದು ಆಂಡ್. ಕುಡ ಬೇತೆ ಬರವು ತನುಕುಳು ಬೆತ್ತಿನಾಯನ್ ತೂವೆರ್ ಅಂದ್‌ದ್ ಪಣ್ಣುಂಡು.
- ೩೮ ಉಂದೆಡ್ ಬೊಕ್ಕ ಅರಿಮಥಾಯದ ಯೋಸೇಫು, ಯೆಹೂದ್ಯೆರೆ ಪೋಡಿಗಿ ಗಾದ್ ಗುಟ್ಟುಡು ಯೇಸು ಶಿಷ್ಯ ಆದಿತ್ತಿನಾಯೆ, ಯೇಸು ಶರೀರೊನು ಕೊಂಡು ಪೋವೆರೆ ಪಿಲಾತಡ ನಟ್ಟೊಂಡೆ. ಪಿಲಾತೆ ಅಪ್ಪಣೆ ಕೊರಿಯೆ. ಆಯೆ ಬತ್ತದ್
- ೩೯ ಯೇಸು ಶರೀರೊನು ಕೊಂಡುಪೋಯೆ. ದುಂಬು ರಾತ್ರೆಡ್ ಯೇಸು ಕೈತಡ್‌ಗ್ ಬತ್ತಿ ನಿಕೊದೇಮುಲಾ ಹೆಚ್ಚಿಕಡಮೆ ನೂದು ಸೇರ್ ರಕ್ತಬೋಳ ಅಗೆಲ್‌ಗಂಧ
- ೪೦ ಬಿರಾದ್ ಕೊಂಡು ಬತ್ತೆ. ಆಕುಳು ಯೇಸು ಶರೀರೊನು ದೆತ್ತೊಣ್ಣು ಯೆಹೂ

ದೈರೆಗ್ ಕೌಂಪೆರೆ ಕಟ್ಟಳೆ ಇತ್ತಿಲೆಕ್ಕನೆ ಅವೆನ್ ಗಂಧಸರಕ್‌ಡೊಪ್ಪ ಕುಂಟುಳೆಡ್
 ೪೧ ಕಟ್ಟಿಯೆರ್. ಆಯನ್ ಕ್ರಸ್ಸುಗು ಪತ್ತಾದಿ ಜಾಗ್‌ಡ್ ಒಂಜಿ ತೋಟ, ಆ
 ತೋಟೊಡು ಏರೆನ್‌ಲಾ ಏಪಲಾ ದೀವಂದಿ ವೊಸ ಸಮಾಧಿ ಇತ್ತಾಂಡ್.
 ೪೨ ಆ ಸಮಾಧಿ ಮುಟ್ಟು ಇತ್ತಿನೆಡ್ ಯೆಹೂದ್ಯೆರೆ ಸಿದ್ಧಮಳ್ಳು ದಿನೊಕಾದ್
 ಆಕುಳು ಯೇಸುನು ಅವುಳೇ ದೀಯೆರ್.

೨೦ನೆ ಸಂಧಿ

೧ ವಾರದ ದುಂಬುದ ದಿನೊಟು ಮಗ್ಗಲದ ಮರಿಯ ಪುಲ್ಯಕೆಲೊಗು ನನಲಾ
 ಕತ್ತಲೆ ಉಪ್ಪನಗ ಸಮಾಧಿದಡೆಗ್ ಬತ್ತಾದ್ ಕಲ್ಲನ್ ಗುರಿಡ್ ಪೊರೆತದಿನೆನ್
 ೨ ತೂಯಳ್. ಬೊಕ್ಕ ಆಳ್ ಸೀವೋನು ಪೇತ್ರೇಲಾ ಯೇಸು ಪ್ರೀತಿ ಮಳ್ಳಿ ಆ
 ಬೊಕ್ಕೊರಿ ಶಿಷ್ಯೆಲಾ ಇತ್ತಿನಡೆಗ್ ಪಾರ್ ಪೋದು ಆಕುಳೆಡ್—ಕರ್ತವನ್
 ಸಮಾಧಿಡ್ ಕೊಂಡುಪೋತೆರ್, ಆಯನ್ ಓಳು ದೀತೆರಾ ಯೆಂಕುಳೆಗ್
 ೩ ಗೊಂತಿಜ್ಜಿ ಇಂದಳ್. ಆಪಗ ಪೇತ್ರೇಲಾ ಆ ಬೊಕ್ಕೊರಿ ಶಿಷ್ಯೆಲಾ ಪಿದಾಡ್
 ೪ ಸಮಾಧಿದಡೆಗ್ ಪೋನಗ ಇರುವೆರ್‌ಲಾ ಒಟ್ಟುಗು ಪಾರಿಯೆರ್. ಆ ಬೊಕ್ಕೊರಿ
 ೫ ಶಿಷ್ಯೆ ಪೇತ್ರಡ್ ಬೀಸ ಪಾರಾದ್ ದುಂಬು ಸಮಾಧಿದಡೆಗ್ ಬತ್ತಾದ್ ನಿಲ್ಕಾದ್
 ೬ ಕುಂಟು ದೀತಿನೆನ್ ತೂಯೆ; ಆಂಡ ಉಳಯಿ ಪೋಯಿಜೆ. ಸೀವೋನು
 ಪೇತ್ರೇಲಾ ಆಯ ಬೆರಿಯೆ ಬತ್ತಾದ್ ಸಮಾಧಿದ ಉಳಯಿ ಪೋದು, ಕುಂಟು
 ೭ ದೀತಿನೆನ್‌ಲಾ ಆಯ ತರೆಕ್ ಕಟ್ಟಾದಿ ಎಲತ್ರ ಬೀತೆ ಕುಂಟುಡೊಪ್ಪ ದೀದ್
 ೮ ಉಪ್ಪಂದೆ ಒತ್ತರೆ ಒಂಜಿ ಜಾಗ್‌ಡ್ ಮಡಿತ್‌ದ್ ದೀತಿನೆನ್‌ಲಾ ತೂಯೆ. ಆಪಗ
 ದುಂಬು ಸಮಾಧಿದ ಕೈತಡೆಗ್ ಬತ್ತಿ ಆ ಬೊಕ್ಕೊರಿ ಶಿಷ್ಯೆಲಾ ಉಳಯಿ ಪೋದು,
 ೯ ತೂದು ನಂಬಿಯೆ. ಆಯೆ ಸೈತಿನಾಕುಳೆಡ್ ಲಕ್ಕೊಡು ಇನ್ನಿ ಬರವು ಆಕುಳೆಗ್
 ೧೦ ತೆಂಬುಡ್ಲಾ ತೆರಿಜೆ. ಬೊಕ್ಕ ಶಿಷ್ಯೆರ್ ತನುಕುಳೆ ಇಲ್ಲಡೆಗ್ ಪಿರ ಪೋಯೆರ್.
 ೧೧ ಆಂಡ ಮರಿಯ ಸಮಾಧಿದಳ್ಳ ಪಿದಯಿ ಅರೊಣ್ಣು ಉಂತಿಯಳ್. ಆಳ್
 ೧೨ ಅರ್ನಗ ಸಮಾಧಿದ ಉಳಯಿ ನಿಲ್ಕಾದ್, ಯೇಸು ಶರೀರ ದೀತಿನವುಳು ಬೊಲ್ಪು
 ಕುಂಟು ಪಾಡೊಂಡಿ ಇರುವೆರ್ ದೂತೆರ್, ಒರಿ ತರೆತಳ್ಳ ಒರಿ ಕಾರ್‌ದಳ್ಳ ಕುಳ್ಳು
 ೧೩ ದಿನೆನ್. ತೂಯಳ್. ಆಕುಳು ಆಳೆಡ್—ಪೋಣ್ಣವೇ ದಾನೆ ಅರ್ಪ ಅಂದೆರ್.
 ಆಳ್ ಆಕುಳೆಡ್—ಯೆನ್ ಕರ್ತವನ್ ಕೊಂಡುಪೋಯೆರ್, ಆಯನ್ ಓಳು
 ೧೪ ದೀತೆರಾ ಯೆಂಕ್ ಗೊಂತಿಜ್ಜಿ ಇಂದಳ್. ಉಂದೆನ್ ಪಂಡ್‌ದ್ ಪಿರ ಪಿಜಿರ್‌ದ್
 ಯೇಸು ಉಂತುನೆನ್ ತೂಯಳ್. ಆಯೆ ಯೇಸು ಅಂದ್‌ದ್ ಆಳೆಗ್ ತೆರಿಜೆ.
 ೧೫ ಯೇಸು ಆಳೆಡ್—ಪೋಣ್ಣವೇ ದಾನೆ ಅರ್ಪ? ಏರೆನ್ ನಾಡುವ ಅಂದೆ. ಆಳ್—

- ಆಯೆ ತೋಟದಾಯೆ ಅಂದ್‌ದ್ ಎಣ್ಣೆದ್ ಆಯಡ—ಕರ್ತವಾ, ಈ ಆಯನ್ ತುಂಬೋಣ್ಣು ಪೋಯಡ ಓಳು ದೀತ ಯೆಂಕ್ ಪಣ್ಣ, ಯಾನ್ ಆಯನ್
- ೧೬ ಕೊಂಡುಪೋವೆ ಅಂದಳ್. ಯೇಸು ಆಳೆಡ—ಮರಿಯಾ ಅಂದೆ. ಆಳ್ ಪಿಜೆ ರ್‌ದ್ ಆಯಡ—ರಬ್ಬುನಿ ಇಂದಳ್. ಐಕ್—ಬೋಧಕಾ ಇನ್ನಿ ಅರ್ಥ.
- ೧೭ ಯೇಸು ಆಳೆಡ ಪಂಡಿನಿ—ಯೆನನ್ ಮುಟ್ಟೆಡ, ಯಾನ್ ತೆಂಬುಡ ಯೆನ ಅಮ್ಮ ಕೈತಡೆಗ್ ಎರ್‌ದ್ ಪೋತ್‌ಜಿ, ಅಂಡ ಈ ಯೆನ ಸಹೋದರೆರೆ ಕೈತಡೆಗ್ ಪೋದು ಆಕುಳೆಡ—ಯೆನ ಅಮ್ಮೆಲಾ ನಿಕುಳೆ ಅಮ್ಮೆಲಾ, ಯೆನ ದೇವೆರ್‌ಲಾ ನಿಕುಳೆ ದೇವೆರ್‌ಲಾ ಆದುಪ್ಪನಾಯ ಕೈತಡೆಗ್ ಎರ್‌ದ್ ಪೋಪೆ ಅಂದ್‌ದ್
- ೧೮ ಪಣ್ಣ. ಮಗ್ಗಲದ ಮರಿಯ ಪೋದು ಯಾನ್ ಕರ್ತವನ್ ತೂಯೆ, ಆಯೆ ಉಂದೆನ್ ತನಡ ಪಂಡೆ ಅಂದ್‌ದ್ ಶಿಷ್ಯೆರೆಗ್ ಪಿನ್ನಾಯಳ್.
- ೧೯ ವಾರದ ಅವ್ವೇ ದುಂಬುದ ದಿನೊಟು ತಂಜಡ್ ಶಿಷ್ಯೆರ್ ಕೂಡುದು ಇತ್ತಿ ನವುಳು ಯೆಹೂದ್ಯೆರೆ ಪೋಡಿಗಿಗಾದ್ ಬಾಕಿಲುಳು ಮುಚ್ಚಿದ್ ಉಪ್ಪನಗ, ಯೇಸು ಬತ್ತದ್ ನಡುಟು ಉಂತುದು ಆಕುಳೆಡ—ನಿಕುಳೆಗ್ ಸಮಾಧಾನ
- ೨೦ ಉಪ್ಪಡ್ ಅಂದ್‌ದ್ ಪಂಡೆ. ಉಂದೆನ್ ಪಂಡ್‌ದ್ ಆಕುಳೆಗ್ ತನ ಕೈಳೆನ್‌ಲಾ ಮರ್ಗಿಲ್‌ನ್‌ಲಾ ತೋಜಾಯೆ. ಆಪಗ ಶಿಷ್ಯೆರ್ ಕರ್ತವನ್ ತೂದು ಸಂತೋಷ
- ೨೧ ಮತ್ತೆರ್. ಯೇಸು ಕುಡ ಆಕುಳೆಡ ಪಂಡಿನಿ—ನಿಕುಳೆಗ್ ಸಮಾಧಾನ ಉಪ್ಪಡ್, ಅಮ್ಮೆ ಯೆನನ್ ಕಡವುಡಿಲೆಕ್ಕನೆ ಯಾನ್‌ಲಾ ನಿಕುಳೆನ್ ಕಡವುಡುವೆ.
- ೨೨ ಉಂದೆನ್ ಪಂಡ್‌ದ್ ಆಕುಳೆ ಮಿತ್ತ ಉರಿತ್‌ದ್ ಆಕುಳೆಡ—ಪರಿಶುದ್ಧಾತ್ಮನ್
- ೨೩ ದೆತ್ತೊಣ್ಣೆ, ನಿಕುಳು ಎರೆರೆ ಪಾಪೊಳೆನ್ ಬುಡುಪರಾ ಆಕುಳೆಗ್ ಬುಡ್ತ್‌ಂಡ್. ಎರೆರೆ ಪಾಪೊಳೆನ್ ಪತ್ತುವರಾ ಅವು ಪತ್ತದ್‌ಂಡ್ ಅಂದೆ.
- ೨೪ ಯೇಸು ಬನ್ನಗ ಪದ್‌ರಡ್ ಮಂದೆಡ್ ಒರಿ ದಿದುಮೆ ಇನ್ನಿ ಥೋಮಸ್
- ೨೫ ಆಕುಳೆಡೊಪ್ಪ ಇತ್ತಜೆ. ಆಪಗ ಬೇತೆ ಶಿಷ್ಯೆರ್ ಆಯಡ—ಯೆಂಕುಳು ಕರ್ತ ವನ್ ತೂಯೆ ಅನ್ನಗ ಆಯೆ ಆಕುಳೆಡ—ಆಯ ಕೈಳೆಡ್ ಆಣೆದ ಗುರ್ತೊನು ತೂದು ಯೆನ ಬಿರೆಳ್‌ನ್ ಆಣೆದ ಗುರ್ತೊಡು ದೀದ್, ಯೆನ ಕೈನ್ ಆಯ
- ೨೬ ಮರ್ಗಿಲ್‌ಗ್ ಪಾಡುನವು ಅತ್ತಂದೆ ನಂಬಯೆ ಅಂದ್‌ದ್ ಪಂಡೆ. ಎಣ್ಣು ದಿನೊಡ್ಡು ಬೊಕ್ಕ ಆಯ ಶಿಷ್ಯೆರ್‌ಲಾ ಆಕುಳೆಡೊಪ್ಪ ಥೋಮಸ್‌ಲಾ ಉಳಯಿ ಇತ್ತೆರ್. ಬಾಕಿಲುಳು ಮುಚ್ಚಿದ್ ಉಪ್ಪನಗ ಯೇಸು ಬತ್ತದ್ ನಡುಟು
- ೨೭ ಉಂತುದು—ನಿಕುಳೆಗ್ ಸಮಾಧಾನ ಉಪ್ಪಡ್ ಅಂದೆ. ಬೊಕ್ಕ ಥೋಮ ಸ್‌ಡ—ನಿನ ಬಿರೆಳ್ ಇಂಚಿ ನೀಡ್‌ದ್ ಯೆನ ಕೈಳೆನ್ ತೂಲ; ನಿನ ಕೈ ನೀಡ್‌ದ್ ಯೆನ ಮರ್ಗಿಲ್‌ಗ್ ಪಾಡ್ಲ, ನಂಬಂದಿನಾಯೆ ಅತ್ತ ನಂಬುನಾಯೆ ಆದುಪ್ಪಲ

೨೮ ಅಂದ್‌ದ್ ಪಂಡೆ. ಥೋಮಸ್ ಉತ್ತರಕೊರ್ದು ಆಯಡ—ಯೆನ ಕರ್ತವಾ,
 ೨೯ ಯೆನ ದೇವೆರೇ ಇಂದೆ. ಯೇಸು ಆಯಡ—ಥೋಮಾಸೋ, ಈ ಯೆನನ್
 ತೂಯಿನೆಡ್ ನಂಬುವ, ತೂವಂದೆ ನಂಬುನಾಕುಳು ಭಾಗ್ಯವಂತೆ ಅಂದ್‌ದ್
 ಪಂಡೆ.

೩೦ ಈ ಪುಸ್ತಕೊಡು ಬರೆವಂದಿ ಬೇತೆ ದಿಂಜ ಗುರ್ತೊಳೆನ್‌ಲಾ ಯೇಸು ತನ
 ೩೧ ಶಿಷ್ಯೆರೆ ದುಂಬು ಮುಕ್ತಿ. ಆಂಡ ಯೇಸು ದೇವೆರೆ ಮಗೆ ಕ್ರಿಸ್ತೆ ಆದುಳ್ಳೆ ಅಂದ್‌ದ್
 ನಿಕುಳು ನಂಬುಲೆಕ್ಕಲಾ, ನಂಬುದು ಆಯ ಪುದರ್‌ಡ್ ನಿಕುಳೆಗ್ ಜೀವ ಉಪ್ಪು
 ಲೆಕ್ಕಲಾ ಉಂದು ಬರೆತ್‌ಂಡ್.

೨೧ನೆ ಸಂಧಿ

೧ ಉಂದೆಡ್ ಬೊಕ್ಕ ಯೇಸು ತಿಬೇರಿಯ ಕಡಲ್‌ದ ಕೈತಳ್ ತನನ್ ಕುಡ ಶಿಷ್ಯೆ
 ೨ ರೆಗ್ ತೋಜಾವೊಂಡೆ, ತೋಜಾವೊಂಡಿನಿ ಎಂಚಂದ್‌ಂಡ — ಸೀವೋನು ಪೇತ್ರ,
 ದಿದುಮೆ ಇನ್ನಿ ಥೋಮಸ್, ಗಲಿಲಾಯ ಕಾನದ ನಥಾನಯೇಲ್, ಜೆಬೆದಾಯ
 ೩ ಬಾಲೆಳು, ಆಯ ಶಿಷ್ಯೆರೆಡ್ ಬೇತೆ ಇರುವೆರ್ ಒಟ್ಟುಗು ಉಪ್ಪುನಗ, ಸೀವೋನು
 ಪೇತ್ರ ಆಕುಳೆಡ—ಯಾನ್ ಮಿಾನ್ ಪತ್ತಿಯೆರೆ ಪೋಪೆ ಇಂದೆ. ಆಕುಳು
 ಆಯಡ—ಯೆಂಕುಳುಲಾ ನಿನಡೊಪ್ಪ ಬರ್ಪ ಅಂದೆರ್. ಆಕುಳು ಪಿದಾಡ್
 ೪ ಕೂಡ್ಲೆ ಓಡೊಗು ಮಿತ್ತಾದ್ ಆ ರಾತ್ರೆಡ್ ದಾಲಾ ಪತ್ರ್‌ಜೆರ್. ಪುಲ್ಲಯಿ ಆಯಿ
 ಬೊಕ್ಕ ಯೇಸು ಕರೆಟ್ ಉಂತಿಯೆ, ಆಯೆ ಯೇಸು ಅಂದ್‌ದ್ ಶಿಷ್ಯೆರ್ ಪಿದು
 ೫ ಕೊಂಡ್‌ಜೆರ್. ಯೇಸು ಆಕುಳೆಡ—ಬಾಲೆಳೇ ನಿಕುಳೆಗ್ ತಿನಿಯೆರೆ ದಾಲಾ
 ಇಜ್ಜಾ ಅಂದ್‌ದ್ ಕೇಂಡಿನೆಕ್ — ಇಜ್ಜಿ ಅಂದ್‌ದ್ ಆಯಗ್ ಉತ್ತರಕೊರಿ
 ೬ ಯೆರ್. ಆಯೆ ಆಕುಳೆಡ—ಬಲೆನ್ ಓಡದ ಬಲತ್ತಡ್ ಬೀಪುಲೆ, ಆಪಗ ತಿಕ್ಕು
 ಇಂದೆ. ಅಂಚೆನೆ ಬೀತೆರ್, ಬೊಕ್ಕ ಮಿಾನ್‌ದ ರಾಶಿಡ್ ಅವೆನ್ ನನ ಒಯಿಪೆರೆ
 ೭ ಆಕುಳೆಗ್ ತೀರ್‌ಜಿ. ಆಪಗ ಯೇಸು ಪ್ರೀತಿ ಮುಳ್ಳಿ ಶಿಷ್ಯೆ ಪೇತ್ರಡ—ಆಯೆ
 ಕರ್ತವೆ ಇಂದೆ. ಸೀವೋನು ಪೇತ್ರ—ಆಯೆ ಕರ್ತವೆ ಅಂದ್‌ದ್ ಕೇಂಡ್‌ದ್
 ತಾನ್ ಬಜಿ ಮೆಯಿಟ್ ಇತ್ತಿನೆಡ್ ಮಂದ್ರಿನ್ ಸೊಂಟೊಗು ಕಟ್ಟದ್ ಕಡಲ್‌ಗ್
 ೮ ಲಾಗಿಯೆ. ಹೆಚ್ಚದ ಶಿಷ್ಯೆರ್ ಕರೆಕ್ ದೂರ ಆದುಸ್ಪಂದೆ ಹೆಚ್ಚಿ ಕಡಮೆ ಇನೂರ್‌ದು
 ಮೊರಂಗೆದಾತ್ ಅಕರ ಇತ್ತಿನೆಡ್ ಮಿಾನಬಲೆನ್ ಒಯಿತೊಣ್ಣು ಓಡೊಡು
 ೯ ಬತ್ತೆರ್. ಆಕುಳು ಕರೆಕ್ ಜಪ್ಪುನಗ ಗೆಂಡೊಳೆನ್, ಐತ ಮಿತ್ತ ದೀತಿ ಮಿಾನ್
 ೧೦ ನ್‌ಲಾ ರೊಟ್ಟಿನ್‌ಲಾ ತೂಯೆರ್. ಯೇಸು ಆಕುಳೆಡ—ನಿಕುಳು ಇತ್ತೆ ಪತ್ತಿ
 ೧೧ ಪಾಕ ಮಿಾನ್ ಕೊಂಡುಬಲ್ಲೆ ಇಂದೆ. ಸೀವೋನು ಪೇತ್ರ ಮಿತ್ತಾದ್ ನೂತ್ಯೆ

- ವತ್ತಮೂಜಿ ಮಲ್ಲ ಮಿಾನ್ ದಿಂಜ್‌ದಿ ಬಲೆನ್ ಕರೆಕ್ ಒಯಿತೆ, ಈತ್ ಇತ್ತ್ಂಡ
 ೧೨ ಲಾ ಬಲೆ ಪರಿಜಿ. ಯೇಸು ಆಕುಳೆಡ—ಇಂಚಿ ಬತ್ತದ್ ವಣಸ್ ಮಳ್ಳುಲೆ
 ಇಂದೆ. ಶಿಷ್ಯೆರ್—ಆಯೆ ಕರ್ತವೆ ಅಂದ್‌ದ್ ಪಿದುಕೊಂಡಿನೆಡ್ಡ್ ಆಕುಳೆಡ್
 ಒರಿಲಾ—ಈ ಯೇರ್ ಅಂದ್‌ದ್ ಆಯನ್ ಕೇಣಿಯೆರೆ ಧೈರ್ಯ ಮಳ್ತಾಜಿ.
 ೧೩ ಯೇಸು ಬತ್ತದ್ ರೊಟ್ಟಿನ್ ದೆತ್ತೊಣ್ಣು ಆಕುಳೆಗ್ ಕೊರಿಯೆ, ಮಿಾನ್‌ನ್‌ಲಾ
 ೧೪ ಅಂಚಿನೆ. ಯೇಸು ಸೈತಿನಾಕುಳೆಡ್ ಲಕ್ಕಿ ಬೊಕ್ಕ ತನ ಶಿಷ್ಯೆರೆಗ್ ತನನ್ ತೋ
 ಜಾವೊಂಡಿನವು ಉಂದು ಮೂಜನೆ ಸರ್ತಿ.
 ೧೫ ಆಕುಳು ವಣಸ್ ಮಳ್ತ ಬೊಕ್ಕ ಯೇಸು ಸೀವೋನು ಪೇತ್ರಡ—ಯೋನ
 ಮಗಾ ಸೀವೋನೋ, ಯೆನನ್ ಮೋಕುಳೆಡ್ ಹೆಚ್ಚ ಪ್ರೀತಿ ಮಳ್ಳುವನಾ
 ಅನ್ನಗ, ಆಯೆ ಆಯಡ—ಅಂದ್ ಕರ್ತವಾ, ನಿನನ್ ಪ್ರೀತಿ ಮಳ್ಳುವೆ ಅಂದ್‌ದ್
 ಈ ಪಿಂಬ ಅಂದೆ. ಆಯೆ ಆಯಡ—ಯೆನ ಕುರಿತ ಕಿನ್ನಿಳೆನ್ ಮೇವುಲ
 ೧೬ ಅಂದ್‌ದ್ ಪಂಡೆ. ಕುಡ ರಡ್ಡನೆ ಸರ್ತಿ ಆಯಡ—ಯೋನ ಮಗಾ ಸೀವೋ
 ನೋ, ಯೆನನ್ ಪ್ರೀತಿ ಮಳ್ಳುವನಾ ಅನ್ನಗ, ಆಯೆ ಆಯಡ—ಅಂದ್ ಕರ್ತವಾ,
 ನಿನನ್ ಪ್ರೀತಿ ಮಳ್ಳುವೆ ಅಂದ್‌ದ್ ಈ ಪಿಂಬ ಅಂದೆ. ಆಯೆ ಆಯಡ—ಯೆನ
 ೧೭ ಕುರಿಕುಳೆನ್ ಮೇವುಲ ಅಂದ್‌ದ್ ಪಂಡೆ. ಆಯೆ ಮೂಜನೆ ಸರ್ತಿ ಆಯಡ—
 ಯೋನ ಮಗಾ ಸೀವೋನೋ, ಯೆನನ್ ಪ್ರೀತಿ ಮಳ್ಳುವನಾ ಅನ್ನಗ, ಆಯೆ
 ಮೂಜನೆ ಸರ್ತಿ ಯೆನನ್ ಪ್ರೀತಿ ಮಳ್ಳುವನಾ ಅಂದ್‌ದ್ ತನಡ ಕೇಂಡಿನೆಡ್ಡ್
 ಪೇತ್ರ ದುಖ ಮಳ್ತದ್ ಆಯಡ—ಕರ್ತವಾ, ಈ ಮಾತೆನ್‌ಲಾ ಪಿಂಬ, ನಿನನ್
 ಪ್ರೀತಿ ಮಳ್ಳುವೆ ಅಂದ್‌ದ್ ಈ ಪಿದುಕೊಣುವ ಅಂದೆ. ಯೇಸು ಆಯಡ
 ೧೮ ಪಂಡಿನಿ—ಯೆನ ಕುರಿಕುಳೆನ್ ಮೇವುಲ. ನಿಶ್ಚಯಾದ್ ನಿಶ್ಚಯಾದ್ ನಿಕ್ಕ
 ಪಣ್ಣೆ—ಈ ಜವಸ್ಸೆ ಆದುಪ್ಪುನಗ ಈಯೇ ಸೊಂಟ ಕಟ್ಟೊಣ್ಣು ನಿಕ್ಕ ಮನಸ್
 ಇತ್ತಿನಡೆಗ್ ನಡತ, ಪರಬೆ ಆನಗ ನಿನ ಕೈ ನೀಡ, ಬೊಕ್ಕ ಬೇತೆ ಒರಿ ನಿನ
 ಸೊಂಟ ಕಟ್ಟದ್ ನಿಕ್ಕ ಮನಸ್ ಇಜ್ಜಂದಿನಡೆಗ್ ನಿನನ್ ಕೊಂಡುಪೋವೆ.
 ೧೯ ಎಂಚಿತ್ತಿ ಮರಣೊಡ್ಡು ಆಯೆ ದೇವೆರೆನ್ ಮಹಿಮೆ ಪಡೆಪಾವೆ ಅಂದ್‌ದ್ ತೂ
 ಪಾದ್ ಉಂದೆನ್ ಪಂಡೆ. ಉಂದೆನ್ ಪಂಡ್‌ದ್ ಆಯಡ—ಯೆನ ಬೆರಿಯೆ ಬಲ್ಲ
 ೨೦ ಅಂದೆ. ಪೇತ್ರ ಪಿಜಿರ್‌ದ್, ಯೇಸು ಪ್ರೀತಿ ಮಳ್ತಿ ಶಿಷ್ಯೆ, ವಣಸ್‌ಡ್ ಆಯ ತಿಗ
 ಲೆಗ್ ಮಲೆಂಗೊಣ್ಣು—ಕರ್ತವಾ, ನಿನನ್ ಒಚ್ಚಿದ್‌ಕೊರ್ಪಿನಾಯೆ ಏರ್
 ೨೧ ಅಂದ್‌ದ್ ಕೇಂಡಿನಾಯೆ ಬೆರಿಯೆ ಬರ್ಪಿನೆನ್ ತೂಯೆ. ಇಂಬ್ಯನ್ ಪೇತ್ರ
 ೨೨ ತೂದು ಯೇಸುಡ—ಕರ್ತವಾ, ಇಂಬ್ಯಗ್ ಆಪಗ ದಾನೆ ಇಂದೆ. ಯೇಸು
 ಆಯಡ—ಯಾನ್ ಬನ್ನೆಗೆ ಆಯೆ ಉಪ್ಪೊಡು ಅಂದ್‌ದ್ ಯೆಂಕ್ ಮನಸ್

೨೩ ಇತ್ತಂಡ ನಿಕ್ಕ ದಾನೆ? ಈ ಯೆನ ಬೆರಿಯೆ ಬಲ್ಲ ಅಂದದ್ ಪಂಡೆ. ಅಂಚಾಯಿ ನೆಡ್ಡ ಆ ಶಿಷ್ಯೆ ಸೈಪುಜೆ ಇನ್ನಿ ಪಾತೆರ ಸಹೋದರೆರೆ ಉಳಯಿ ಪುಟ್ಟಂಡ್. ಆಂಡ ಯೇಸು—ಆಯೆ ಸೈಪುಜೆ ಅಂದದ್ ಅತ್ತ, ಯಾನ್ ಬನ್ನೆಗೆ ಆಯೆ ಉಪ್ಪೊಡು ಅಂದದ್ ಯೆಂಕ್ ಮನಸ್ ಇತ್ತಂಡ ನಿಕ್ಕ ದಾನೆ ಅಂದದ್ ಆಯಡ ಪಂಡೆ.

೨೪ ಇಂಬೆ ಉಂದೆಕ್ ಸಾಕ್ಷಿ ಪಂಡದ್ ಅವೆನ್ ಬರೆತಿ ಶಿಷ್ಯೆ, ಆಯ ಸಾಕ್ಷಿ
 ೨೫ ನಿಜನೇ ಅಂದದ್ ನಮ ಪಿಂಬ. ಯೇಸು ಮುಕ್ತಿನವು ಬೇತೆಲಾ ದಿಂಜ ಉಂಡು. ಅವೆನ್ ಒಂಜೊಂಜಾದ್ ಬರೆತಂಡ ಬರೆವೆರೆ ಉಪ್ಪು ಪುಸ್ತಕೊಳೆನ್ ಲೋಕ ಪತ್ತದ್ದಂದ್ ಅಂದದ್ ಯಾನ್ ಎಣ್ಣುವೆ.